



**कलासन प्रकाशन**

कल्याणी भवन  
मॉडर्न मार्केट, बीकानेर  
द्वारा प्रकाशित

# धौलै दिन रौ सुपनौ

(गुजराती रै अमर उपन्यास 'दिवास्वप्न' रौ उल्थौ)

मूल रचनाकार  
गिजुभाई बधेका

रूपान्तरकार  
रामनरेश सोनी

कलासन प्रकाशन, बीकानेर

- संस्करण . १९९७
- प्रकाशक : कलासन प्रकाशन  
कल्याणी भवन, मॉडर्न मार्केट,  
बीकानेर-३३४ ००१ [राज.]  
फोन : ०१५१-५२६८९०
- मुद्रक : कल्याणी प्रिण्टर्स  
माल गोदाम रोड, बीकानेर
- पृष्ठ : १००
- मोल : सजिल्द ८० रिपिया  
पेपरबैक ५० रिपिया
- आवरण : रमेश कुमार शर्मा

## बधावौ

आज मनै घणौ हरख अर गुमान है कै देस रा जाणीता सिक्ख्याविद अर लिखारा पूजनीक गिजुभाई बघेका रौ अमर उपन्यास 'दिवास्वप्न' गुजराती सूं राजस्थांनी भासा में उल्यो ह्य'र 'घौळै दिन रौ सुपनौ' नांव सूं छप रैयौ है। ई मौकै भासान्तर रौ बीड़ौ सांभणिया भाई रामनरेश सोनी री सदभावना, मेनत, खिमता अर उछाव नै हूं बधाणी चावूं हूं। बांरी लगन रौ ई नतीजौ है कै आज राजस्थांनी भासा रा अलेखूं बोलणियां-वांचणियां नै ई उपन्यास रै रूप में अक नुंवी किसम रौ लावणौ मिल रैयौ है।

बियां तो गिजुभाई सिक्खकां अर मा-यापां सारु पंदरै-बीस पोथ्यां लिखग्या, अर टांबरां वास्तै ई दौय सौ किताबां लिखग्या, पण बांरौ 'दिवास्वप्न' उपन्यास तो माळा में सुमेरु री जियां टाळवां है। ईरौ देस री किच्ची ई भासावां में अनुवाद हुयौ है अर किच्ची ई जग्यां सेमीनार, बिचार गोष्ठ्यां अर सम्मेलन हुया है। लारला केई बरसां सूं म्हारै खंनै ई तरै रा समंचार आता रैया है। इन्दौर रा पूज्य काशिनाथजी त्रिवेदी सैंऊं पैली सन् १९३२ में ई रौ हिन्दी में अनुवाद करयौ। जा पछैस्तौ लारला पैतीस-चालीस बरसां मे ई उपन्यास माथै जाणै किच्चा लेख लिखीज्या है, ईरी गिणती ई कोनी।

गिजुभाई बाळ-सिक्खण रा औतारी पुरस हा अर दक्षिणामूर्ति बाळ मिन्दर बांरी साधना-थळी ही, जठै बैठ'र बाळ सिक्खण रा नुंवा कूंकू पगल्या मांड्या। आपरै बाळपणां में बांनै जीं तरै री सिक्ख्या मिली ही, बीनै लेय'र बांरै मन में बोत कड़वास ही। बीरी ठौड़ बै नुंवी तरै री आणंददायी सिक्ख्या दैणी चावै हा, जीं रै मांय तरै-तरै रा खेल, हँसी मजाक अर हात सूं काम करणै री रोचक बातां सामिल रैवै। बांरै मन री बाळ सिक्ख्या रौ सरूप ई न्यारौ-निकेवळौ हौ। सन् १९१६ सूं १९३६ रै बिचाळै बै आपरा प्रयोग कस्या अर टाबरां री तेजस्वी पीढ़्यां घड़ी। गुजरात रा मा-यापां नै ई बांरी पद्धति बोत पसंद आई, क्यूँकै बांरी वजै सूं टाबरां मे नुंवा संस्कार उपज्या हा। औ

सगळी बातां ई उपन्यास रै मांय लिछमीशंकर मास्टर नै मुख्य पात्र बणा र  
जीं तरै सूं लिखीजी है, बांनैस्तौ पढ्याई सरसी।

राजस्थान में ई केई जगां गिजुभाई री बिचारधारा रै परवांण बाळ-  
सिक्खण रा काम सरु हुया हा! अजमेर अर जोधपुर रा नांवां री तो मने  
जाणकारी है। राजस्थान रा भायां मनै ई बारै में बतायौ हौ। दूजी ठौड़ रा  
सिक्खकां-अधिकास्यां माथै ई बीं नुंवी हवा रौ असर जरूर पड़्यौ हुवेला।

आज रै माहौल में जद कै विद्यालयां में टाबरां री भीड़ बध रैयी है,  
पाठ्य पुस्तकां, कोप्यां-किताबां रौ बोज बध रैयौ है, भणाई रै नांव माथै फगत  
लेक्चर पद्धति चाल रैयी है, टाबरां में आप रौ काम आपौ-आप करणै री  
ऊरमा खतम होय रैयी है, भणणियां-भणाणियां रै बिचाळै जाण-पिछांण तक  
रैयी कोनी, ई तरै रा वातावरण में गिजुभाई रौ औ उपन्यास अक साफ-सुथरौ  
मारग दिखावै, अंधारा में उजास री किरणां फैलावै।

आपणां लोक-जीवण रै मांय मनोरंजन अर सिक्खण रा घणाई  
तरीका मौजूद है। जरूत है कै विद्यालयां री दीवारां सूं बारै सीखवा रा जिता-  
किता ई साधन आसानी सूं मिल रैया है, बां नै पढ़ाई रै काम में लिया जावै।  
गिजुभाई लोक-वारता, लोकसंगीत, लोक नृत्य, लोकवाद्य, लोकगीत,  
लोकक्रीडा, नाटक, भ्रमण, पर्यावरण-ग्यांन नै जीं तरै सूं बाळ मिंदर री  
दिनचार्य रै मांय दाखल करी ही, बीं विधि नै आज भळै अजमाणै री जरूत  
है। बाळ सिक्खण ई तरै रौ होणौ चइजै कैआपारां टाबर गुलाम नई स्वतंत्रचेता  
हुवै, परावलंयी नई स्वावलंयी हुवै, अकलखोरा नई सामाजिक हुवै, मदतगार  
अर परोपकारी हुवै। गिजुभाई री सिक्ख्या री तासीर जे ई उपन्यास सूं छण-  
छण रै यांचणियां सिक्खकां, माईतां, सिक्खा रा अधिकास्यां ताई पूगै अर जे  
यै यीनै अमल में लावै तो बाळ सिक्खण मे सुधारां री कीं उमेद की जा सकें।  
सांची पूछौ तो आज सिक्ख्या रै मांय सुपना जोवणियां री जरूत है। भलैई  
यै 'घौळै दिन रौ सुपनौ' जोवणिया हुवौ। ई दिसा मे औ उपन्यास अक भौमिया  
री गरज सारैला। पोथी री छपाई योत सौणी है। ई सारु प्रकासक ई यघाई  
रा पात्र है।

२३/०८/७३

दक्षिणामूर्ति बाळ मन्दिर

भावनगर-३६४ ००२

-विमुक्तेन यधेका

अनुवादक री कलम सूं

ईं टाणे

टाबरां री भणाई नै लेय 'र कैई तरै री अबखायां निगै आवै । कठैई वैठण री जग्यां रा फोड़ा तो कठैई भणाणियां रा तोड़ा । कठैई आं दोयां रौ बन्दोबस्त हुवै तो रुखाळा कोनी लाधै । जिकै मांयकर इसकूलां री निगैदास्ती राखणियां रौ जाबक ई तोड़ौ आयग्यौ । कोई आंकस ई कोनी रैयौ: न आंख रौ, न लाड-प्यार रौ, न मीठै-मुदरै बैवार रौ । किलासां खाली पड़ी हुवै तो कोई पूछणियौ कोनी कै छोरा कठै न्हाटग्या; कै छोरा ऊधम क्यूं मचावै, दर्यां क्यूं फाड़ै; कै भणाणिया कठै गया, हाजर क्यूं कोनी? कठैई छोरां नै पाठ कंठां करवा रौ दोरौ कांम देय 'र खुद भणाणिया टेबल माथै ऊंधा पड्या खरड़ाटा भरै तो बांनै सागेड़ा लबड़धक्कै लेबाळा कोनी कै सिरीमानजी, कुड़स्यां तोड़णौ छोड़ौ अर छोरां रै बिचाळै जाय 'र बारै मांय बैठौ, बांसूं बातां करौ, बांरौ बिसवास जीत 'र नुंवीं जात री हँसी-खुसी, मौज-मस्ती आळी भणाई री नुंवीं लीकां मांडौ । आज बां लोगां री नसल ई नीठगी लागै जिका स्याणां नै स्याणा कैय सकै अर बदमासां नै बदमास । कैई जणां हाल ई अंगरेजां री घड्यौड़ी भणाई री जूनी लीकां माथै चालता हुया, आपरा निजू अेदीपणां में ई तरै गरक हुयौड़ा है कै बां दरडां सूं यारै ई निसरणौ कोनी चावै । भणावौ तो भणावौ अर नई तो नई । छोरा ई भणै तो ठीक अर नई भणै तो घूड़ बावौ । यस, घ्याड़ी नई रुळणी चईजै ।

आपणा घरां रा टाबर आखै मुलक री रंगीनी निजरां सूं जोवण री हूस लेय 'र इसकूलां रै मांय आवै । पण बठै बांनै सांभै कुण? बांसूं यातचीत कुण करै? बांनै रमावै कुण? काण्यां कुण सुणावै? हँसावै कुण? कुण पाणी रौ पूछै? कीनै कै पड़ी है? घणखरा भणाणिया आपरा टाबरां रा माईत हुवै, पण इसकूलां में बै गरु रौ चोळौ धारण करतां ई जाणै आपौ क्यूं विसर ज्यावै?

कै ठा बै दोलड़ी मनोदसा में क्यूं जीवै? माँ-बाप रै नातै जिका आपरा टाबरा नै हेत-नेम सूं उछेरै, आपरा टाबरां री नबळाई, सबळाई, अबखाई, खिमता, भोळापणौ अर हुंस्यारी जाणै, अर जिका उछाव-उमाव सूं आपरै हातां काम करबा में लाग्योड़ा टाबरां री आदतां जाणै, बै भणाणियां रौ दरजौ धारतां ई माँ-बाप आळी हेतालु दीठ टांड माथै नाख र आपरौ बैवार इयां-कियां करबा लाग्य ज्यावै? बै इत्ता दीठ-बायरा क्यूं हूज्यावै? सास्तर कैवै कै माँ टाबर री पैली गरु हुवै। जणा माँवां री गोद्यां सूं भाज र इसकूला मे आबाळा टाबरां सारु बठै रा भणाणियां लाड-प्यार रौ बैवार जता र बां टाबरां री ममताळू मायड़ क्यूं नई बण सकै?

काई वजै है कै इसकूलां में पैलीपोत उछाव-उमाव सूं आबाळा टाबर की दिनां में इसकूल रै नांव सूं भौ खाबा लागै? भणाणियां नै आधै सूं जोवतां ई बै ओरां रै मांय क्यूं लुक ज्यावै? सवाल औ है कै इसकूलां टाबरां नै समजणौ क्यूं कोनी चावै? काई वजै है कै आपरै घरां में खटपट कर र मतैई सीखवाळा टाबर इसकूलां में सीखबा सारु रुचि कोनी दिखावै? थारी मोज-मस्ती अर आजादी, चंचळाटी अर हाऊताई जाणै कठै अलोप हूय ज्यावै? लागै जाणै घणखरा टाबरां नै इसकूल रै मांय घर जिसौ हेत, अपणायत, हँसबा-रमबा अर सवाल पूछबा री छूट कोनी मिळै। बठै आंख्यां काढ़ता, घूंठिया चमकाता, बात-बात पर गदीड़ मेलता भणाणियां नै जोवतां ई टाबरां री सूथणां आली हूय ज्यावै। ई हालत में 'कीरी गाय अर कुण नीरै' आळी कैबत सई ढूकै।

छोरां नै हँसतां-हँसावतां, रमतां-रमावतां भणाबा रौ अेक अखतरौ ई सइका रा दूजा दायका में भावनगर (गुजरात) में हुयौ। देस री गुलामी रा बरसां में जुदी-जुदी ठौड़ टाबरां अर किसोरां री नुंवी तरै री भणाई रा अखतरा आगै ई हुया हा। स्याति निकेतन, गुजरात विद्यापीठ, जामिया-मिलिया, गरुकुळ कांगड़ी, वनस्थळी, अर कासी हिन्दू बिस्वबिद्यालय आळी जियां भावनगर री 'दिखणा मूरती' रौ ई नांव सिक्थ्या रा नुंवां प्रयोगां रै मांय सिरै गिणीजै। आं सगळां बिद्यालयां अर बाळ मिन्दरां रौ असली मकसद औ ई हो कै सिक्थ्या रौ ई तरै कौ ढाळौ ढळीजै जिकै सूं मिनखपणै रौ मांन राखणिया, सँचनण हियै आळा सुपातर मिनख त्यार हुवै, अर बै देस नै गुलामी रा फंदा सूं आजाद करा र ईनै बधापै रै रस्तै लेय ज्यावै। ई खातर आं सगळां

विद्यालयां अंगरेजी राज रै मांय रैतां थकां देसी भणार्ई री इसी न्यारी-निकेवळी रीतां काढ़ी कै देखतां-देखतां आजादी री लड़त सारू जूझणिया अर बंदूकां सामी सस्तर-बिहूणी छाती ताण 'र मंडणिया आतम बळ सूं परझळता मायड़ रा सपूत त्पार हुआ। आखै मुलक में सायत ई कठैई दूजी ठौड़ आजादी री ई तरै री लड़त जोवण-बांघण नै लादै जठै इस्तक री हिसा-बिहूणी क्रांति हुई हुवै।

बापू री सीख रो असर नैना-मोटा देस रा सगळ लोग-लुगायां माथै हो, चायै बांरी कोई जात-बिरादरी क्यूं नी हुवौ। बापू रा राजनीत रा प्रयोगां नै सिक्क्या रै मांय दुकाबा रौ नुंवौ अखतरौ बां ई दिनां में गिजुभाई बधेका नांव रा प्रयोगबीर सिक्कक भावनगर में कर्यौ। बांरी प्रयोगथळी रौ नांव है दिखणामूरती बाळ मिन्दर। बै हा वकील। आछी-भली वकीलात छोड़ 'र बै ई पासै आया हा। दो-अेक बरसां में ई बांनै ठा पड़गी कै टाबरां री भणार्ई रौ ढरड़ौ तो सफा चूळियै उतर्यौड़ौ है अर ई नै सागी ठायै लाणौ पड़सी।

गुलामी री जूनी भणार्ई में भणाणियां रौ दरजौ ऊंचौ हो, अर बै ग्यांन रा दाता गिणीजै हा। बांनै सै इखियार हा। बै बोलता अर टाबर सुणता, बै हुकम छोडता अर टाबर हुकम ओडता। टाबरां रौ दर में ई मान नीं हो। कदैई सिंचळ्या नीं रैवणियां टाबरां माथै इसकूल में पूरी बंदोकड़ी रैती। ई तरै रा गुलामी रा ढरड़ा सूं बांडै आबाळ टाबर आजाद कियां हूय सकै? गुलाम रौ तो मन ई गुलाम रैवै। ई सारू गिजुभाई आपरा बाळ मिन्दर रै मांय नुंवीं सिक्क्या रो सिरी गणेश करतां थकां अेलान कर्यौ कै अठै री भणार्ई रौ केन्द्र विन्दु बाळक है अर सिक्क्या री सै प्रव्रत्यां बांनै निगै राख 'र सरू करीजैला। टाबरां नै भरपूर आजादी रैवैला। बै मत्तै ई तरै-तरै रा आपरी परसन रा काम करै अर सीखै। यठै सूं 'माइसाब' अर 'गुरुजी' जिसा नांवां नै देसूंटौ दिरीजग्यौ। बांरी जग्यां 'भाईजी' 'भाई' अर 'भाई साब' नांव बुलीजब लाग्या। गिरिजाशंकर बधेका रौ ई मांव टूंकौ हूयग्यौ-गिजुभाई। इयां ई दूजा सिक्ककां रा नांव राखीज्या।

गिजुभाई रौ बाळ-सिक्क्या रौ बौ प्रयोग इतौ क्रांतिकारी निवड़्यौ कै कीं अरसा में ठौड़-ठौड़ केई नुंवा बाळ मिन्दर खुलग्या। गिजुभाई आपरा साईनां नै तो नुंवीं सिक्क्या री बारखड़ी मांड 'र यता ई दी, पण माईतां नै ई बाळ मिन्दर री सभा मे बुला 'र कै परचौ भेज 'र यताय दी कै थें टाबरां नै



डरावौला-धमकावौला नई, मारपीट नई करौला, थै यानै लाड सूं समजावौ, काण्यां सुणावौ, बांरी बातां सुणौ, बांनै घर रा काम मत्तै ई करवाद्यौ, बांनै सवायौ मान द्यौ अर बांरौ भरोसौ राखौ। थैं बांनै नुंवीं-नुंवीं चीजां फोर र जोया द्यौ, नाचया-गाया द्यौ, चित्र बणाया द्यौ, बांरा सवालां रौ उकतायां बिना पड़ूतर द्यौ। अर सांचाणी गिजुभाई री बातां रौ भाईतां माथै गैरौ असर हो। बांनै खातरी ही कै गिजुभाई रा बाळ मिन्दर में बांरा टाबर जी तरै री भणार्ई करै है यी सूं बै आजाद सोच बाळा, मैनती अर सळ्या सैरी बणैला।

सन् १९१६ सूं लेय र १९३६ ताई गिजुभाई गुजरात रै मांय आपरी नुंवी तरै री सिक्क्या सूं विचारवान, नीतिवान अर तेजस्वी पीढ़ी रौ निरमाण कर्यौ। गिजुभाई तरै-तरै री काण्यां कैय र सगळा विषय भणाता। गुजराती भासा रै मांय यीं बगत टाबरों री बाळ पोथ्यां रौ काळ हो। गिजुभाई दोय सौ रै नैड़-नैड़ बाळ पोथ्यां लिखी। सिक्ककां अर माता-पिता सारु ई पन्दरै पोथ्यां लिखी। ऐ सगळी बां रा निजू अनभवां री बार-बार बांचणजोगी पोथ्यां है। पण बां रै मांय अेक इसी टाळवीं लाखीणी पोथी है, जिकी पैंसठ बरसां पछै आज ई सगळां रै बांचबा अर घर-घर में बिसाबाजोगी है। आ पोथी जे कोई दूजा मुलक रा सिक्कक री अंगरेजी, जरमनी, जापानी, स्पेनिस कै रूसी भासा में लिख्योड़ी हुंती तो हातूँहात करोड़ूं पोथ्यां बिक ज्यांती अर दूजी भासावां में ई रौ उलथौ हूय ज्यातौ। पण ई रा अभाग (?) कै आ गुजराती भासा मे लिख्योड़ी ही, जिकै सू लोगां री निजरां कोनी चढ सकी।

ई पोथी रौ नांव है 'दिवास्वप्न'। राजस्थांनी में हूं ईरौ नांव राख्यौ है 'धौळै दिन रौ सुपनौ'। औ सिक्क्या रौ अेक सलूणी उपन्यास है। हूं ई नै हरमन हेस री 'सिद्धार्थ', विलियम जेम्स री 'टाक्स विद टीचर्स', वसीली सुखोम्लीन्स्की री 'टु चिल्ड्रन आई गिव माई हार्ट', कोबायासी री 'तोतोचान', अेष्टन वार्नर री 'टीचर' कै जॉन हाल्ट री 'हाउ चिल्ड्रन फेल' नांव री जग विख्यात पोथ्यां जिती ई मैताळ रचना मानूं।

आज री सिक्क्या रै मांय जिका सुधारां-बधारां अर बदळावां री गुंजास है आंनै अेक रोचक कथानक घड़ र ई उपन्यास रै मांय इत्ती दिलचस्पी सूं पेस कर्या है कै बांचणिया मत्तै ई सिक्क्या री अयखायां र कम्प्यां सूं रूबरू हूय ज्यावै अर बां सूं सलटवा रा कीं उपाव ई समज ज्यावै।

सन् १९३१ में औ उपन्यास गुजराती में लिखीज्यौ। इन्दौर रा

गांधीवादी चिंतक अर मध्यभारत रा पैला सिक्खा मंत्री काशिनाथजी त्रिवेदी सन् १९३२ में ई रौ हिन्दी में अनुवाद करयौ। जा पछै पचास बरसां ताई औ उपन्यास अंधारा में गतागुम पड़यौ रैयौ। सन् १९८४ में ई रौ हिन्दी अंगरेजी अनुवाद “टीचर टुडे-नया शिक्षक” रै मांय जद छप्यौ तो आखै देस में ई रै खानी हजारु सिक्खाकां, सिक्खा-प्रेमियां, अर अधिकार्यां रौ ध्यान गयौ। पछैस्तो जग्यां-जग्यां पत्रिकावां अर किताबां में औ उपन्यास छपतौ रैयौ। देस री कैई भासावां में ई रा अनुवाद हुया अर औ नुंवीं सिक्खा री नुंवीं दीठ रौ अकर भळै आगीवांण बण्यौ।

राजस्थांनी में लिखणै रौ म्हारौ घणौ अभ्यास अर म्हावरौ कोनी हौ तोई मायड़भासा हूणै सूं मतैई ई पोथी रौ अनुवाद करणै री हिम्मत आयगी अर बा पार ई पड़गी। अनुवाद रौ काम नदी रै उमड़र आवा सरीखौ हुवै। बा पाणी रै सागै नुंवीं उपजाऊ माटी लावै तो औ नुंवां सबद अर भासा रौ नुंवां म्हावरौ लेय र आवै। ई पोथी में ई गुजराती रा कीं नुंवां सबद आया है। जिका मारु-गुर्जरी अंचळ रै मांय सईकां सूं बैवार में आता रैया है। यानै बापरबा सूं आपणी भासा री सगती में बधापौ ई हुवैला। आज मायड़ भासा रा चावा पाठकां रै हातां मे औ उपन्यास राखतां मनै बोत खुसी है।

गिजुभाई री पुत्रवधू अर दिखणामूरती बाळ मिन्दर री नियामक आदरजोगा विमुबेन बधेका रौ हूं घणौ उपकार मानूं कै बै आशीरवाद रै रूप में ई पोथी री भूमिका लिख र म्हारौ मान बधायौ है। कलासन प्रकासन रा भाई मनमोहन कल्याणी रौ ई घणौ आभार मानूं कै बै ई पोथी नै छापण रौ बीड़ौ उठायौ अर आज आ पोथी त्यार है।


सेण्ट्रल जैळ रै सांभी  
वीकानेर-३३४ ००५

रामनरेश सोनी

## दोय बोल

मनै कोई सला दीनी कै म्हारा  
सिक्ख्या रा बिचारां नै बजनदार तात्विक  
लेखां में पोवण री ठौड़ जे कथा री  
सैली में घड़ र लिखूं तो? ईसूं मनै  
कोसिस करणै रौ बळ मिल्यौ अर  
नतीजै रूप औ उपन्यास रचीज्यौ-  
'दिवास्वप्न'।

दिवास्वप्नां रै मूळ में जे  
सांची-सखरी मैसूस कस्थौड़ी बातां  
मौजूद रैवै तो बै कूड़ी कोनी लागै। औ  
दिवास्वप्न म्हारा जीवता जागता मैसूस  
कस्थौड़ा तजरबां सूं ऊपज्यौ है, अर  
मनै भरोसौ है कै ज्यांनदार, क्रियावान  
अर कलपना करणिया सिक्खक ईनै  
आपरै सारु हकीकत में सांचौ रूप देय  
सकैला।



-गिजुभाई मधेका

---

## पेलौ खण्ड अखतरा री सरुआत

( १ )

हूँ यांच्यौ-बिचार्यौ तो घणौ ई हो, पण मनै अनभव नी हो। मनै लाम्यौ कै अनभव लेणौ जरूरी है, जणांई म्हारा बिचार पाका हूँसी अर जणां ई मनै ठा पड़सी कै म्हारी कलपना में किस्ती थोथ अर किस्ती सांच है।

हूँ भणाई रै मौटे औलकार खंनै गयौ अर यांसूं प्राथमिक पाठसाळा री अेक वरग भणाई सारु संपणै री मांगणी करी।

बड़ा साब थोड़ा मुळक्या र कैयौ : 'रैयाई छो! अे काम थांसूं कोनी हुवे। टींगरां नै भणाणौ, अर भळै प्राथमिक साळा रा टींगरां नै, ई में परनाळै री पाणी ठेठ डागळै चढाणौ पड़े। भळै थें ठैर्या बिचारणिया लिखारा। टेवल माथै बैठ र लेख लिखणा सौरा है, कलपना में भणाणौ ई सौरा है, पण सांपड़तै काम करणौ अर पार उतारणौ अघरी है।'

हूँ बोल्यौ : 'जणां ई तो मनै खुद तजरबौ करणौ है, म्हारा बिचारां में सुभटता बर सुभाषीकता लाणी है।'

बड़ा साब कैयौ : 'जणां ठीक है। थें चावौ हो तो भलां ई अेक बरस राजी-खुसी अनभव करौ। हूँ थानै प्राथमिक साळा री चौथी किलारा संपूं हूँ। औ सांभौ बीरी अभ्यासक्रम, अे बीरी पोथ्यां, अर अे रैया सिक्कण खाता री छुट्यां रा नेम-असूल।'

हूँ बां नै घणै मानं सूं जोया। अभ्यासक्रम नै हूँ गूंज्या में गेल्यौ अर चौथी री पोथ्यां डोरी सूं बांधण लाग्यौ।

साब कैयौ : 'जोवौ! थानै दाय आवै जिका प्रयोग अर अखतरा आजादी सूं करौ, क्यूंके ई खातर ई थें आया हो, पण इत्ती बात निगै राखीजौ,

कै बारवें मईनै परीक्खा आय'र ऊभी रैवैला, अर थारौ काम परीक्खा सूं मापीजैला।'

हूँ बोल्याँ : 'कबूल! पण म्हारी मांगणी है कै परीक्खा लैणिया थें ई रैवोला। थानै ई म्हारै काम रौ कयास लगाणौ पड़सी। जद थें मनै मणाई रा प्रयोग अर अखतरा करणै री छूट देय रैया हो, तो थानै ई म्हारौ काम दिखायां मनै चैन मिलैला, थें ई म्हारी सफळता कै निस्फळता री वजै जाण सकौ।'

बडा साथ मुळक'र हॉ भरी अर हूँ आफिस सूं बांडे आयौ।

## (२)

हूँ आखौ अभ्यासक्रम जोयौ। मनै खातरी हुयी कै किता ई फेरफार हूय सकै। पोथ्यां ई निगै थारै काढ़ी। गुण-दोस आंख्यां सामी तिरण लाग्या। किता सुधार हूय सकै, ओ हूँ बिचार लीना। पैलड़ै दिन सूं लेय'र छैड़लै दिन ताई रा काम रौ जाणै कै मन में आलेख हूयग्यौ। परीक्खा अर बीरै नतीजै रा दिन ई हूँ जोय लीना। ई यात रौ मंसूयौ ई बंधग्यौ कै आखै यरस ई तरै काम चालसी, काम हूसी अर बीरौ औ नतीजौ निकळसी। बिचारां ई बिचारां में रात री दोय कद यजगी, ठा ई कोनी पड़ी। सेवट आंवती काल सूं कियां-काई करणौ, यीरी यिगत कागद माथे टूंक'र तीन बज्यां सूयग्यौ।

सुवे हुई। उछाव हो, सरधा ही, बेग हो। न्हा-धो'र कलेवौ करयौ अर यगतसर तीन लंयर री साळा में जाय पूय्यौ। हालघड़ी साळा उघड़ी कोनी ही। हैडमास्टरजी आया नी हा। चपड़ासी थारै घरै कूच्यां लेवानै गयौ हौ। टींगर आंवता-जांवता हा अर सड़क माथे दौड़ा-दौड़ी करता हा।

मनै लागे हो कै कद साळा उघड़ै अर कद किलास में जाय'र काम करया मांडूं? कद म्हारी भणाणै री नुंवी जुगत दाखल करूं? कद ध्यौस्ता अर स्पांति री रजुआत करूं? कद सरस रीत-भांत सूं पाठ समजाऊं अर कद भणातां-भणातां छोरां रौ मन मोय लेऊं?

यीं यगत सायत म्हारै मगज में लोई अणूतै बेग सूं देंवतौ हूसी।

घंटी याजी। छोरा किलास में जाय'र बैठया अर हैडमास्टरजी सामे घाल'र म्हारी किलास यताई। वै छोरां नै कैयौ : 'जोवौ, ओ थारा लिछमी-

शंकरजी मास्टरजी है। ऐ कैवे जियां करणौ है। आंरो हुकम मानीज्यौ। देख लैया, कोई ऊधम नई करै।'

हैडमास्टरजी बोल रैया हा, जद हूँ धकला यारै मईनां रा म्हारा साथ्यां नै जोय रैयौ हो। कोई मूंडे मुळक्यौ, कोई याडी आंख मिचकारी, कोई अकड़ र गायड़ हिलाई, कोई अचूबे अर मस्खरी सूँ म्हारै सामी मीट मांड र जोवण लाग्यौ, तो कीं बगना हुयौड़ा ऊबा ई रैया।

हूँ जोयौ कै ऐ टींगरां नै मनै भणाणौ है— ऐ मसखरा, सैतान, हैंकड़ीयाज अर अजब-गजब छोरां नै! मन थोड़ा दचक्यौ, छाती धथड़ी, पण सोच्यौ: 'फिकर नई, होळै-होळै जोय लेस्यूं!'

हूँ रातै टूंक्योड़ौ पुर्ज्यां गूंज्या सूँ काढ र जोयौ। लिख्यौ हो: सैंऊं पैली स्यांति री रमत, पछै वरग री साफ-सफाई री जाँच, पछै सहगान, पछै यातचीत।

हूँ छोरां नै कैयौ: 'आऔ, आपां स्यांति रौ खेलौ खेलां। जोवौ, हूँ 'ऊँ स्यांति' योलस्यूं, जणा सगळा मून धार र यरौबर पाल्थी वाळ र बैठ ज्याइज्यौ। कोई हिलैला नई। हूँ बारणा औढ़ाळ देस्यूं जणा अंधारौ हूय ज्यासी। थैं स्यांत रैस्यौ तो थानै घ्यारुंमेर रौ घूंघाट सुणीजसी। यौ सुण र थानै घणौ मजौ आसी। थानै माख्यां रौ भिणभिणाट सुणीजसी। थानै थारी आंवती-जांवती सांस सुणीजसी। पछै हूँ गाऊंला अर थैं सांभळौला।'

इतौ कैयां पछै हूँ स्यांति री रमत आदरी। हूँ 'ऊँ स्यांति' बोल्यौ, पण टींगर तो आपसरी री यातां अर बाथेड़ां में अळूझ्या रैया। हूँ दोय-घ्यार यार बोल्यौ, पण जाणै हवा में योलतौ होऊं। हूँ अमूजग्यौ। आ तो कियां कैऊं कै 'चुप रैवौ। गड़यड़ नई?' थाप देय र डरपाइजे कियां? खैर, हूँ धकै चाल्यौ अर धास्यां बंद करी। अंधारौ हुयौ अर पछै ध्यान (?) चाल्यौ। छोरां में ऊँ कोई 'ऊँ ऊँ' करवा लाग्यौ, कोई 'हाऊ-हाऊ' करवा लाग्यौ तो केई घमाधम पग पछाड़वा लाग्या। इत्ता में ई ओक जणौ ताळी बजा दी, तो सगळा ई ताळ्यां पाड़वा लाग्या। पछै कोई हंस्यौ तो हंसी रौ खिलकौ उडवा लाग्यौ। हूँ खिसियावणौ हूयग्यौ। मूडौ फक्क हूयग्यौ। हूँ बार्यां खोल दी अर थोड़ी ताळ औरड़ा सूँ बांडे निसरग्यौ। आखी किलास मस्ती में आयगी; छोरा एक दूजा नै 'ऊँ स्यांति कैय रैया हा। कीं खड़्या हूय र बार्यां औढ़ाळता हा।

मनै लाग्यौ: म्हारी ऐ टूंक्योड़ी टीपां अळी गयी। घर में बैठां-बैठां

टीपां लिख 'र' कलपना में भणाणौ सौरौ हो, पण अे तो लौ रा चीणां चबाणा हा। अजै तांणी धूँघाट अर ऊधम में उछरैला छेरां सांमी स्यांति री रमत रमणी भैंस नै भागौत सुणाबा जिसी ही। पण चिन्त्या नई। चोखौ ई हुयौ कै पैलै ई कवै में नाखी आयगी। काल सूं नुंवा गणेशजी मांडस्यूं।

हूँ पाछौ वरग में आयौ अर छेरां नै कैयौ : 'हणै-अबार वधारै काम नई करां। काल सूं नुंवौ काम सरु हूसी, आज थानै छुट्टी।'

छुट्टी रौ सयद सुणतां छेरा 'हो-हो' करता किलास सूं बांडै निसस्था अर पूरी पाठसाळा में चळभळाट माचग्यौ। 'छुट्टी, छुट्टी' रा बोल वातावरण में गूंजबा लाग्या। छेरा कूदता, उछळता, उलळता घरां खांनी भाजबा लाग्या।

दूजा सिक्क अर निसाळिया ई ताकबा लाग्या : 'औ कांई रासौ है?' हैडमास्टरजी अेकदम नैड़े आय 'र' भंवां ताण्यां बोल्या : 'छुट्टी कियां कर नाखी? हाल तांणी दोय घंटां री जेज ही।'

हूँ बोल्यौ : 'आज छेरा भणाबा सारु अभिमुख नी हा। आज बै आकळ-बाकळ हा। स्यांति री रमत में मनै आ बात ठा पड़ी ही।'

हैडमास्टरजी कड़कड़ी खाय 'र' बोल्या : 'पण इयां थैं परबारा ई पूछ्यां बिना छुट्टी कियां देय सकौ? अेक वरग रा विद्यार्थी घरां जासी जणां दूजा कियां पढसी? थारा इसा अखतरा अठै कोनी चालै।'

वै रौब जतांवता फैरुं बोल्या : 'ई थारी अभिमुखता - फभिमुखता नै जाबा छो। भळै, स्यांति री रमत तो चालै मॉटेसरी साळा में। अठै प्राथमिक साळा में तो धड़ देणी-सी ल्हापै में धरौ, फट देणी-सी सैं चुप हो ज्यावै! अर पछै रीतसर दूजा भणावै बियां ई थैं भणावौ तो बारवें मईनै फळ मतै ई सामै आय ज्यासी। आज रौ दिन तो अळ्यौ गयौ अर उल्लू यण्या बधारै में।'

मनै म्हारा हैडमास्टरजी माथै दया आई। हूँ बोल्यौ : 'साय! ल्हापै में धर 'र' भणाया रौ काम तो सगळा कर ई रैया है, अर बीरौ ई फळ हूँ जोवूं हूँ कै छेरा इत्ता उछांछळा, असम्य, जंगली, उग्र अर आकळ-बाकळ है। हूँ तो जोय लीनौ के अे च्यार वरसां री भणाई में छेरा इती ई यातां सीखी है- 'हो-हो', 'हू-हू', अर ताळ्यां पीटणौ! पाठसाळा तो आंनै दाय ई कोनी। छुट्टी रौ नांव सुणतां ई उछळ-उछळ 'र' नाटग्या।'

हैडमास्टरजी कैयौ : 'जणां हूँ ई देख लेस्यूं कै थैं कांई नौ की तैरा करस्यौ।'

हूँ होळै-होळै पगल्या घरतौ मोळै हिवड़े घरै आयौ। पड़्यौ पड़्यौ  
बिचारया लाग्यौ : भाईड़ा! कामड़ौ तो मुस्कल है। पण मुस्कल हूणै में ई म्हारी  
खरी कसौटी है। कोई चिन्त्या नई। आपां नै हारणौ कोनी। इयां ई भळै स्यांति  
री रमत हूंवती होसी? मोंटेसरी पद्धति रै मांय ईरै सारूं पैलां सूं किती ई  
तालीम करणी पड़ती हूसी? हूँ ई थोड़ो मोदू तो हूँ ई, कै पैलड़ै दिन सूं ई  
औ काम सरू कर दीनौ। पैलां मनै बांसूं जाण-पिछांण साधणी जोइजै। जणां  
कठै ई बै म्हारौ कैयौ सुणसी अर कीं करसी। जठै छोरां रै मनड़ां रै मांय  
पाठसाळा नई पण छुट्यां याली हुवै, बठै काम करणै रौ मुतलय है भगीरथ  
रौ गंगा नै लावणौ।

दूजै दिन कराणियै काम माथै बिचार कर र हूँ सूयग्यौ। रात तो दिन  
रा काम री जुगाळी अर आंवतै काल रै काम रा सुपनां में ई ढळगी।

साळा उधड़ी र हूँ गयौ। छोरा म्हारी दोळ्यूं फिरया लाग्या अर हँसी  
उडांवता हुवै बियां गम्मत में, पण डस्यां बिना कैया लाग्या : 'माइसाय! आज  
भळै छुट्टी देय द्यो नी? आज ई छुट्टी, छुट्टी, छुट्टी।'

हूँ बोल्यौ : ठीक जणां। छुट्टी तो आज ई करस्सूं पण आखै दिन री  
नई, फगत दो कलाक री। पण ढयौ। हूँ थानै अक काणी कैयूं। रागळा चुणौ।  
पछै आपां दूजी यातां करस्यां।'

हूँ तुरत काणी उगेरी।

'अक हो राजा। यीरि ही सात राण्यां। सारलूं रै सारा भुंवर अर सात  
राजकुंवस्यां।'

हाकौ-कूकौ अर रौळो करता री छोरा म्हारै र्वने आम'र मैतग्या।  
हूँ काणी कैतो-कैतो थोड़ो दय'र मांनै कैयौ : 'देख्यौ, मै रागळा कैम'दाकै भू  
सरखा वैठौ। इयां ठीक थोड़ी लागै।'

सै थोड़ा-थोड़ा ठीक बैठग्या, पण कैयन लाग्या : 'काणी मैती सुणायौ।  
माइसाय! हड़ देणी कैसौ, आगे कोई भूनी?'

हूँ मुळकर आगे यात टोरी : 'मै आजी म'सकुंनग्यौ ५ साल'गाग  
मेल अर मेली-मैली सान'ग्याग भोग्यौ म दग'र।'

छोरा तो फाटै अग्यौ काणी सुणया लाग्या। अग्यौ भि



ही। कोई बोलें न चालें। हैडमास्टरजी सोचबा लाग्या कै आज ई वरग में इत्ती घणी स्यांति कियां? बस बै वरग में आय घमक्या। मनै आय 'र पूछ्यौ : 'क्यूं, काणी सुणा रैया हो?'

हूँ बोल्यौ : 'हॉ जी! काणी, अर नुंवी तरै री स्यांति री रमत, दोन्युं सागै ई चाल रैया है।'

हैडमास्टरजी पाछा गया परा। काणी चालती ही पण आड़े-पाड़े रा वरगां सूं रोळौ घणौ आंवतौ हो। हूँ बोल्यौ : 'जोवौ, च्यारुंमेर किंतौ रोळौ मघ रैया है?' छोरा नै ई बौ रोळौ अणखांवणौ लाग्यौ।

काणी आर्दीटि पूगी जणां हूँ कैयौ : 'बोलौ भाईड़ा! छुट्टी जोईजै तो काणी बंद कर छूं? नईतर चालू राखूं?'

सै बोल्या : 'चालू, चालू। छुट्टी कोनी जोईजै म्हांनै।'

हूँ कैयौ : 'ठीक जणां, घकै सुणौ काणी, पण.....आपां बीच मे थोड़ी-सी बातचीत कर लेवां। पछै छुट्टी री घंटी बाज्यां तांणी हूँ थानै काणी ई सुणास्युं।'

एक छोरौ बोल्यौ : 'नई बातचीत काल कर लैया। अबार तो झट देणी-सी काणी कैवौ, जिकौ सैपूरण हूय सकै।'

हूँ बोल्यौ : 'काणी इत्ती लंबी-लईड़ है कै च्यार दिनां ताई चालसी।'

सगळा बोल्या : 'ओहो! इत्ती लांबी? जणा तो मजौ आय ज्यासी।'

हूँ जेब सूं रजिस्टर काढ़्यौ अर नांव लिखबा लाग्यौ। बारीसर सगळा आप-आपरा नांव लिखाया: पट-पट, झट-झट। पछै हूं हाजरी लीनी अर कैयौ : 'देखौ, अबै सूं आपां काणी उगेस्यां पैली हाजरी भरस्यां पछै काणी कौस्यां।' इत्तौ कैय 'र हूँ काणी मांडी जिकी ठेठ घंटी बाज्यां तोड़ी चाली।

समै पूरौ हुयौ पण छोरा बोल्या : 'नई, अजै बैठस्यां, थैं काणी कैवौ।'

हूँ बोल्यौ : 'बस भायां, अबै काल।' भळै पूछ्यौ : 'क्यूं भई, काल छुट्टी राखां कै काणी?' सै बोल्या : 'काणी, काणी, काणी।' इयां कैय 'र बै चलैग्या।

गई काल आळै 'छुट्टी, छुट्टी, छुट्टी सबदां री ठौड़ आज हवा में 'काणी, काणी, काणी' रा बोल गूँजै हा।

मनै लाग्यौ : 'हालौ, आज रौ दिन तो सुघर्यौ। सांघाणी, आ बात

सवा सौळाना सांच है कै काणी री जादू गजय री है।'

(४)

दूजे दिन सुबे सगळा छेरां मुळकता-मुळकता वरग मांय दाखल हुया। हूँ किलास में पूग्यौ 'र वै सगळा अक-दूजा माथै गुड़ता-पड़ता मनै घेर लियो। बोल्यो: 'हालौ माइसाय! अबै काणी कैवौ।'

हूँ बोल्यो: 'पैली हाजरी, पछै थोड़ी यातचीत अर पछै आपणी काणी'

गूज्या सू चाक री कटकौ काढ़ 'र हूँ वरग रै बिचाळै अक वरतुळ मांड्यौ अर बोल्यो: 'जोवौ, रोजीना थानै ई रै माथै आय 'र बैठणौ है।' हूँ बैठ 'र दिखायौ: 'ई तरै। आ ठोड़ म्हारी। अठै बैठ रै हूँ थानै काणी कैस्युं'

सगळा बैठग्या। हूँ ई बैठग्यौ। हाजरी ली, अर काणी उगेरी। सै अभिमुख हा। काणी फटकारी। मंत्रीज्यौड़ा पूतळां री जियां भोयौड़ा वै सगळा काणी सांभळता हा। बिचाळै काणी ढाब 'र हूँ कैयौ: 'क्युं, थानै काणी किसीक दाय आवै?'

'म्हानै काणी योत दाय आवै।'

'थानै काणी सुणनौ सुबावै बियां ई काणी बांचणौ ई भावै?'

'हां, म्हानै काणी बांचणौ ई परसंन है, पण इसी कितायां लाधै कठै?'

'पण काणी री पोथ्यां हूँ थानै लाय धूं तो थें बांचस्यौ कै नई?'

'बांचस्यां, बांचस्यां!'

इत्यार नै अक चतर टींगर बोल्यो: 'पण थानै काणी तो म्हानै पक्कायत संभळावणी ई पड़ैला। अकलां म्हानै ई बांचणी पड़ै, आ नई हुवै।'

हूँ बोल्यो: 'ठीक।' पछै हूँ काणी आगे यधाई।'

घंटी याजी अर काणी अटकी। सगळा म्हारी दोळ्युं ऊभा होयग्या। कीं तो मनै हेत सू जोवण लाग्या, कीं म्हारा हात सू अड़ रैया हा होळै-होळै, अर कीं आप रै मन में ई मस्त हा।

हूँ कैयौ: 'जाओ भागौ, साळा ऊँ पादरा घरै जाओ।'

छोरा बोल्यो: 'कोनी जावां। थें काणी कैवौ, सिंझ्या तोड़ी अठै ई बैठस्यां।'

टींगर गजा 'र कीं सिक्कक म्हारै खनै आया। कैबा लाग्या: 'भाई साब!

आ तो कोजी करी। म्हारा वरग रा छोरां नैं ई अबै काणी चईजै। आजकाले बै भणवा में चित-मन कोनी राखै। हर बगत आ ई बात कै म्हेँ काणी सांभळ्या जास्यां, नईतर थें ई कैवौ।'

हूँ बोल्यौ : 'तो थोड़ी-बोत कैयां करौ!'

बै बोल्या : 'पण कैणौ आवै कीनै है? अक ई काणी आंवती हुवै जणां कैवां नीं?'

हूँ मूछ्यां में मुळकतौ रैयौ।

(५)

दूजै दिन दीतवार हो। हूँ बडा साब सूँ मिलया गयौ।

साब बोल्या : 'हैडमास्टरजी कैता हा कै थें तोआखी बगत काणी ई कैयां करौ हो।'

हूँ बोल्यौ : 'हाँ साब! हणै-अबार तौ काण्यां ई चाल रैयी है।'

साब पूछ्यौ : 'जणां प्रयोग कद करस्यौ? पाठ्यक्रम पूरौ कियां हसी?'

हूँ कैयौ : 'प्रयोग तो साब चालू ई है। सिक्क्यां अर निसाळियां नै अक-दूजा रै नैड़ा लावा में काणी किती जादूगरी नीवड़ै, ई चीज रौ हूँ खुदोखुद अनभव कर रैयौ हूँ। जिका छोरा पैलड़ै दिन मनै सुणता ई नी हा अर जिका मनै 'हा-हा, हू-हू' कर'र अमूजौ अणा देता, बै ई काण्यां सुणबा नै मिळतां ई स्यांत होयग्या है। बै म्हारै खांनी हेत सूँ जोवै। म्हारौ कैयौ मानै। कैवू बियां ई वैठै अर 'घुप रैवौ, गड़बड़ नई' इयां तो मनै कैणौ ई नी पड़ै। निसाळ सूँ बै टोरथां ई कोनी दुरै।

बडा साब बोल्या : 'भलौ, आ तो ठा पड़ी। पण अबै नुंवी रीत-भांत सूँ पढ़ाणौ कद सरु करणौ है?'

हूँ कैयौ : 'क्यूँ साब पढ़ाबा-सिखाबा री आ ई तौ नुंवी रीत है। काणी रै भारफत आज ब्योस्ता सिखा रैया हां, अभिमुखता री तयारी करा रैया हां, भाषा री शुद्धि अर साहित्य री जाणकारी देय रैया हां। काल कीं दूजी बातां री सिखाई-भणाई चालैला।'

साब बोल्या : 'निगै राखीज्यौ, काणी ई काणी मे बरस नी बै ज्यावै।'

हूँ कैयौ: 'हाँ जी! थैं ई यात री चिन्त्या मती करी।'

(६)

काणी सारु विद्यार्थी किलास मे गौळाकार जघ'र बैठ्या हा। हूँ योड माथे मांडयौ :

आज रौ काम: हाजरी, यातचीत, काणी। हाजरी भर्यां पछै हूँ यातचीत छेड़ी। हूँ कैयौ: 'ल्याऔ देखांणी, थारा नख कित्ता यध्यौड़ा है? सै खड़ा होय'र आप-आप रा हात दिखाओ।'

अकूँअक छोरा रा नख यध्यौड़ा हा। नखां में घणौ ई मैल हो।

हूँ कैयौ: 'थारी टोप्यां तो हात में लेय'र जोवौ, किच्ची मैली'र फाटी-टूटी है?'

सगळा टोप्यां तपासी। कोईक री ई टोपी सई ही।

हूँ कैयौ: 'जोवौ, थारा कोट रा यटण पूरा है?' सगळा कोट सांमी जोयौ। दोय-घ्यार जणां रा ई यटण पूरा हा।

पछै हूँ योल्हौ: 'आज अवै घणी जांच कोनी करां, काणी मे उंवार हूय रैयी है।' इत्तौ कैय'र हूँ काणी सरु कर दी।

काणी विचाळै अक छोरो योल्हौ: 'काणी री पोथ्या रौ काई हुयौ?'

हूँ कैयौ: 'दो-अक दिनां मे लियास्यूं। हाँ, जिका काणी री पोथ्यां पढ़णौ चावै, वै हात ऊंचौ करै।'

अकूँअक विद्यार्थी हात ऊंचौ कर लियौ।

हूँ पूछ्यौ: 'थैं जिकी-जिकी काणी री पोथ्यां पढ़ी हुवै, बांरा नांद तो योलौ।' दोय-घ्यार जणां ई दोय-घ्यार पोथ्यां बांची ही। चौथी ताई आयां पछै ई वै पाठ्यपुस्तकां टाळ'र दूजी पोथ्यां दर मे ई कोनी बांची ही।

हूँ पूछ्यौ: 'थां मे सूं कोई मासिक पत्र-पत्रिका बांचतौ हुवैला?'

दोय जणां कैयौ: 'जी, म्हे बालसखा बांचां हां।'

हूँ कैयौ: 'ठीक जणां। हूँ काण्यां ल्यास्यूं, थैं पढ़ीज्यौ। इत्ती सारी काण्यां ल्यास्यूं के थैं बांच-बांच'र घाप ज्यास्यौ।'

सगळा ई राजी दीसता हा।

पछै काणी आगै चाली, जिकी घंटी बाज्यां ताई चाली। छुट्टी हुई अर

हूँ कैयौ: 'भायां अक बात सुणता जाइज्यौ। गोळा माथै बैठ 'र सुणौ। काल  
अै नख कटा 'र आइज्यौ, भलौ! मतैई काट सकौ तो काट लीज्यौ नईस्तो  
बापू नै कैय 'र कै नाई आवै तो बी सूं कटवा लीज्यौ।'

अक बोल्थौ: 'हूँ तो दांतां सूं काट लेस्यूं।'

हूँ कैयौ: 'नई भाई! इयां मती करी। नख कैस्तो नैरणी सूं कटीजै  
अर कै छुरी सूं।'

पछै हूँ कैयौ: 'आपां अक तमासौ करस्यां।'

सगळा पूछ्यौ: 'कांई?'

'थानै उघाड़ै माथै पाठसाळा आवणौ है। अै मैली टोप्यां कांई काम  
री? भळै आपां नै टोपी री जरूत ई कांई है?'

सगळा हँसबा लाग्या। बोल्या: 'उघाड़ै माथै ई भळै पाठसाळा आईजै?  
हैडमास्टरजी बकै नीं!'

हूँ कैयौ: 'हूँ तो काल सूं उघाड़ै माथै आस्यूं अर थे ई आइज्यौ।'

छोरा बोल्या: 'पण बापू ना पाड़ै तो?'

'तो कैय देया कै आ तो फिजूल री अळबत है। मैली टोप्यां पैरणै  
सूं तो न पैरणी आछी।'

हूँ भळै बोल्थौ: 'जोवौ! कोट रा बुतान जरूर टंकवां लीज्यौ। इयांन  
तो चोखौ कोनी दीसै।' सगळा टींगर मन में बिचार करता-करता धरै गया।

मारग में मनै हैडमास्टरजी मिळ्या, बोल्या: 'अरे भाई! थैं तो कीं रौ  
की करबा लाग्या। अै सगळा चौळका थैं क्यूं करौ? नख कटाणा, अर बटण  
टाकणा, अर औ, अर बौ. . . . .। भणाई री नुंवी रीत-भांत सरू करबा आया  
हो, तो बा ई करो नीं! अै काम तो मा-बापां रा है, बै ई करसी, नईस्तो आपां  
नै कै? भळै सुणौ, उघाड़ै माथै तो छोरा साळा में आ ई नई सकै। आ असभ्यता  
बाजैली। ई बाबत मे बडा साब रौ हुकम जोईजै।'

हूँ कैयौ: 'साब, भणाई री अै ई तो नुंवी रीतां 'र बातां है। मैलाघेला  
अर ढगघड़ै-बायरा छोरां री पैली पढ़ाई ई नै टाळ 'र दूजी होय कांई सकै?  
थैं जोवौ तो सरी, जद सूं हूँ बानै आ बात याद अणाई, बै सरमीज्या तो सरी!  
बानै लाग्यौ तो सरी कै ई तरे मैलौ नई रैवणौ। मनै तो खातरी है कै घणखरा  
छोरा साफ-सफाई सूं रैवणौ सरू कर देसी। रैयी टोप्यां री बात, तो ई बारै  
में हूँ साब रा बिचार जाणल्यूंला। जठै तांई बारौ हुकम नई मिळैला बठै ताइ



हूँ कैयौ: 'म्हारे खंनै अक दूजी योजना है, पण थैं मंजूर करो जद नीं। योजना आ है कै सगळा छोरां नै किलास री पोथ्यां तो लाणी ई पड़े। हिन्दी री चौथी किताब, बीरी कुंजी, अर इतिहास री पोथ्यां तो सगळा छोरां नै खरीदणी ई पड़े।'

'हां, सई है।'

'हूँ इयां करणी चावूं कै छोरां सू पाठ्यपुस्तकां री खरीद मती कराऔ अर बां पोथ्यां रा दाम सू चोखी-चोखी पढ़णजोगी पोथ्यां खरीद लेवां अर बांसू अक पुस्तकालै बणा लेवां।'

'अच्छा, पण पाठ्यपुस्तकां बिना पढ़ावोला कियां?'

'ई माथै हूँ बिचार कर राख्यौ है। भणाणे री पद्धति में ददळाव माथै मनै पूरी खातरी है। हूँ थानै काम कर र दिखास्यूं अर ई बारै में पूरी खातरी अणा देस्यूं।'

'बोत आछ्यौ, हूँ जानूं हूँ कै औ थारौ ई प्रयोग है, अर थानै ई नतीजो बतायणौ है। पण मनै थोड़ी चेतावणी तो देवणी ई जोइजै कै देखौ, छोरा रखड़ै नई। थारा अखतरा में हूँ बरौबर साथ हूँ, पण छाती में अक धड़कौ ई है तो सरी।'

हूँ कैयौ: 'साब! थैं भरोसौ राखौ। अक बार देखौ तो सरी। कोसिस आपणी है, भगवान चावैला तो सफळता आपणी ई हुवैला।'

'अच्छा! पण साल रै आखिर मे थारै ई पुस्तकालै सौ काई होसी? पोथ्यां टाबरां नै बांट देवौला?'

'हाँ, अक तरै सू पोथ्यां आखै वरग री है। बै वरग नै ई पाछी मिलणी जोइजै। पण जे मा-बापां नै समझा सकां कै बै औ पोथ्यां पाछी नई मांगै र वरग रा पुस्तकालै सारु रैबा देवै तो वरग सौ पुस्तकालै कायम हूय ज्यासी अर सालो-साल बीरि मांय नुंवी-नुंवी पोथ्यां उमेरीजसी।'

'कै ठा थारी बात लोगा रै गळै उत्तरसी कै नई? बियां बिचार सौणौ है। ईनै अकर अजमाणौ जोइजै। पण सवाल पाछौ खड़्यौ हुवै कै वरग में भणाती बगत पाठ्यपुस्तकां रै बिना थै काम कियां धिकास्यौ?'

'जी, ई बाबत हूँ सोच राख्यौ है।'

दूजै दिन साळा उघड़ी। मनै अनेसौ हो कै सायत छोरा उघाड़ै माथै आवै। पण म्हारी आंख्यां खुलगी। ठा पड़ी कै मा-बाप टाबरां नै बियां जाबारी ना पाड़ी ही। वै कैयौ: 'उघाड़ै माथै ई कदै जायां करै? थारौ मास्टर तो बावळौ है।'

हूँ नख जोया, पण कोई-कोई रा ई कट्यौड़ा हा। घर री जात-जात री अबखायां ई ईरी वजै ही। कोट रा बटण टांकवानै कुण निकमो हो? अक मां कैवायौ हो: 'माइसाब! थैं भणावा नै आया हो तो भणाऔ नी, पण औ नुंवा-नुंवा चौळका क्युं मांडौ हो? म्हानै ई कीं काम काज तो हुवैला ई, कै टींगरां रा नख काटां, बटण सीवां, औ करां, बौ करां? म्हारा छोरां रौ तो इयां ई चालसी। म्हानै तो आगै ई मरणै ई फुरसद कोनी, भळै थारी आ बेगार कुण ऊंचै?'

हूँ तो ठार हूयग्यौ। सोच्यौ हो, साळा खुलतां ई वरग साफ-सुथरौ लाधैला, पण उल्टा इसा-इसा सनेसा सुणवानै मिल्या। खैर, कोई चिन्त्या नई। हूँ सोच्यौ: 'इयां काम नी सरै, अक खांनी मनै मा-बापां रौ सैफार साधणौ पड़सी अर दूजै खांनी इसी योजना सरु करणी पड़सी जिकै सूं साळा में ई टाबरां नै आं बातां रौ चस्कौ लाग ज्यावै।'

थीं दिन हूँ टाबरां सूं घणी बातचीत टाळ र सीदी काणी सरु कर दी अर मांड्यौड़ी काणी पूरी कैय दी।

छोरा कैयौ: 'दूजी काणी।'

हूँ बोल्या: 'काल सूं नुंवी काणी सरु करस्युं। आऔ, आज कोई खेल रम्मां।'

'खेल?' छोरा अचरज सूं म्हारै सांमी ताकवा लाग्या।

'हाँ खेल रमस्यां, आपां रमस्यां। थानै किस्सा-किस्सा खेल आवै?'

'घणा ई आवै, पण अठै खेल कियां रमीजै?'

'क्युं नई रमीजै?'

'जी, आ पाठसाळा है। अठै भळै कदेई छोरा रम सकै? थैं कदेई रमतां जोया है?'

'पण आपां रमस्यां। हूँई थारै भळै रमस्युं। आओ रम्मां।'



केई छोरा तो थांमला-री जियां खड़्या रैया और कीं 'हो-हो' करता रमण नै नाट्या। इत्ता में ई रौळी माचग्यौ। दूजी किलासां रा छोरा ई कमरां सूं झांक-झांक र देखण लाग्या। दूजा सिक्क ई म्हारै सांमी जोवण लाग्या।

ई गाळें में ई अेकाअेक हैडमास्टरजी आया अर मनै टोकता थकां कैयौ: 'देखौ, अै रमतां अठै नजीक में को रमीजै नी। रमणौ हुवै तो रीं मैदान में जाऔ परा। अठै दूजां नै अड़चण आवै नी!'

हूँ छोरां नै लेय र मैदान में गयौ।

छोरा तो छूट्यौड़ा घोड़ा री दाईं उछळ-कूद मचावै हा। 'खेल, खेल, हाँ भाईड़ा खेल!'

हूँ पूछ्यौ : 'किसौ खेल रमस्यौ।'

अेक बोल्यौ : 'खो-खो।'

दूजौ बोल्यौ : 'नई कबड्डी।'

तीजौ बोल्यौ : 'सतौळियै री दांव।'

चौथौ बोल्यौ : 'जणां न्है कोनी रम्मां।'

पांचवौं बोल्यौ : 'अैनै रैबा द्यौ, आपां तो रम्मां।'

हूँ गळ्यां में बिगड़्यौड़ी छोरां री आदतां देखी। हूँ कैयौ : 'देखो भाई!

आपां तो रमण नै आया हां। 'नई' अर 'हां', 'कोनी रम्मां' अर 'रमस्यां' इयांन ई थानै करणौ हुवै तो पाछा किलास में चालौ परा।'

छोरा बोल्या : 'नई, म्हानै तो रमणौ ई है।'

हूँ कैयौ : 'हालौ जणां! आज खो-खो खेलस्यां। दो जणा आगीवांण बण ज्यावौ अर बाकी रा भीड़।'

भीड़ बणबा मे ई घणी ताळ लागी। अेक कैयौ: 'हूँ भीड़ बणस्यूं', दूजौ बोल्यौ : 'हूँ बणस्यूं।' सेवट हूँ दोय जणां रा नांव नकी करस्या, दो फांट बणाई अर रमत मांडी।

पण आ तो गळी आळा टींगरा री रमत रैया। मूंडा मे जीब घाल र कोई रम्मै जणांक। हर कोई बिना वजै कीं न कीं बोलतौ ई रैवै। 'लै मियां, अपड़ देखाणी!', 'औ पकड्यौ!', 'थारी के मजाल कै अपड़ लेवै?', 'अरे, चेतौ राखौ, हूँ कैवतौ कोनी हो कै निकळ ज्यासी। भारी लफ्फा मारतौ हो, बौ नाटग्यौ नी बठीनै सूं। ल्यौ हारग्या नी?'

मनै लाग्यौ कै ओ रमत रौ मैदान है कै कूंजड़ा बजार? आ खो-

खो री रमत है कै रौळा-रप्पा री बाजी?

खेल खतम होतां ई जीत्यौड़ा छोरां में सूं अक जणौ बोल्यौ : 'ल्यौ म्हे जीत्याजी, म्हे जीत्या। थें खस्या तो घणा ई पण जोर कांई चालै। भीड़ सांतरा ह्यां ई कै ह्यौ?'

सामलौ चिड़ग्यौ अर घुरक्यौ, बोल्यौ : 'हाँ, हाँ हारग्यौ। अब कांई करसी?'

बौई छोरौ भळै बोल्यौ : 'थै हारया म्हे जीतग्या, थें हारया म्हे जीतग्या।'

हारणिया रौ मूंडौ लालबम हो। यौ कैयौ: 'बस, अब चुप करौ, नईतर देख लैया औ दग्गड़ आवै।'

जीतणियौ बोल्यौ : 'आया ई आया! हूँ तो चिड़ास्यूं, चिड़ास्यूं, चिड़ास्यूं-अै हारग्या, अै हारग्या, अै हारग्या!'

पैला छोरा री रीस काबू कोनी रैयी। उठा 'र भाटौ बगायौ। भाटौ बरणाट देणी-सी सामला रै माथै लाग्यौ अर लोई रो रैलौ बैवण दूक्यौ। हूँ सोच्यौ : घणी भूंडी हुई आ तो! रुमाल फाड़ 'र बीं रै माथै पाटौ बांध्यौ। सगळं नै खनै बुला 'र हूँ कैयौ : 'बस, काल सूं रमणौ बंद।'

सै बोल्या: 'पण साब, आं दोयां री लड़त में म्हारौ कै कसूर?'

हूँ कैयौ : 'थां लोगां नै म्हारी दो-अक सरतां कबूल हुवै तो ई रमण नै आवांला।'

सै बोल्या : 'कबूल है, कबूल।'

हूँ कैयौ: 'पैली यात तो आ, कै रमती बेळां बेबात कोई नई बोलै। बोलसी जिको बांडै बैठ ज्यासी।'

सै बोल्या: मंजूर है।

'दूजी बात आ कै रमत में हारया-जीतब री बात कोनी हुवै। आ तो रमत है। ई में अेकर अेकानला भीड़ लारै रैय सकै, तो दूजी बार सामला भीड़ लारै रैय सकै। ईरि मांय थें हारया अर म्हे जीत्या जिसी बात कोनी हुवै। खेलणै रो मुतलब है खेलणौ, कूदणौ, मजौ लेवणौ। हारणौ अर जीतणौ अर पछै माथौ फोड़णौ, ईरी कांई जरूत?'

सै बोल्या : 'आ ई मंजूर है।'

म्हे सगळा रम-रमा 'र पाठसाळा में आया। सागै पैली माथौ फूटेड़ी

छोरौ ई हो। दूजा सिक्क अर छोरा सै बीनै जोवण सारू बांडे आया। अक मसखरौ छोरौ बोल्यौ: 'क्यूँ, किसीक जबरी रमत रमाई।'

दूजौ बोल्यौ: 'अै तो फाग रमबा नै गया हा!'

छुट्टी हुई जणा सिक्क अर हैडमास्टरजी मिळ्या। अक सिक्क कैयौ: 'कियां? आज तो भारी जुद्ध करवा दियौ थे!'

दूजौ बोल्यौ: 'अजी साब! इसी रमत में थैं कांई काड्यौ! आ ठैरी बारा बापां री परजा, ई नै तो साळा रै बाड़े में ई राखणौ र घोखाणौ-पढ़ाणौ। छूटा छोड्या नीं, अर अक-दूजा रा खप्पर खोल्या नीं। गळ्यां में रोजीना कांई हुवै जिकी थानै ठा कोनी कांई।'

हैडमास्टरजी कैयौ: 'हूँ तो धारतौ ई हो कै आज की नुई-जूनी हूसी। पण ठीक ई हुई, अै सिरीमानजी नै अकर तजरबो होणौ जरूरी हो, ईरै बिना अँरो काळजौ कियां ठरतौ? साळा में ई कदेई खेल हुवै?'

हूँ बोल्यौ: 'साब! खेल ई तो साचो भणतर हुवै। दुनियां रा नांमी-नांमी म्हापुरष खेल रै मैदान सूं ई निपज्या है। रमत रौ मुतलब है चरित्तर।'

हैडमास्टरजी कैयौ: 'जणां ई तो आ मारकूट अर माथा-फूट हुई! बालां हो ई रैयी ही कै इत्ता में ई माथौ फूटेड़ा छोरा रौ बाप रातौ-पीळौ फूफावतौ आय धमक्यौ। बोल्यौ: 'ई तरै रौ भणतर म्हानै नई जोइजै। देखौ नी, औ माथौ खुलग्यौ! कठै है हैडमाइसाब? कुण मारथौ ईनै?'

हूँ बोल्यौ: 'देखौ भाई साब! अै छोरा तो रमबा नै गया हा। बठै छोरा-छोरा आपसरी मे लड-भिड़्या अर लागी।'

बाप पूछ्यौ: 'पण अँनै रमण रौ हुकम कैण दियौ? साळा में भणाई हुवै कै रमत? अै तो आखे दिन गळ्यां में रमता ई रैवै है? थानै छोरां नै भणाणौ हुवै हो भेजूं, नईस्तौ भेजणौ बन्द।'

हूँ बोलौ-बोलौ सुणतौ रैयौ।

हैडमास्टरजी बोल्या: 'सुणौ भाई साब! अै सिरीमान नुंवा सिक्क वण र आया है अर भणाई रा नुंवा-नुंवा अखतरा करै है। आज अै रमत रौ अखतरौ करयौ हो। बीं रौ ई नतीजौ है आ भिड़ंत अर माथाफोड़ी।'

छोरा रौ बाप कैयौ: 'मनै कोनी पौसावै थारा अखतरा-बखतरा। छोरां नै सीदौ-सीदौ पढ़ाणौ हुवै तो पढ़ावौ नईतर अठै सूं उठा लेस्यूं।'

ई बगत दूजा सिक्क मूँछ्यां लारै मुळक रैया हा। पण ई वेळां हूँ

काई बोलूं?

घरै गयौ। रोटी कोनी भायी। औरा में जा'र सोचण लाग्यौ: 'मास्त्रा भई, खोटी पजी! खैर। रमत रा नेम-असूल बताया तो है, भल्ले बताय देस्यूं। बाकी रमत तो रमाणी ई जोईजै। म्हारै हिसाब सूं तो सांचौ सिक्खण औ ई है।

पड़्यां-पड़्यां ख्याल आयौ: 'क्यूनी मा-बापां री अकाद सभा बुला 'र बांनै रम्मत री मैमा समजावूं! बांसूं साफ-सफाई अर ब्यौस्त सारु सैयोग देबा री अरदास करूं! बांरी मदत नई मिळसी तो म्हारौ काम मास्त्रौ जासी। आपरा टाबरां वास्तै मा-बाप इत्तौ ई नई करसी काई? म्हे सिक्खक लोग मा-बापां रौ सैकार नई मांगां तो आ म्हारी ई खोट है! तो क्यूं नई काल ई अक सभा बुलाऊं?'

(८)

सभा भरीजी। पण बीनै सभा कैवां तो कियां? चाळीस मा-बापां नै तेड़ौ भेज्यौ हो, पण आया सात जणां ई। हूं किताँ दुमणौ हुयौ, बीरौ छैड़ौ कुण जोवै हो। हूं भासण री सागैड़ी त्यारी कर राखी ही, पण करतौ काई। मनै लाग्यौ कै कोसिस करणो आपणै सारु है। हालौ, भासण रौ ई औ अखतरौ सई!

घणौ ई काळजै सूं हूं अक कलाक तोड़ी मनमोवणौ भासण दियौ। सात जणां में सूं अक नै घरां सूं तेड़ौ आयग्यौ अर बै गया परा। दूजा उकताइजेड़ा सुणता रैया। पण म्हारौ मुद्दी घणौ मैताऊ हो अर बीरै बारै में बांनै समजाणौ जरुरी हो।

हूं बांनै सांचै भणतर अर कूड़ै भणतर री तंत री बातां घणी ई झीणवट सूं बतार्ई। हूं बांनै आतमा री उन्नती अर बीरै सागै साफ-सफाई रौ रिस्तौ समजायौ। हूं बांनै खेल सागै चरित्तर री सांकळ जोड़ 'र समजाई। हूं बां नै हियै मांय सूं उपजते सांचै नियमन री मैमा अर बीरौ मोल बतायौ। हूं बारै सांमी आजकालै री पाठसाळा री सिक्खण-पद्धति अर कूड़ै नियमन नै भांड 'र बांरौ भुक्कौ कर नाख्यौ।

पण चीकणै घड़ै छांट ठैरै जणां। बापड़ा दोय-च्यार जणा तो सरमा-

सरमी आयोड़ा हा, बैई घरां जाबानै चंतावळा हा, अर भासण सैंपूरण होताई वै भाग छूट्या।

लारै रैयग्या म्है सिक्क अर म्हारा बडा साब। साब थोड़ा मुळक 'र बोल्या: 'भाई लिछमी शंकरजी। आ तो भैस आगै भागौत होयगी। थारा फलसफा नै अठै समजै कुण है?'

लारै सूं कोई सिक्क होळैसीक डळी खिसका दी: 'बावळौ है जी मनै चोखोस्तौ कोनी लाग्यौ पण हूं घूंटडौ गिटग्यौ। हूं म्हारी आतमा रै मांय ई बात नै मैसूस ई करी कै हालघड़ी हूं थोड़ौ बावळौ - 'भण्यौ-गुण्यौ मूरख' तो हूं ई! अजै तांणी मनै ठा ई कानी कै मामूली आदम्यां रै सांमी कियां भासण देणौ जोइजै!

सगळा सिक्क ठी-ठी करता घरां गया।

## (९)

दस-बारा दिन बीत्या 'र हूं पुस्तकालै रौ काम पाछौ सांभ्यौ। काण्यां बोट कैईजगी ही। बिद्यार्थी चौथे वरग रा हा। अबै बां रै हातां में किताबां री जरुत ही।

हूं छोरा नै कैयौ: 'काल थैं चौथी किताब अर इतिहास रा वाम लेता आइज्यौ। किताबां री ब्यौस्ता अठै सूं हूय ज्यसी।'

दूजै दिन अक छोरो चौथी किताब अर इतियास ले 'र ई आयग्यौ। बोल्थौ: 'जीं दिन हूं चौथी में चढ्यौ हो, यी दिन ई म्हारा बापू अै किताबां मोलाय लाया हा!'

दूजौ बोल्थौ: 'म्हारा बडा भाई खंनै अै किताबा ही, जिकी लियायौ।'

तीजौ बोल्थौ: 'मनै अठै सूं किताबां कोनी लेणी, मुम्बई सूं म्हारा फूँफौसा भिजवा देवेला।'

भळै अक छोरो बोल्थौ: 'म्हारा बापू पईसा देवै कोनी। कैवै हूं मत्तेई किताब ला देखूं।'

हूं सोच्यौ: मास्या भई। कलपना में तो पुस्तकालै रौ मेळ मिळणै सौरौ हो, पण खराखरी कितौ दोरौ है।

कीं छोरा पईसा लाया हा। हूँ बाँने रसीद देय'र पईसा खंनै राख लिया। छोरां नै हूँ कैयौ: 'ठीक है मई!'

दूजै दिन छोरा बोल्या: 'म्हारी पोथी! म्हारौ इतियास!!'

हूँ कैयौ: 'अै थांरा पईसा भेळा कर'र हूँ काण्यां री अै नुंवी कितायां लायौ हूँ। थें कैवता हा नीं, कै थांनै काण्यां री किताबां बांचण में मजौ आवै'

छोरा बोत राजी हुया। बै सौणी-सौणी रंगील पुद्दां अर चितरामां आळी किताबां जोवतां ई यारै माथै टूट पड़्या।

हूँ कैयौ: 'आपां खंनै अयार तो पनरै ई पोथ्यां है। पनरै जणां बांच सकै। याकी रा वीस जणां म्हारै खंनै आवौ परा। हूँ बांचूँ, थें सांभळौ।' गड़यड़-गोटाळौ टाळबा नै हूँ फैरु कैयौ: 'अेक सूं पनरै ताई रा विद्यार्थी अै पोथ्यां बांचसी अर याकी म्हारै खंनै आय ज्यावौ।

पनरै जणां पनरै पोथ्यां उठा'र भूखा बाघ री जियां टूट पड़्या। हूँ कैयौ: 'देखौ भायां! अेक किताब बांच्यां पछै मेज माथै रख दीज्यौ, अर दूजी किताब पड़ी हुवै तो उठा लीज्यौ। इयां थांनै अेक-अेक कर'र सगळी किताबां पढण नै मिल ज्यासी।'

याकी छोरां नै हूँ म्हारै खंनै बिठा लिया अर आदर्स वाचन सारु कियौ। हूँ लैजा सूं, भाव-भंगी अर नेम परवाण बांचण लाग्यौ, पण दूजां पनरै जणां रौ पढ़णै रौ रौळौ! ढय'र हूँ कैयौ: 'भायां! 'सै मन में पढ़ौ, क्यूँकै म्हानै अड़चण हुवै।' कीं देर तो रौळौ कम हुयौ पण मून बांचणै री बांरी रफत कोनी ही। बै जोर-जोरसूं बांचै हा। मुदरा होय'र बै तो पाछा ऊंचा सुर में बांचबा लाग्या। हूँ यानै कमरै मे अळगा-अळगा बैठ'र बांचण सारु कैयौ अर हूँ मांयनै रैयौ।

आदर्स वाचन खूय चाल्यौ। पसंद री काणी ही, जिकौ सगळा ई मजौ ले-ले'र सुणी। छुट्टी री घंटी ताई पोथी रौ वाचन अर आदर्स वाचन चालतौ रैयौ। पछै म्हे घरां गया परा।

(१०)

काण्यां, खेल, पुस्तकालै, आदर्स वाचन, साफ-सफाई अर ब्यौस्ता री खटपट करतां-करतां दोय-तीन मईना गुड़कग्या।

हूँ म्हारै काम रौ हिसाब माडण नै बैठौ। हुयोड़ै काम माथै मींट मांडी।

मनै लाग्यौ कै हालघड़ी पाव रूई में सूं पैली पूणी ई कोनी कतीजी ही। पाठ्यक्रम रा हिन्दी, गणित, इतियास अर पदारथ पाठ इत्याद विषयां में तो कीं कोनी हुयौ हो। दूजी किलासां में तो घणौ ई काम निवड़ग्यौ हो, अर बरस उतरतां मनै ई बौ सगळौ काम कर र दिखानौ हो, आ ई म्हारा अखतरा री सरत ही।

औ तो ठीक है, पण हूँ जितौ-कितौ ई काम पूरा करयौ है, वीनै तौ निजर बारे काढूं! काणी-कैणौ बोल बढिया तरै सूं ढाळै पड़ग्यौ हो। वीरी वजै सूं छोरां मे ध्यौस्ता अर अभिमुखता केळवीजी ही। पण अजै ताणी चम्पकलाल अर रमणलाल नै काणी दाय कोनी आई ही। रामजीवन अर शंकरलाल नै काणी साव सौरी लागै ही। काणी री बगत राघव अर माधौ आंख्यां टमकारै, आंगळ्यां नचावै अर दूजां री कूट काढै। ईरो तो उपाव अजै करणौ ई हो।

हाँ, आ सांची है कै रमत रमाणै सूं बिद्यार्थी अवै म्हारै सागै खुल र बातां करै, मनै कीं गिणै, म्हारै सूं डरै कोनी अर खेल्यां पछै घणौ ध्यान देय र म्हारौ आदर्स वाचन सुणै। पण अजै खेल री बेळां अब्यौस्ता अर रौळा-रप्पा रै मांय थोड़ी-सी ई कमी आई है। खसू तो घणौ ई हूँ पण हाल घणौ लाम्बौ मारग नापणौ बाकी पड़्यौ है।

वाचनालै में अजै पोथ्यां-थोड़ी-सी है। हूँ अजै तांणी पाठ्यपुस्तकां री ठौड़ पुस्तकालै रचबा री बात मा-बापां रै गळै कोनी उतार सक्यौ। हूँ सोचै हो कै अकर मा-बापां नै भासण देय र समजास्यूं तो सै ठीक ह्य ज्यासी। पण अठै तो मा-बापां री फगत इत्ती ई आदत पड़ी है कै 'पढ़ा द्यो'। दूजी बात सुणबा री न तो बांनै फुरसद है, अर न बांरा भेजा में बैठै। खैर, चिन्त्या नई। औ सै काम लारै पड़्यां ई पार पड़सी। आज नई तो काल, हाल घणां ई दिन पड़्या है म्हारै खंनै।

हूँ आगै सोच्यौ: भई, सिक्कण रौ औ अखतरौ तो मोटौ म्हाभारत निवड़्यौ! जित्ती घणी आपणी कलपना, समजण अर आदर्स बिती ई गैरी वीरी ऊंडाई अर मोटी अमूजणी। मन में किताई सवाल गुद्दौ देवै हा। साफ-सफाई नै लेय र अजै तांणी कीं नई हुयौ। टोप्पां बिंया ई पड़ी ही। दो-अक दिनां तो पैरण रा गाबा चोखा दीस्या, पछै तो पाछी बा-री-बा रफत! नख फावड़ां री जियां बघण लाग्या। औ कामां रै लारै पड़्यां टाळ र मारग कठै हो। समाज

मे नुंवी टेव विगसाणै रौ काम घणौ धीजौ मांगै, पण सेवट बार-बार कस्या ई पार पड़ै।

चिन्त्या अकला छोरां री ई स्तौ कोनी ही। बडा साव ई उंतावळा हूयग्या हा। कयूंकै बांरा ई अफसर अर दुसमी हुवै ई है। बै जस रा भागी ई वणणा जावै अर नतीजौ ई बेगौ-बेगौ चावै। म्हारी मदत करणै री बांरी सगती ई मरजादा-मांय ही!

म्हारा भीड़ सिक्ककां नै म्हारै मांय रत्ती भर भरोसौ कोनी। बै तो मनै सफा बावळौ ई गिणै। सायत हूँ थोड़ा-बोत हूँ ई। बियां तो हूँ अनभव-यायरौ ई हूँ, पण यांरी मान्यतावां अर भणाई री रीतां नै हूँ हाथ जोड़ूं! बांनै तो जोवतां ई डील में कंपकंपी छूटण ढूकज्यावै। ई यिच्चै तो हूँ करुं जिकै रौ दरजौ बांसूं सवायौ ऊंचौ पड़ै। म्हारा विद्यार्थी मनै जोवतां ई भाग तो कोनी छूटै। बै मनै चावै, म्हारौ मान राखै, कैयौ बोल उपाड़ै। जद कै आं सिक्ककां रा विद्यार्थी आंनै जोवतां ई भाग ज्यावै, लारै सूं आंरी कूटां काढ़ै। अै सै हूँ म्हारी आंख्यां देखी है। अेक ई छोरौ इसी कोनी जिकौ सिक्कक रै खंनै जाय 'र हेत सूं खड़्यौ हूय सकै, मुळक 'र बातचीत कर सकै। बै वरग में तो मून धार 'र बैठै, हिलणौ ई जाणै बिसर ज्यावै, पण बांडै निसरतां ई धीगामस्ती करै। ई यावत में हूँ म्हारा विद्यार्थ्यां ने वाजयी छूट देय राखी है। बै वरग मे जरा-सी गड़बड़ कर सकै पण बांडै आयां वीसूं बधारै गड़बड़ कदैई नई करै। पण म्हारा साथी सिक्कक इल्जाम लगावता कैवै कै हूँ छोरां नै बिगाड़ूं हूँ, बदमास बणाऊं हूँ, फगत काण्यां सुणाऊं हूँ, भणाऊं कोनी; खेल रमा-रमा 'र बांनै आवारा बणाऊं हूँ। ठीक है भाईडां, देख्यौ जासी। म्हारै विचार सूं तो अै खेल अर अै काण्यां आधूआध भणाई है, सिक्कण है।

इतौ होतां सातर मनै कदैई नई भूलणौ चइजै कै म्हारौ काम दौरौ है, अघरौ है। इयां मान 'र ई हूँ काम करती रैस्यूं।

यारा रा टणका बाज्या 'र म्हारी विचारधारा टूटी। हूँ बोल्यौ: 'हे भगवान! सेवट तौ सौक्यूंई थारै हात है', इया कैय 'र म्हारी सगळी चिंतावा बी रै खौळै न्हाकी अर 'काल री बात काल देखस्यां' इयां निश्चै कर 'र हूँ सुयग्यौ।





## दूजौ खण्ड अखतरा री गति-प्रगति

(१)

तीजौ मईनौ बैठौ । मनै लाग्यौ कै अयै रोजीना रा काम री खतावणी करातौ चालूं, जीसूं मनै ई ठा पड़ती रैवै कै अठवाड़ियैसर कितौ काम निवड़ै । ईरै सागै ई हूँ अेक मईना रा काम रो आलेख कर्यौ जणा मनै लाग्यौ कै नोंधपोथी री उपयोगिता है । नोंधपोथी लॉगबुक जिसी नई, पण फगत दिसा-सूचक यादी रूपी ही ।

काणी तो रोजीना चालती ही अर खेल ई खेलीजता हा । बीच-बीच रै मांय बातचीत, आदर्स वाचन अर सरीर री तपास ई चालती ही । वाचनालै ई होळै-होळै पगल्या धरतौ आगै बधतौ हो ।

(२)

हूँ अभ्यासक्रम रा विषयां मे सूं लागू करणौ सरू कर्यौ । अेक दिन सुयै हूँ कैयौ: 'लिखौ डिक्शन ।' छोरा म्हारै सांभी जोवण लाग्या । बै सायत सोची ई कोनी ही कै हूँ ई ढय रौ सिक्क हूँ जिकौ श्रुतिलेख लिखासी, गृहकार्य देसी-लेसी, नकसौ पूछसी अर इसा-इसा ई काम करासी । अेक तरै सूं जोवां तो हूँ ई ढब रौ हो ई कोनी । बै मनै इसौ जाण्यौ ई कोनी हो ।

हूँ बोल्या: 'लिखौ ।'

घणकरां खंनै पाटी-बरता ई कोनी हा । पाटी-बरतै रौ अर दूजी पोथ्यां रौ बारै काम ई कोनी पड़्यौ हो, जिकै सूं बै खाली हात आया लाग्या हा । खंनलै वरग सूं हूँ पाट्यां-बरता मंगाया अर श्रुतिलेख लिखावण नै बैठौ ।

कैयां मूंडो मचकोड़्यौ, कैयी बोल्या: 'माइसाय, काणी कोनी कैवौ?'

दूजो छोरौ बोल्यौ: 'पोथी तो भणाई कोनी, जणां डिक्टेसन कीरै मांय सूं लिखास्यौ।' अकाद भळै बोल्यो: 'पैली म्हानै बांच लेबा द्यौ, जिकौ गलत्यां नई होवै।'

मनै लाग्यौ: वा भई! अ सगळा तो जूनै ढंग-ढाळै री पढ़ाई मे उछरच्यौड़ा है। डिक्टेसन रौ बोदौ अरथ अ बरौबर जाणै है, जिकै सूं ई भिड़क रैया है। श्रुतिलेख आनै सुवावै कोनी जणां ई तो पोथी मांय सूं आगूच बांचणी चावै है।

हूं पुस्तकालै आळी अक पोथी सांभ'र लिखाबा मांड्यौ। हूं अक आखौ वाक्य बोल्यौ। पण हूं दोय-च्यार सबद बोलूं'र छोरा अड़वा-पड़दा सयद सुणतां ई लिखण दूकै। आखौ वाक्य सुणैई कोनी। वै 'हे, हैं', 'कांई कैयौ', 'कांई बोल्यो सा' अकै सागे पूछ्या लागै। हूं बोल्यौ: 'देखौ, पैली हूं थानै श्रुतिलेख लिखबा रौ गुर बताधूं। जद हूं बोलूं तद थें बरौबर म्हारै सांमी जोवौ, अर जिकौ बोलूं यौ बरौबर सुण-समज'र लिख द्यौ। भळै पाछा दूजौ वाक्य सुणबा नै म्हारै सांमी जोवौ।' ई तरै हूं बांनै लिखाबा लाग्यौ। पण बांरी जूनी-पुराणी बांण इयां कद छूटै। पछैस्तौ जद नुंवी आदत पड़गी तद बार-बार पूछणै री जरूत ई कोनी रैयी। हूं अकर ई बोलतौ, दूजै बोलतौ ई कोनी।

डिक्टेसन लिखीजी अर पाट्यां नीचै धरीजी। जद तपास करी तो ठा पड़ी कै बांमैं हिज्यां री चूकां हुवै, जुडवां आखरां री बांनै गतागम कोनी, अर आखर ई अक सरखा सौणा कोनी लिखीजै।

हूं कोई रै ई गलत्यां कोनी काढी। सगळी पाट्यां देख'र पाछी अपड़ाय दी। सगळा कैबण दूका: 'म्हारी गलत्यां कित्ती है? म्हारी कित्ती है? म्हारौ ऊचौ लंबर, ईरौ उत्तरतौ लंबर।'

अत्यार नै अक छोरौ बोल्यौ: अबै तो लिछमी शंकरजी ई आपां नै भणासी अर लंबर देसी.....अर मजौ आसी।'

हूं कैयौ: 'हूं अ धंधा करवाळौ कोनी। सई है। थानै सगळां नै सई लिखणौ आवै है। काल फैरु लिखस्यां। इयां करतां-करतां थें घणौ ई सौणौ लिखबा लागस्यौ। नित-हमेस लिख्यां तो लिखणौ आ ई सी! गलत्यां काढ़'र आपानै करणौ ई कांई है?'

अक जणौ कैयौ: 'पण लंबर अर पैलौ-दूजौ?'

हूं बोल्यौ: 'थै लोग म्हारै खनै काणी सुणौ हो, बीरै मांय लंबर अर

पैलै-दूजै री जरूत पड़े?’

‘नई।’

‘थें खेल खेलौ हो, बीरै मांय कठैई लम्बर री जरूत रैवै?’

‘नई।’

‘थारै मांय कैई डीगा अर ठीगणा है, बीरै मांय लम्बर अर पैलै-दूजै री जरूत पड़े?’

‘नई।’

‘थामें सूं कैई जाडा है अर कैई पतळा, बीमें कोई कदेई पैलै दूजै लम्बर माथै रैवै?’

‘नई।’

‘कोई पैसा आळौ है अर कोई गरीय है, ई बात नै लेय र थानै पाठसाळा में कदेई लम्बर मिलै?’

‘नई।’

‘अै यातां है, जणां आपणा वरग रै मांय आगै-लारै अर पैलै-दूजै जिसी यातां री जरूत ई कोनी। कविता आवै तो गावौ, नई आवै तो यांचौ, याद करौ; रमणौ नई आवै तो देख-देख र सीखौ, आवै तो रमौ, मजा करौ। डिक्टेसन सई लिखै, आखर सौणा लिखै तो यीनै देख-देख र दूजा ई सौणा अर सई लिखौ। हूँ कोई नै पूछू अर कोई नै याद नई हुवै तो जिकै नै आवै घौ बता दैवै, नईतर हूँ बताय देस्यूं। बस, इती तो बात है।’

सगळा आंख्यां फाड़्यां जोवता रैया। बारै सारु जाणै अै अचूंघै री यातां ही। छैडै जातां हूँ कैयौ: ‘आपां का वरग री तो बात ई न्यारी-निकेवळी है, अेक अळगी अर नुंवी यात है। अठै नुंवी तरै सूं काम हुवै, आ “आपणी किलास” है नी!’

“आपणी किलास”, “आपणौ वरग” दोय-च्यार बार अै सयदां माथै हूँ जोर देय र कांई योल्थौ छोरां माथै ईरौ ओपतौ रंग चढ्यौ। वै ई कैवण दूका: “आपणी किलास तो बेनामून है। आपणौ वरग मुतलय अेक नुंवी यात!”

श्रुतिलेख नै लेय र हूँ अेक ई अठवाड़िया में कीं खास-खारा सुधारा कर नाख्या। छोरां नै हूँ कैयौ कै रोजीना घरां सूं कोई न कोई पोथी में सूं च्यार लेणां जोय र सई-सई लिख ल्यायां करौ। हूँ ई खुद यानै रोजीना दस मिनट तांई श्रुतिलेख लिखाणौ चालू राख्यौ। यांसूं अेक-दूजा नै लिखाया अर

अक-दूजा री गळत्यां काढण सारु पनरै मिनट राख्या हा।

जुड़वां आखरां नै सई-सुद्ध लिखाबा अर समजाबा सारु हूँ दौरा जुड़वां-आखरां री अक चोपड़ी बणाई, जिकी में चौथी किलास रा सगळा जोडाक्षर भेळै हा। बा पोथी हूँ बारी-बारीसर बांचण नै अर पाटी माथै लिखण नै छोरां नै दी।

चौथी किलास में आबाळा दौरा सबदां री एक पानड़ी ई हूँ बणाया लाग्यौ अर बीरौ उपयोग कियां करणौ, ई माथै सोचबा लाग्यौ।

अबै म्हारौ काम कीं ढंगधड़ै सूं ठीकठाक चालबा लाग्यौ।

### (३)

अक दाड़ै खंनला कमरा रै मांय सूं अक छोरा रै अरड़ावणै रौ रोळौ सुणीज्यौ : 'अरे बाप रे, मरग्यौ रे।'

म्हां लोगां रा कान खड़ा हूयग्या, क्यूँकै म्हे तो काणी में मगन हा। छोरां रौ ध्यान जोरामरदी बठीनै चलैयग्यौ। हूँ काणी नै ढाबी अर छौरां कानी देख 'र कैयौ: 'थां में सूं अक बिद्यार्थी जाय 'र देख्याओ कै कांई हुयौ? कुण रौवै है? क्यूं रौवै है?'

अक हुंस्तार छोरौ देख्यायो, योल्ह्यौ: 'जी, यीं किलास में माड़साय जीवणलाल नै मार्यौ है।'

'क्यूं, भई।' हूँ पूछ्यौ।

'यींनै भूगोळ याद कोनी ही।'

'तो ई में मारया री कांई बात ही।' हूँ भळै पूछ्यौ।

अक छोरौ पड़ूतर देतौ योल्ह्यौ: 'पाठ याद कर 'र नई ल्यासी जणांस्तौ मार ई पड़सी।'

हूँ कैयौ: 'पण पाठ नई आवै जणां?' दूजौ छोरौ यींनै सारौ लगातौ योल्ह्यौ: 'पाठ तौ याद हूणौ ई चइजै। याद नई हूसी जणां माड़साय और करसी ई कांई? गदीड़ तो घरसी ई!'

हूँ पूछ्यौ: 'पण कोई नै घोक्थां ई याद नई आवै, जणां?'

यीजौ योल्ह्यौ: 'तो ई माड़साय तो पक्कायत मारसी। वै भळै और करसी ई कांई? याद नहीं हूसी तो माड़साय मारसी, ठोकसी, गदीड़ घरसी!'

हूँ कैयो: 'चोखी बात है। पण योलौ थारै मांयनै सूं मार खावा नै कुण-  
कुण त्यार है?'

सगळा बोल्या: 'नां! इयां तो कुटीजणौ कुण चावै?'

हूँ कैयो: 'हूँ थानै याद करवा नै देवूं अर थैं याद नई कर 'र आओ,  
जणां मनै थानै मारणौ ई चइजै?'

'पण म्है तो याद कर 'र ई आस्यां।'

'थै बीनै घोकाँ अर तो ई थानै याद नई रैवै जणां.....?'

'तो कांई हुयौ.....तो ई थैं म्हानै नई मारौ तो चोखी यात।  
मास्यां तो लागसी ई। हां, म्हानै याद नई रैवै तो थैं भळै समजा दीज्यौ, म्है  
घणां ई घोकस्यां।'

हूँ कैयो: 'अछ्या भई! तो आपा पाछी काणी सरु करां।'

पण छोरा रौ जी बीं जीयणलाल में अटक्यौडौ हो। यै सगळा बोल्या:  
'थै देख लीज्यौ माइसाब! जीवौ इत्तौ उस्ताद है कै यौ लारै सूं माइसाब नै  
गाळ्यां काढसी, भीत माथै बांरी तसवीर मांडसी अर सागै-सागै गाळ्यां लिखसी?'

हूँ कैयो: 'जीवा नै इयां नई करणौ चइजै। माइसाब रै सागै इसौ बैवार  
चोखौ कोनी लागै।'

सगळा कैवण दूक्या: 'पण माइसाब ई तो बीनै कोजा मारै है!'

हूँ पूछ्यौ: 'ईरौ कै उपाव है?'

छोरा बोल्या: 'उपाव तो ओ ई है कै माइसाब ई नै ठोकै नई।'

हूँ भळै पूछ्यौ: 'जणां पाठ नै लेय 'र कांई करणौ चइजै।'

छोरा पड़ूतर मे कैयो: 'जिका पाठ याद कर 'र नई आवै धानै साळा  
सूं बाडै काढ़ वेणौ चइजै। कूट्यां कै लादै? कूट्यां ई बिद्या आवती हुवै,  
जणास्तौ टीगर रोजीना ई कुटीजै है नी?'

अक जणौ बोल्या: 'अजी, जीवण नै पढ़णौ कोनी सुवावै। बीनै तो  
सुसियां अपड़बा रौ करडौ चस्कौ है अर बियां जिनावर हांकवा रौ दौ रसियौ  
है ई।'

दूजौ बोल्या: 'सिरीमान जी! जीवौ अठै ई तो कुटीजै है। बांडै तो  
यौ सगळां री फुडंतरी उडावै। म्है तो सगळा ई बीसूं डरपां!'

हूँ पूछ्यौ: 'यौ कीं जात रौ है?'

छोरा बोल्या: 'जी, जात रौ कोली। बीरौ बाप सरकारी नोकर है।'

यीं नै जोरामरदी भणावै? अक माइसाय ई पढावा नै राख्यौड़ा है।'

हूँ कैयौ: 'अछ्या छोड़ौ यात! हालौ, आपां काणी पूरी करां!'

काणी कैय 'र म्हे उठया ई हा कै घंटौ याज्यौ। मार-कूट अर यीं रै नतीजै माथै सोचतौ-सोचतौ हूँ घरे गयौ। मनै तो मार-कूट करणी ई कोनी ही, जिकौ म्हारै मन में घणी ई निरांति ही।

इयां ई करतां-करतां थोड़ा दिन ओज्यूं बीतग्या।

(४)

अक दिन हूँ ऊपर आळा साब खनै गयो अर यानै कैयौ: 'साब, अक इसौ हुकम काढौ कै जिकै सूं पाठसाळा मे आबाळा छोरां नै साफ-सुथरा गाबा पैर 'र आणौ पड़ै। माथै टोपी राखणी हुवै तो बा मैली नई हुवै। बाळ राखणा हुवै तो पट्टा यायोड़ा हुवै। हफ्तै री हफ्तै टायरां रा नख कटवावै अर बध्योड़ा हुवै तो बाळ ई कटवावै। कोट माथै पूरा बटण हूणा चइजै। अकूँ अक बिद्यार्थी सिनान कर 'र साळा आवै, कै पछै हात-पग तो धोयोड़ा हुवै ई।'

साब धीजै सूं सगळी बातां सुणी 'र मुळक्या। कैयौ: 'क्यूं भई, मा-बाप थारी यात अणसुणी करै है काई?'

हूँ कैयौ: 'मा-बापां नै हूँ तो घणौ ई समजाऊं पर हियै उतरै जणां नी। घोखा-भला मालदार मा-बाप ई सुणै कोनी। कैवै: 'टायरपणा में म्हे ई इयां ई जाता हा पाठसाळा।.....रोजीना री रोजीना अै टमण कुण करै? थारौ काम भणावणौ है भाई, थैं थारै भणाओ नी! बाकी बातां म्हे मतै ई देख लेस्यां।' हाल ताई साब चिन्योसौ सुधार हुयौ है, अर सांची पूछौ तो हूँ इसा बिद्यार्थी नै भणाणी ई कोनी चावूं।'

साब बोल्या: 'थारौ कैणौ सौळना सई है। आपां रौ जन समाज है ई इसौ। ई नै सैंस्कारी बणाणै रौ मुतलय है अेडी रौ परसेवौ छोटी ताई पुगाणौ। फेरुं ई जद सूं भणाई रौ औ खातौ म्हारै हस्तै आयौ है तद सूं कैई माइतां माथै चोखौ असर हुयौ है।

हूँ कैयौ: 'तो ई थै इसौ हुकम कोनी काढ़ सकौ?'

'भई, इसौ हुकम हूँ कोनी काढ़ सकू। आ म्हारै हद-बारली बात है।'

‘हद बारली? तद थैं इत्ता लूँठा खाता रा औलकार कियां हुया?’

‘भई, आ ठैरी नैनी-सी रियासत। दूजी ठौड़ा ई औलकारां नै इसा हुकम काढ्या रौ हक हुवै कोनी।’

हूँ पूछ्यौ : ‘जणां पछै?’

साब कैयौ: ‘मोटोड़ी सत्ता नै मचकावौ। बठै सूँ ई इस्तक रा फरमान जारी हूय सकै। पण इस्तक रा फरमान लोगां पालैला कित्ताक? जद वै ई आपणौ हुकम नई पालै जणां आपां करस्यां काई?’

‘बांरा टाबरां नै साळा सूँ यांडे काढ़ देस्यां।’

‘आ कोनी हूय सकै। इयां करस्यां तो घ्यारुंमेर रामारौळौ ई मच ज्पासी।’

हूँ कैयौ: ‘जी, होबा में तो सै हूय सकै, पण सत्ता रै बिना हुंस्यारी कै काम री? सांची बूझौ तो म्हे ठैस्या मास्टर, अर मास्टरां री जिनात ई काई है?’

साब बोल्या: ‘खैर, इयां ई समजल्यौ और धिकै जठै तोड़ी धिकावौ’

‘नई साब! आ कोनी हुवै। सेवट हूँ साळा रै मांय बणसी जिसी घरछूट कर रैस्युं। टींगरां में जाणै जिसी टेव केळवस्युं, आ उपरांत फुरसद मिळतां ई ईनै लेय र लोगां नै हचमचा देस्युं? खरी बात तो आ है साब, कै लोगां नै चायै ईसू की लेणौ-देणौ नई हुवै पण साळा रौ औ गंदगी रौ माहौल अलेखूं रोगां रै उछरणै रौ कायमी मुकाम है। ईनै माटी भेळौ करणौ ई पड़सी।’

साब बोल्या: ‘भलौ! थानै सुवावौ बिया करौ। अखतरा करया नै ई थैं आया हो, पण औ चौथौ मईनौ आयग्यौ है। देखौ, बगत भाज्यौ जावै है।’

नमस्कार कर र हूँ घरै आयौ। घर रा खर्चा मे सूँ हूँ दोय बढ़िया झाड़ू खरीद र लायौ (कंटींजेसी र पैटै तो इत्ता पईसा कठै हा कै खरीद सकूं), अक नैनो काच, कांगसियौ, खादी रौ अक तौलियौ अर अक नैनी-सी कतरणी खरीदी। भलौ समजौ कै साळा रै चौभीतै मांय नळकौ हो। बीं दिन हूँ वरग में आ सगळी त्यारी कर राखी ही।

हूँ छोरां नै लैणसर ऊभा राख्या। अभिमुख तो बै चोखी तरै हा ई। यानै म्हारै सूँ हेत ई हो। बै जानता हा कै हूँ जो वयूं ई करुंला वानै ई नफौ होसी।

हूँ काच में सगळां रा मूंडा दिखाया अर कैयौ: 'जोवौ, जिकां जिकां नै लागतौ हुवै कै बांरा मूंडा, आंख्या अर नाक-कान गंदा है, बै नळका माथै जाय'र धोयल्यौ। सागै ई हात-पग धोयल्यौ अर पट्टा ई आला करल्यौ।'

सुणतां ई बै तो दड़बड़-दड़बड़ ऊपरांथळी न्हाट्या अर हात-पग, मूंडौ धौबा लाग्या।

हूँ सोच्यौ: आं टींगरां नै आगै-लारै चालणौ अर क्रमवार काम करणौ बताणौ पड़सी। इयां लवड़-धवड़ काम तो आपणौ आखौ समाज करै ई है। इसी भूंडी'र फूड़ आदतां सू आपां नै औ टावरां नै उगारणौ घड़जै।

तुरतौतुरत हूँ यठै जाय'र अेक लीटी खींच दी अर कैयौ: 'देखौ, सगळां ई लीक माथै उम्मा रैवौ अर बारी-बारीसर नळ माथै जावौ।'

हूँ खादी रौ तौलियौ लेय'र खड़्यौ रैयौ। अर छोरा बारीसर हात-पग, मूंडौ, माथौ पूछ्या लाग्या।

पाठसाळा रै चौभीतै मांय ई तरै रौ काम पैलीपोत हूय रैयौ हो। मारग बैवता मिनख ई जोबा लाग्या कै निसाळ में भळै औ कांई हुवै है।

हाथ-मूंडा धोय'र सगळा किलास में गया। हूँ बांनै कांगसियौ देय'र सुवावै जियां ई पट्टा बावण नै कैयौ। टोप्यां अेक खुणा में संवट'र रखा दी ही। छोरा अबै फूटरा-फरा, सौणा अर साफ-सुथरा दीसै हा।

हूँ खड़िया माटी सू वरग रै मांय गोळ घेरौ बणायौ अर सगळां नै बठै बिठाया। हूँ ई यठै बैठ्यौ अर बांनै कैयौ: 'अबै जोवौ, थारा हात कित्ता साफ है? थारा मूंडा कितना फूटरा लागै है? थानै औ दाय आवै कै कोनी आवै?

सै बोल्या: 'जी, दाय आवै।'

हूँ कैयौ: 'जणां जोवौ, रोजीना पाठसाळा में आतां ई थें औ काम निवेड़ लियां करौ, पठै आपां दूजौ काम करस्यां।'

बीं दिन मनै घणौ ई चोखौ लाग्यौ। जी सौरौ हूयग्यौ।

हूँ योल्यौ: 'आओ आज आपां अेक कवित्या गावां।' हूँ जिकी पैली कवित्या बोली ही, बा अेक प्राथना ही। मतैई म्हारै मूंडै प्राथना निसरगी।

बीं दिन नख कोनी देख्या। गाबा अर बटण जोवण रौ काम ई याकी हो। तोई हूँ टाळ्यौ अर बीं दिन दूजौ काम उपाड़्यौ।



हूँ सोच्यो: इतिहास री भणाई रौ पायौ तो काणी सूं न्हाव्यो हो, अवे कवित्या री भणाई रौ पायौ लोकगीत गा'र न्हाकूं! हूँ घणौ ई ऊंडौ सोच'र नकी कर लियौ कै छव मईना तोड़ी हूँ नीव भरणै रौ काम करस्यूं, पछेआळा मईनां मे रीतसर भणतर री चिणाई करस्यूं।

विद्यार्थ्यां नै जद ई तरै री कीं नुंवी चीज लाद ज्यावे तद हंसी-ठट्टौ, मसखरी अर खिलकौ तो खरौ ई है। हूँ लोकगीतांऊं सरुआत करी: 'जोवौ, हूँ थानै गीत गवास्यूं, सैं रळ'र गाइज्यौ।'

हूँ गीत उगेर्यो:

'कानौ काळजियै री कोर

हेली, कानौ काळजियै री कोर।'

पण लारै कोई टेर झेल ई कोनी सक्यौ।

मनै अघूंवौ हुयौ। चौथे वरग रा विद्यार्थी इतौ ई कोनी गा सकै? पण गीत गाया री यांरी आदत कठे ही। दूजौ गीत उगेर्यो:

'म्हारौ है मोर, म्हारौ है मोर

मोतीड़ा चरंतौ म्हारौ है मोर।'

हमकली कीं सळयळ्या।

पण जद आखै वरग रा सगळा छोरा रळमिळ'र अकै हैलै खरौ-खोटौ गाया लाग्या तो पाठसाळा में रौळो गूंजया लाग्यौ।

खंनली किलास रा सिक्क आय'र बोल्या: 'भाई साव! बस करौ। कान पड्यौ कीं कोनी सुणीजै।'

अक माडसाय कैयो: 'ई भाई नै तो राजीना कीं न कीं चौळकौ कर्या ई सरै। अे म्हानै सौरै सांच सुख सूं पढ़ाया ई देसी? अैनै कांई परदा? अैनै रौ अखतरौ पार पढ़्यौ जणांस्तौ साव म्हानै ई कैसी: ल्यौ थै इयां करौ, दियां करौ— अर जे अखतरौ पीदै बैठग्यौ तो अे आप रा डंड-कवंडळ लेय'र दूजी ठौड़ पूग ज्यासी!'

हैडमास्टरजी ई आयग्या। कैवा लाग्या: 'अजी लिछमी शंकरजी! आ कोई पौसाळ है कै चटसाळ, जिकौ थैं मारणी री जियां ई कवित्या गवा रैया हो? अे थारा नुंवा अखतरा है? अे गीत छोरां रा बाप-दादा ई जाणै है।'

सै गया परा। हूँ सोच्यौ: कोजौ फंस्यौ भाया थूं। खैर, सगळां रौ भैळै  
गाणौ तो टाड माथै न्हाकौ, फगत गाणौ सुणबा री बात ई अबार चालबा छौ।  
हूँ छोरां नै कैयौ: 'ढबौ, हूँ गाळं थैं सगळा सुणौ।'

हूँ 'नथ घड़ दे रे सोनारा, म्हारी नथ घड़ दे रे' गीत गायौ। म्हारी  
राग इसी ही, जाणै गधैड़ा नै ई मोय लेवै। पण भली जाणौ कै वेसुरौ कोनी  
हो, जिकै सूं गाणौ चाल्यौ तो सरी पण मनै ई लखावण लाग्यौ कै म्हारी राग  
सुरीली होती तो कांई कैणी! पण हूँ ढब सूं लटकां करतौ गायौ। बियां तो हूँ  
हाव-भाव सूं गाबा रौ अभ्यास कर्यौ हो, अर कैई छोरां नै दाय ई आयौ हो,  
पण तो ई कैई छोरा आळस मरोड़बा अर अक-दूजा रा चाळा करबा लाग्या।  
चम्पकलाल बाडी आंख सूं म्हारी कूंट्यां काढतौ हो। आ बात म्हारै निजर  
बारै कोनी ही। तो ई हूँ बोल्यौ कोनी, क्यूँकै टींगरां री अै आदतां नै सुधारबा  
रौ काम ई हूँ म्हारै हात लेय राख्यौ हो।

जिका छोरा संगीत रा सौकीन नई हा, हूँ बानै कैयौ: 'भई, थै लोग  
गाबाळां रा घेरा सूं थोड़ा टळ र बैठौ। थैं पाटी माथै दावै ज्युं लिखौ कै चित्र  
बणाऔ।'

हूँ दूजौ गाणौ गायौ। रस बढ्यौ। पछै तीजौ उगेर्यौ। पण दूजौ गाणौ  
सैं नै दाय आयौ अर बै बार-बार गायौ। जियां-जियां म्हे गाता रैया, रस बढतौ  
ई रैयौ। छोरां नै हूँ कैयौ: 'देखौ, थैं म्हारौ गाणौ फगत सुणीज्यौ, पण बोलीज्यौ  
मती। साळा रै चौभीतै तो हरगिज ई मती बोलीज्यौ।'

दोय दिन हुया र छोरा 'नथ घड़ दे.....' गीत गाबा लाग्या। पण  
म्हारौ सखत हुकम हो कै चौभीतै सूं बांडै गा सकौ।

गांवड़ा रा लोग बातां करबा लाग्या: 'अै गीत भळै कीं जात रा?'  
भाणौ दरजी बोल्यौ: 'अै तो नौड़तै री भवाई में गाइजै जिका है।'  
रुघौ बोल्यौ: 'जणां ओ मास्टर गरबा आलौ हूसी कै सिखावा नै आयौ  
हूसी।'

छोरां री मांवां कैवण लागी: 'साळा मे लुगायां रा हरजस क्यारै बास्तै  
गवावै?'

हूँ तो अै बातां माथै कान ई कोनी मांड्या। इयां सुण्यां कियां चालै?  
आपां नै तो जूझणौ ई चईजै, जणां ई तो नुंवा चइला मंडे।'

छोरा नितूकै नुंवी-नुंवी गीत-कवित्यावां गावा लाग्या अर हूँ चारि मन

भांवती कवित्यावां नक्की करबा लाग्यौ। इयां करतां-करतां पांच-पनरै गीत तो धणखरां रै कंठा हूयग्या। हाँ, दोय-चार छोरा इसा ई हा, जिकां नै संगीत दाय कोनी आयौ। बीं वगत बै बांचता कै लिखता। हूँ ई बांरी घणी चिन्त्या कोनी करतौ।

बै ई दिनां हूँ म्हारै वरग रै मांय डांडिया रास रौ नाच दाखल करबा रौ मतौ कर लियौ हो।

ई वगत म्हारै वरग में ई मुजब काम चालै हो: काणी कैणौ, पोथ्यां बांचणौ, आदर्सवाचन, रमत अर खेल, श्रुतिलेख, गीत-कवित्या सुणाणौ, साफ-सफाई अर प्राथना।

### (६)

अेक दिन म्हारी साळा में अेक परमहंस बाबाजी पधार्या। बरिं साथै हैडमास्टरजी ई हा। बै बाबाजी री ओळखांग करातां थकां मनै कैयौ: 'अै म्हाराज नामी धर्मोपदेसक है। राज री सगळी साळावां में आंनै जाय र धरम रौ उपदेस देबा री सुबिधा दिरीजी है। आज अै आपणा साथ रौ कागद लेय र अै उपदेस सारु पधार्या है।'

हूँ म्हाराज नै घणै मांन सूं परणाम कस्यौ, आसण दियौ अर कैयौ: 'अछ्या म्हाराज, आप आपरौ यखाण सारु करौ।'

टींगर तो म्हाराज री घुटेड़ी खोपड़ी अर मूंडे सांमी ताकै हा। म्हाराज री निबळी-दूबळी काया, पळपळातौ चैरौ-मोरौ, हात में कवंडळ टींगरा सारु कौतग री चीज-बस्त बणगी।

हूँ बिद्यार्थ्यां नै कैयौ: 'देखौ भायां! स्यामीजी म्हाराज उपदेस करसी, सगळा ध्यान सूं सांभळीज्यौ।'

अवै तो छोरा म्हारौ कैयौ समजबा लागग्या हा, बै स्यांति सूं बैठग्या।

स्यामीजी उपदेस करबा लाग्या: 'देखौ बिद्यार्थ्यां! ई दुनिया में सै सूं लूँतौ है ईस्वर। बौ ई दुनिया घड़ी। बीं री वजै सूं ई आ दुनिया है। बौ आपणौ आद-कारण है।'

ई तरै ईस्वर री मैमा चालण लागी। हूँ बोलौ-बोली बैठ्यौ हो। बिद्यार्थी स्यांत हा, पण होळै-होळै अस्थांति सळबळीजबा लागी। कोई आळस मरोड़बा

लाग्यौ। कोई पाटी माथे कांकरा सूं लीकट्यां अर मीड्यां बणाबा लाग्यौ, कोई पोथी ऊंची-नीची करबा लाग्यौ। कोई री आंख्यां की राती होबा लागी तो कोई आंगळी ऊंभी कर र बांडे गयौ। अक गयौ र लारै-लारै दूजौ ई गयौ। दो-अक छोरा बातां करबा लाग्या कै हूँ बांनै बोला रैबा री सेन करी अर बै चुप हूग्या।

हूँ म्हराज नै बिनती करतां कैयौ: ' कीं सौरी बातां कैवाँ, जिकी आरै पल्लै पड़ै!'

बियां तो स्यामीजी सरल हा। कैतां ई बै तो हिन्दू धरम री, पोथ्यां री, बां मै लिख्यौड़ी बातां री चरचा सरू कर दी। तो ई छोरां नै बां री बातां मे मजौ कोनी आयौ।

हूँ सोचबा लाग्यौ: धरम रा उपदेस कांई इयां ई दिरीजै? धरम रौ ततब, जिकौ घणौ अघरौ है अर जिकै नै जाणबा में आखी जिनगाणी खपा देणी पड़ै, कांई बीं नै ई तरै सूं समजायौ जा सकै? कांई आ ई है धरम री सिक्थ्या अर धरम रौ ग्यांन! धरम री आ जाणकारी कठैई जीव-यायरौ खोलियौ तो कोनी?'

म्हारै मन में बिचारां री छोळां उछळै ही, अत्यार नै ई स्यामीजी सिलोक बोलबा लाग्या। छोरा मन मसोस र जियां-तियां स्यामीजी नै सुणै हा। बातां बांरी समज सूं बारै ही, जिकौ बै खिलकारै चढ्यौड़ा इयां ई हूँकारौ देबा लाग्या।

स्यामीजीस्तौ सांच्याणी हिवड़ै सूं आपरी बातां बतावता हा। बां रै लैखै औ काम घणौ जरूरी अर पवित्तर हो। बै तो यरौबर आपरौ धरम पालै हा पण छोरां रै लेखैस्तो औ भैंस आगै भागौत बांचणौ ई हो।

अबै स्यामीजी सिलोकां रौ म्यानौ समजाबा लाग्या। छोरां नै बौ सुणणौ ई पड़्यौ। पछै स्यामीजी पाटिया माथे चाक सूं अरथ लिख्यौ अर छोरां नै बीं री नकल काप्यां में टीपण रौ कैयौ। ई रै पछै बै बोल्या: 'अँ सिलोक थै झांझरकै बैगा ऊठ र बांच्यां करौ, रात नै सूवौ जद ई बांच्यां करौ, थां रौ दिमाग, बळ, तेज बधैला!'

म्हारै वरग रा दस-दस, बारा-बारा बरसां रा बै टींगर। बां नै कांई पडी ही धरम री अर सिलोका री? पण तो ई बै सिलोक अर आं रौ अरथ काप्यां में उतार्यौ।

म्हारा बिचार आगे बढ़वा लाग्या: धरम री सिक्क्या सारु कांई अवे दूजी कोई ठौड़ बंची ई कोनी, कै अवे पाठसाळावां में दिरीज रैयी है? पैली मिन्दरां मे परबचन हुयां करता हा अर बीं रै मुजब ई घरां में भा-बाप वैवार करता हा। घरां रा बै आचार-विचार छोरां सारु धारमिक सिक्क्या रा ई रूप हा। पण अवे कैस्तौ लोगो नै धारमिक परबचन सुणबा री फुरसद कोनी, कै बूडा-बडैरा सुण-सुण र घापग्या कै कीं दूजी ई राफड़ है जिकै सूं औ काम पाठसाळावां रै धकै चढ़्यौ है।

हूँ बिचारां में लामीज्यौड़ो हो कै अत्यार नै छुट्टी री घंटी रणकी। थाक्यौड़ा बिद्यार्थी स्यामीजी नै परणाम कर र आप-आप रै घरै गया। हूँ स्यामीजी लारै रैया। हूँ कैयौ: 'म्हाराज! आज म्हारै घरै ई भिक्क्या लेबा री मैर करौ।

म्है जीमण नै बैठ्या। बातां करतां-करतां धारमिक सिक्क्या रौ सवाल पाछौ आयौ। म्हाराज बोल्या: देखौ भाई! आजकाले धरम जिसे चीज अलोप हूय रैयी है, जिकौ पैली सूं ई टाबरां में धारमिक सिक्क्या रा सेंसकार घालणा चइजै।'

हूँ दोल्यौ: 'पण म्हाराज! ऐ काचा-कंवळा दिमाग ईस्वर, धरम, आतमा जियांकली दौरि बातां झेलसी कियां? पाठसाळा में आज परबचन करता थकां आप देख्यौ कोनी कै छोरां नै आप री बातां में दर मे ई रस कोनी हो। बै तो बापड़ा सम्यता री खातर बोला-बोला बैठा रैया!'

स्वामीजी बोल्या: 'सई बात है। टाबरा नै तो रमणौ, खेलणौ, कूदणौ ई बालौ लागै। काणी केवौ तो बानै दाय आवै। पण धरम री बातां बानै परसन हुवै कै नई हुवै, तो ई बारै मुंडागै धरणी चइजै, बानै कंठां कराणी चइजै।'

'पण स्यामीजी! धरम फगत मूंडे ई कोनी रैवे। धरम तो जागण है अर यौ हिये मे जागै जणां ई खरौ हुवै। आ भावना तो तद ई जागै जद कै मानखे नै ईरी भूख लागै। ईरी ई बगत आवै जणां पार पड़े। म्हाराज! कांई थाने इयां कोनी लागै के ऐ सगळी बातां छोरां माथे बेटैम री भारौ लादवा जिसे है?'

स्यामीजी चकारिया में पजग्या। हूँ भलै कैयौ: 'म्हाराज! धरम री बात सांची है। धरम मानखे री जिनगाणी सारु अक न्याव है। मानखौ तिर र

संसार-सागर रै यीं पार जाणी चावै । पण सांचाणी थानै लागै कै औ काम दौरौ कोनी? औ बातां मामूली लोगों रै मगज सूं बांडै री बातां है । वै बठै ताई पूंचै ई कोनी । भळै ई रै सारू किती ई आगूंच त्यारी री जरूत पड़ै, बा करणी ई चईजै।'

स्यामीजी बोल्या: 'हां, सई बात है, पण.....।'

हूँ अधबीच मे ई बोलण लाग्यौ: 'धरम कोई साग-मूळा कै हाट बजार री चीज-बस्त कोनी हुवै । पोथ्यां में छप्योडी बातां ई धरम कोनी हुवै । आपनै आ बात मैसूस कोनी हुवै कै धरम जिसी मैताऊ बात नै घणीऊं घणी गूढ़ अर गुप्त राखणी चईजै अर करड़ी हियाफोड़ मैतत कर्यां पछै ई आ साधक रै हात लागणी चईजै?'

स्यामीजी बोल्या: 'हाँ, जणां ई तो आपणां बडेरां नै गरू रै आस्त्रम में रैणौ पड़तौ हो अर धरम रा मरम नै समजबा सारू काया नै निचौय न्हाखणी पड़ती ही।'

हूँ कैयौ: 'पण आज तो म्हैं घरां-घरां अर साळावां-साळावां उपदेस देय 'र लोगों नै धरम रौ ल्हावौ बांटबा नै निसरग्या हां।'

स्यामीजी बोल्या: 'भई! औ तो कळजुग है । आजकालै गरू खंनै किताक जणा जावै है?'

हूँ कैयौ: 'नई जावै तो पड़्या रैवौ । धरम नै इयां बेच्यांऊं कै भेट दियांऊं तो कोई धरमी बणबा सूं रैयौ ।

स्यामीजी बोल्या: 'जणां थै ई बताओ, काई करणौ चईजै?'

हूँ कैयौ: 'मनै लागै कै नाना-नाना टाबरां नै धरम रौ उपदेस नई करणौ ई आछ्यौ है । बांनै तो ई देळां निरोगी काया, तंदुरुस्त मन, निरमळ दिमाग, अर काम करया री बेथाग ताकत चईजै । बांनै हर तरै सूं बळवान बणाणौ चईजै।'

स्यामीजी बोल्या: 'सई है, जिकौ बळवान हूसी यौ ई आत्मा नै अपड़सी।'

हूँ कैयौ: 'हूँ तो आ बात अणूती ई मानूं कै बगत आयां मानखै में जवानी अर युदापा री जियां धरम-जिग्यासा ई खुदौ खुद फूट्यां करै । वेटैम रौ गिस्तास्त्रम जियां ओपरौ लागै दियां ई बगत-बायरी धरम-चरचा ओपरी लागै । धरम नै टाबरपणां सूं ई रोजीना री बातचीत रौ कै सिलोक बोलया

रौ भाथौ यणायां तो उंदौ काम हूसी कै धरम री खरी जिग्यासा ई मोळी पड़ज्यासी। ठीक है, औ ई अक जरूरी पासौ है, पण ई नै घणौ मैताऊ यणा देस्यां जणांस्तौ मानखै रौ विगसाव ई थम ज्यासी, यौ भाटे सरस्तौ यण ज्यासी।'

स्यामीजी बोल्या: 'थांरी यात सई है। हूई इयां ई धारुं हूँ। इत्ता दिनां रै अनभव पछे हूँ ई मैसूस करुं हूँ कै रोजीना रै कूटणै-पीसणै सूं आंती आयोड़ा छोरा रै ई विसै में कांटा खुभण दूकसी। मनै इयां लागै कै म्हाने दूजी ई रीत-भांत सूं टावरान नै धरम री सिक्क्या देणी चईजै।'

हूँ कैयौ: 'माफ करीज्यौ स्यामीजी! म्हारो तो औ कैणौ है कै आपां नै धरम नै जीणै री कोसिस करणी चईजै। माईत कोसिस करै अर सिक्क क कोसिस करै। किलास री पोथ्यां में दूजी कथावां रै सागै ई धारमिक म्हापुरषां अर यां री यातां रळणी चईजै। दगत आयां टावरान नै दूजी काण्यां री जियां पुराण अर उपनिसदां री काण्यां ई कैईज सकै है। जीं तरै इतियास-पुरषां री काण्यां कैईजै वियां ई टावरान नै धारमिक-पुरषां री काण्यां ई कैईज सकै है। इत्ता सैंस्कार कैयौ तो सैंस्कार अर आगूंच त्यारी कैयौ तो आगूंच त्यारी मोकळी है। दाकी करमकांड अर सिलोक-पाठ, धरम सिक्कण अर धारमिक पोथ्यां रौ अभ्यास आपां आद्याळा दगत रै सारु टाळ सकां हां।'

स्यामीजी बोल्या: 'जणां थे मनै कांई काम संपोला?'

हूँ कैयौ: 'टावरान री भणाई रौ। आप ई म्हारी जियां पढ़ावा रौ काम सांभौ।'

स्यामीजी बोल्या: 'पण स्यामी दण र हूँ अवै सिक्क रौ धंधौ सांभू?'

हूँ कैयौ: 'औ ई तो थांरी काम है म्हाराज! टावरान री पढ़ाई रौ काम आप लोग संभाळ लेस्यौ तो चोखा-भला सिक्ककां री कमी पूरी हूय ज्यासी अर खरौ काम हूसी।'

स्यामीजी हँसतां-हँसतां हात धोया।

बीं दिन सूं स्यामीजी सूं म्हारी ओळखाण घणी ई बदगी। आजकालै बै नुवै सिक्कण रा म्हारा विचार बांच रैया है अर हूँ बा रै खनै धरम-ग्रंथां रौ अभ्यास कर रैयौ हूँ।

बगल झपाटैबन्ध भाज्यौ जावतौ हो। बरस बीत्यां तोड़ी म्हारौ पाठ्यक्रम तो सँपूरण हूणौ ई चईजै हो, अर बौ ई घणी चौखी हदभांत सफलता सागै। ई रै उपरांत जे हूँ सरावणजोग सुधारा-बधारा कर र बताऊं जणांस्तौ म्हारै अखतरा रौ कीं अरथ है।

हूँ सोच्यौ : 'अबै मनै इतियास सांभणी चईजै।'

हूँ इतियास री पोथ्यां जोई, पण मन धीज्यौ कोनी। अक पोथी मे घटनावां गळत ही, दूजी में बोदी दीठ ही, तीजी में पर्ईसा जीमबा री निजर ही, चौथी में शैली-दोस हो अर सँसू घणी बखांणीज्योड़ी पोथी बडोड़ा बास्तै तो ठीक ही, पण छोटा छोरां सारू सफा अटाळी ही।

हूँ सोच्यौ: अँ पोथ्यांऊं तो काम कोनी चालै। जणां कांई करूं? काण्यां कैय र इतिहास भणाऊं तो कियां रैसी?

काण्यां तो सँने भावै ही। पण आज तांई तो दूजै भांत री काण्यां कैयी ही, आधी सांची अर आधी कूड़ी कलपना री; गप्पां री अर अजब-गजब पस्यां री। इतियास री काण्यां में अँ बातां कोनी आवै, छातां हूँ काणी सरू करी। लूखी-सूखी इतियास री हकीकतां नै सांधा दे-देय र हूँ काणी कैयी। पण छोरा आकळ -बाकळ होबा लाग्या:

'सिरीमानजी, आ तो काणी कोनी।'

'जी, ई तरै री काणी म्हे कोनी सुणां।'

'जी, काल जिसी कैयी ही, बिसी कैवौ।'

'घालौ नी, रमया चालां।'

'जी, आपां तो गीत गास्यां।'

हूँ सोच्यौ: अब की बार तो हूँ सफा निस्फळ रैयौ।

सगळा मनै घ्यारुंमेर सूं घेर लियौ अर होळैसीक म्हारौ हात खींच र खेल रा मैदान में लेयग्या।

रात रा हूँ सोचवा लाग्यौ: अँ छोरां नै इतियास री आखी सचाई कैयां तो काम सरै कोनी। इतियास री सै हकीकतां सांपड़तै जोय र आखर-आखर तो लिखै ई कुण है! सायत् काणी कैया सूं ई इतियास दिलचस्प यणै तो यण सके। भळै काणी मे काणीपणौ तो होणौ ई चईजै। ई वास्तै हूँ मूळ घटनावां



कै असवाड़ै-पसवाड़ै हूँवती कलपित घटनावां सजा 'र इतियास पढ़ास्युं, तो ठीक ई रैसी!

दूजै दिन हूँ काणी उपाड़ी:

'अक मोटौ सारौ जंगळ हो। यठै भीलां री यस्ती ही। अजय डील-डौळ हो बांरौ। वै इसा तीरन्दाज हा कै उड़ता पंखीड़ां नै अचूक मार नाखता। बाँ जंगळ रै मांय अक झूपड़ी ही। वगैरा-वगैरा।

विद्यार्थी काणी रा जादू में फंसग्या अर रस पीया लाग्या। हूँ वनराज री काणी सरू करी ही, पण मूळ हकीकत रै आसै-पासै सांतरो रंग सजायौ हो।

काणी अधूरी रैयी।

दूजै दिन छोरा दूजौ कीं काम करवा ई कोनी दियौ।

'यस, वनराज, वनराज, वनराज री काणी सुणाओ।' सगळा भैलै ई योलया लाग्या।

हूँ काणी पूरी करी। भलै डरतां-डरतां पूछ्यौ: जिका दूजी बार काणी सुणगौ चावै वै खड़्या हुवै।

अक-दोय नई, पण सगळा ई खड़्या हुयग्या।

आगलै दिन या ई काणी। तीजै दिन, चौथे दिन, पांचवां दिन ताई बा ई चाली। छोरा मे सूं कोई रमबा रौ कै गीत गाबा रौ नांव ई कोनी लियौ।

हूँ ई जोवै हो कै बांरी मांगणी कठै ताई टिकै!

कोई ऊपरला साब रै खनै जाय 'र बांरा कान भर्या हूँसी: 'जी, अखतरौ किस्तौ सफल-निस्फल रैयौ ई बात रौ फैसलौ तो बगत आयां ई ठा पडसी अर बाँ दिन थे सिक्क नै कैस्यौ कै सिरीमानजी औ तो कीं कोनी हुयौ। पण आं छोरां रौ अक बरस अळ्यौ जासी जिकै रौ काई हूँसी?'

बाँ बात रौ मनै जरा-सौई अचूंयौ कोनी हो कै कोई सिक्क इयां जाय 'र कैय सकै। इसी बातां यणाणियां नै हूँ ओलखतौ हो। म्हरा विद्यार्थी नै काण्यां सुणबा नै मिलै ही बर बै म्हरै सूं घणां ई राजी हा। दूजा सिक्क कां रा विद्यार्थी बां सूं राजी कोनी हा, क्यूँकै बां नै संतोष कोनी हो। बां नै चईजै ही काण्यां, भणया में बां रौ जी कोनी लागै हो। वै किलास मे ऊधम मचावता हा। ई बजै सूं वै सिक्क म्हरै सामै खीजै हा।

हूँ या नै कैयां करतौ: 'भाई लोगां! थे थारै मारग जाओ नी। म्हारौ

तो अखतरौ है। म्हारै हियै मांय हिमत है। चिन्त्या तो मनै ई रैवै कै टाबरां  
री आ साल अळी नई जावै। ई खातर ई हूँ इत्ती मैनत करूं हूँ। पण थांरी  
रीत थारै खनै है अर म्हारी म्हारै खनै। थांनै नई सुवावै तो अठै सू दूजै ठिकाणै  
म्हारौ वरग लेय ज्याऊं?’

अक दिन ऊपरला साब म्हारौ वरग जौबा नै आय धमक्या। बियां  
तो भलेरा हा पण आखै वगत काणी रौ प्रयोग देख र चिड़ग्या। बोल्या: ‘भई।  
ई तरै अँ छोरा इतियास कियां सीखसी? काणी सुणसी बठै तांई तो मजा लेसी,  
पछैस्तौ ई कान ऊं सुण र बीं कान काढ़ देसी। जणां काई तो भणायौ अर  
कांई समज में आयौ?’

मनै ई बांरी बात कीं ठीक लागी। हूँ सोच्यौ: ‘सेवट काणी री खास  
बात तो छोरां नै याद रैणी ई चईजै, नईतर बै इतियास री परीक्ष्या में पास  
कियां होसी।’ म्हारै माथै परीक्ष्या रौ आंकस तो हो कोनी।

दूजै दिन हूँ अक आजमायस करी। वरग में वनराज री काणी तीजी  
बार कईजै ही। हूँ बीं रै मांय फेरफार कर र कैबा लाग्यौ। छोरांस्तौ झट देसी  
सी म्हारौ गळौ अपड़ लीनौ, बोल्या: ‘जी, इयां कोनी हो। पैली तो थें हजार  
घोड़ा बताया हा, अर अबै पचास ई कियां बता रैया हो? भळै, पैली तो नदी  
रै कांठै अक झूपड़ी बताई थी’ बगैरा-बगैरा।

मनै लाग्यौ : काणी नै अँ छोरा कस र अपड़ी है। मनै हिमत आई  
कै छोरा अबै भूलै तो कोनी।

पण म्हारी लूण-मिरचां युरकायोड़ी काणी इतियास रा परीक्षक रै  
कांई काम री ही? हूँ सोच्यौ: मनै अँ सगळां नै परीक्षक री दूरबीन रै मांय  
लाणौ चइजै।

म्हारी कैयोड़ी काण्यां हूँ लिख नाखी अर बिद्यार्थ्यां नै बांचया नै सूप  
दी। जठै-जठै बात टूंक में कैया जोगी लागी, बठै-बठै हूँ टूंक में लिख दी।  
केई-केई ठोड़ स्थळ अर काळ रै मामलै में हूँ थोड़ौ चौकस रैया। काणी री  
कैयत में अर लिखत में तो फरक रैवै ई है। ई फरक नै समज र हूँ बीं तरै  
सू ई काणी लिखी, अर छोरां नै काणी बांचवा मे घणौ ई मजौ आयौ। दै दूजी-  
तीजी बार काणी बांचता दीस्या।

अजै तांणी म्हारी हिमत कोनी ही कै छोरां नै ई बायत सवाल पूछस्यूं  
तो दै बरौबर सई जवाब दे सकसी।

अक दिन हूँ काणी रा वंट खोल 'र सूत्र रूप में लिख नाखी। अक-  
अक वाक्य रै मांय अक-अक घटना पोय दी अर छोरां नै फगत रूपरेखा  
लिख 'र बांचया नै दी।

वै तो बांचग्या। बांचतां-बांचतां यां नै सुण्यौड़ी आखी काणी जाणै याद  
आंवती लखाई। अयै हूँ अक दिन हिमत कर 'र प्रश्नोत्तर विधि सूं विद्यार्थ्यां  
नै काणी री घटनावां पूछणौ सरु करयौ। म्हारा अचूंया रौ पार ई कोनी रैयौ  
जद हूँ यां नै फटाफट सवालां रा जवाय देतां जोया। अयै मनै पूरी खातरी  
ही कै बै परीक्ष्या में तो पास होसी ई, पण बां नै इतियास ई याद रैसी।

कीं दिन आडा नाख 'र हूँ साय नै वरग में तेड़ 'र लायौ अर इतियास  
री परीक्ष्या लिराई। साय कैयौ : 'ई रीत-भांत सूं ई दूजी किलासां में इतियास  
री पढ़ाई हूणी चइजै।'

औ सबदां सूं म्हारै हियै में निरांति हुई।

पण हाल घणौ कातणौ याकी हो। चार मईना बीतग्या हा। जियां-  
जियां म्हारा काम में मनै फतै मिलै ही, बियां-बियां म्हारौ होंसलौ बधै हो।



## तीजो खण्ड' छऊ मईना पछै

(१)

सालीणा रिवाज रै परवांण ई बरस ई म्हारी पाठसाळा में कदसूं ई तयारयां सरू हूयगी हो। डाइरेक्टर साब आयाळा हा। वै जद ई आता, पाठसाळा में पक्कायंत आता। पाठसाळा खांनी सूं थारै सनमान में अेक जलसौ हूवतौ अर बिद्यार्थ्यां बीरै मांय संवाद सुणाता, कवित्वावां गाता, कवायद करता अर मोटा साब चोखा काम करणियां बिद्यार्थ्यां नै इनाम देता। दूजा छोरां नै ई कीं न कीं इनाम देता, अर बीं दिन आखी पाठसाळा नै मिठाई बंटती।

हैडमास्टरजी सगळी किलासां भैळी कर र आपरै मुजब उम्दा गावणियां, चोखा संवाद बोलणियां अर तैजीब सूं पेस आवणियां नै छांटण आळा हा। म्हारै खनै ई तरै रौ नोटिस आयौ हो, पण म्हारी किलास का छोरा बठै भैळा कोनी हुया। हैडमास्टरजी मनै ई री बजै पूछी, जणां हूं कैयौ: 'जी, म्हारै वरग रा बिद्यार्थी ई रै मांय भाग कोनी लैय सकै।'

'कयूं?'

'औ सै तो थैं फगत डाइरेक्टर साब ने राजी करयानै अर वाहवाई लूटवानै कर रैया हो।'

'हाँ, पण औ तो आपणौ रिवाज है। ऊपर आळा साब री ई आई इच्छा है।'

'हाँ, हूसी। पण हूं तो ई नै मानूं कोनी। हूं ईमें भाग कोनी लेऊं। म्हारै वरग रा बिद्यार्थी ईरै मांय सामल कोनी हुवै।'

'जणां तो मनै आ बात साब नै बतानी पड़सी। थारो सैयोग तो आयौ रैयो म्हारै काम में बाधा पुगावौ हो!'

‘आप बाँने मजाऊं लिखो। हूँई बाँने ढंग सूं समजावा री कोसिस करस्यूं।’

‘आछयौ जणां, इयां ई हूसी।’

वी जोस अर उकळाट में हैडमास्टरजी हातूँहात मनै लेय ‘र रिपोर्ट लिख भेजी। जलसा रै वास्तै दूजा छोरा चुणीज्या। स्याम सुंदर अर भीमशंकर संस्कृत रा सिलोक बोलण सारु; देवीसिंह अर खेमचन्द कवित्या गावा सारु; चम्पक, रमणीक, नेमीचन्द अर मगनलाल संवाद बोलण सारु; अर बाकी रा डीगा-ऊचा, मोटा-ताजा, फूटरा-फरा पांच-पनरा छोरा कवायद सारु चुणीज्या।

हूँ तो मन ई मन में कांपया लाग्यौ: स्याबास हैडमास्टर साब नै, स्याबास ई पाठसाळा नै, अर स्याबास सिक्पण री आज री रीत-नीत नै।..... चुणीज्योड़ा आं छोरां में सूं अेक ई इसौ कोनी हो, जिकै रौ आपरा विषय सूं कीं सरोकार हुवै। स्याम सुंदर अर भीमशंकर रा कंठ सुरीला हा, बामणा रा टाबर हूणै सूं घर रै मांय संस्कृत रौ वातावरण हो, बस ई बास्तै ई बै चुणीज्या हा। पण बाँने बापड़ा नै कित्तौ पचावै तो ई कीं याद कोनी रैवै। सिलोक घोक्तां-घोक्तां बापड़ा री ज्यांन निकळ ज्यासी। पण इयांकली हालत में और हुवै ई काई। हूँ दुखी होतौ-होतौ घरै गयौ। रोटी जीमतौ हो कै अत्यारनै बडा साब रौ कागद मिल्यौ: ‘दफ्तर मे आय ‘र मिलौ, काम है की।’

हूँ तो जाणतौ ई हो कै काई काम हो। भगवान रौ नांव लेय ‘र साब रै दफ्तर पूग्यौ। साय रौ चैरौ रीस ऊं रातौ हो। भंवां तण्यौड़ी ही। सफाचट मूँछ्यां आळा होठ कीं फुरकै हा। घणा रीसाणा दीसै हा। मनै देख ‘र कैयौ ‘बैतौ।’ पछै बोल्यो, ‘क्यूं भई, थारी किलास रा छोरा जलसा में सामल क्यूं नई होवै? बीं में कैई छोरा हुंस्यार अर फूटरा है।’

म्हारौ मन ठंडौ हो, पण मगज गरम हो, जिकौ हातूँहात जवाब फेंक्यौ: ‘तो काई फूटरा अर हुंस्यार छोरा दूजां रौ मनोरंजन करवानै है? दूजां सांमै नाच कूद ‘र पाठसाळा री झूटी वाहवाई बटौरवानै है?’

म्हारौ उफणतौ पड़ूतर सुण ‘र बडा साब थोड़ा ठंडा पड़्या अर बोल्यो: ‘जणां? आ कोई नुवी बात है काई? कित्ता बरसाऊं औ रिवाज चाल रैयौ है। जद डाइरेक्टर साय आवै जणा तो इयां हुवै ई है।’

‘माफ करौ साय’ हूँ ई थोड़ी नरम हूय र कैयौ: ‘इयांन भलैई हूंतौ रैयौ हुवै पण ई रिवाज नै भांगणौ पड़सी। औ तो सरासर दिखाऔ अर ढोग है, भळै डाइरेक्टर साय री आंख्यां में ई धूळ न्हाकणी है।’

‘या कियां?’

‘कियां काई, साय नै आपां जिकौ की दिखास्यां यौ छोरां नै मारकूट अर घोका-घोका र ई तो तयार कराईजसी? जिकौ आपां भणावां हां यौ वीरौ सीदौ-साचौ नतीजौ अर फळ तो हुवै कोनी। कित्ता ई दिनां तोड़ी रिहर्सलां चालसी, जोरां सूं घोक्णपट्टी चालसी जणां कठैई जा र अ छोरां सिखायोडा तोतां री जियां योलसी, जिकौ ई पड़दा लारै सूं यांनै मदत मिळसी जणां! छोरां रौ बगत अर बांरी सगती दोन्यू ई बरवाव हूसी, वै पढ़ाई में लारै रैय ज्यासी। ई काम सारू जिका छोरा चुणीज्या है, वै ईरै लायक ई कोनी। यांनै तो कूट-पीद र हकीमजी बणाणौ पड़सी।’

‘पण ई में धोका आळी यात किया हुई?’

‘धोकौ इयां कै आपां साय रै हियै में दुकाणी चावां हां कै म्हारी पाठसाळा रा विद्यार्थी हुंस्यार है, फूटरा-फरा है, यांरौ काम सरावणजोग है। पण असल में म्हें काई हां अर काई नई जिकी आछी तरयां जाणां हां।’

साय थोड़ी ताळ भूंगा यैठा विचारता रैया। हूँ भळै कैयौ: ‘जी, म्हें तो ढोग करां ई हां, छोरां नै ई यी गैलै घाल रैयां हां। डाइरेक्टर साय ई राजी होबा रौ डौळ करसी अर इनाम देता थकां कैसी: ‘अ विद्यार्थी आप री बुद्धिमानी, ग्यांन, चातरी अर सळी रुचि री जिकी औळखांण कराई है, बीसूं मनै योत खुसी हुई है। सांचाणी आरै मांय सूं कैई टावर ई घात री खातरी अणावै है कै आगै जा र अ आछा विदवान, आछा सैरी, अर आछा मिनख यणसी। हूँ आं नै म्हारै हियै सूं स्यायासी दैवूं। आंरी प्रतभा नै बिगसाबा नै ईनाम देय र हूँ बधावूं हूँ, ई यात रौ आज मनै घणौ-घणौ आणंद आय रैयौ है।’ अ यातां काई बारै काळजै सूं निकळसी? काई बै जाणै कोनी कै औ कार्यक्रम बांरी खुसामद सारू राखीज्यौ है? भळै इनाम लैवणियां छोरां नै घोकायौ नई हुवै, खास मैनत सूं तयार नई करीज्यौ हुवै तो बियांई किसाक विदवान, सैरी अर मिनख है, जिकी आपां सगळा, आंरा मा-बाप अर सिक्क चोखी तरया जाणा हां।’

साय बोल्या : ‘भई थै भण्यौड़ा तो हो, गुण्यौड़ा कोनी। बैवार री बांतां—

हाल समजौ कोनी। थारै तो बात-बात में थारा असूल आडा आय ज्यावै। पण  
म्हानै तो चारुपासी जोवणौ ई पड़े।

हूँ कैयौ: 'जी भलौ। तोई हूँ ई रै मांय सामल कोनी होऊंला। क्यूँकै  
म्हारै सूं इसी घांघळी सैन कोनी हुवै।'

'जणां काई करस्यो?'

'जणां म्हारै वरग नै ई पंपाळ सूं मुगत करघो नी।'

'पण ई में घणी भारी मुस्कल पड़ ज्यासी। दूजा मास्टर अर औलकार  
मनै काई कैसी? बीसूं म्हारी मुस्कल किती बध ज्यासी! हूँ तो आ धारै हो  
कै थारै वरग रा बिद्यार्थ्या नै जोय 'र डाइरेक्टर साब रौ जी सौरौ हूय ज्यासी।  
पण थैं तो.....?'

हूँ कैयौ: 'मनै तो आप ईसूं अळगौ ई राखौ। डाइरेक्टर साब नै  
बतावण सारू हूँ कीं न कीं करस्यूं जरूर। पण करस्यूं इसौ कै बिद्यार्थ्या रौ  
बगत बरबाद नई हुवै, बांरौ जीवझौ तंग नई हुवै अर दिखावा, ढोंग, धूतक  
ई करणा नई पड़े। आप बानै म्हारी किलास में जरूर ल्याइज्यौ। मनै भरोसौ  
है कै म्हारै कार्यक्रम सूं पक्कायंत साब राजी हूसी।'

साब थोड़ी ताळ भळै सोचता रैया, पछै मुळक 'र कैयौ: 'अछ्या, थै  
इयां करौ, हूँ थारा हैडमास्टर रै नांव कागद देस्यूं कै आनै जलसै रै काम  
सूं अळगा राखौ, पण निगै राख्या थैं बानै चिड़ाइज्यौ मती। बै थोड़ा जूना  
जमाना रा भिनख है अर थैं हो नुंवी उमंग आळा नौजवान! मनै तो थां दोनां  
नै परोटणौ है अर थैं जाणौ ई हो कै ओ काम किताँ दौरौ है।'

हूँ म्हारै मतै मन ई मन साब री कदर करतां थकां कैयौ: 'अछ्या  
साब, अबै हुकम हुवै।' इयां कैय 'र हूँ बठै सूं टुरग्यौ।

साळा मे आज पूरै उछाव अर जोस सूं तयारी हूंवती ही। 'साब आसी,  
मोटा साब आसी' चौफेर अई सबद गुंजै हा!

मोटा अर नैना औलकार, गांव रा मानीता लोग, रैवासी, छोरां रा  
माइत, बिद्यार्थी अर सिक्कक सै हाजर हा। म्हारै साइना सिक्ककां री हालत  
निबळी ही। काळजौ घड़कै हो, मूंडौ पिलकौ हो, तोई तण 'र खड़्या हा अर  
आप-आप रा काम में लामीजियोड़ा हा। हैडमास्टरजी साळा रा सैतान छोरां  
नै अकानी बुला 'र कैयौ: 'देख लैया हरामखोरां! कठैई गड़बड़ करी है  
जणास्तौ काल चोखी तरयां घुणाई करधूला, समज्या।'

ताळ्यां री गडगडाट अर संगीत रा रळियांवणां सुरां रै सागै ई डाइरेक्टर साब साळा में पधार्या। हैडमास्टरजी बुलंद आवाज में लैजा सूं साळा री रिपोट पढ़ी, जाणै खातरी अणांवता हुवै कै रिपोट बांचता बै धूजै ई कोनी। ई वास्ते बीच-बीच में बै केई बार आपौ आप तण र बांचबा लागता। पण रिपोट रै छेड़ै आवतां-आवतां बारौ कुड़तौ आलौ दीसण लागग्यौ हो अर बांरी आवाज खरखरी हूयगी ही।

रिपोट बांच्यां पछै रेसिटेशन-कवित्या पाठ अर संवाद सरू हुया। छोरा इयां योलै हा जाणै कोई ग्रामोफोन बोलतौ हुवै। बारै चैरा माथै कीं तरै रा हाव-भाव नीं हा। बै जोर-जोर सूं हात-पग हिला र योलै हा। कवित्यावां सुंदर, सरस, ऊंचा कवियां री लिख्योड़ी ही, भावां सूं भरचौड़ी, पण छोरा री समज सूं बारै ही, दौरी। बै दापड़ा समज्यां बिना ई योलै हा, सागै-सागै हातां रा लटका ई करै हा, जोसूं ठा पड़ै कै बांनै कवित्या री रस आय रैयौ है। जैई डोळ संवाद रा हा। यामें उपदेसां री बातां ही। मोटौड़ां रै मूडै तो उपदेसां री बातां मतै ई ओप ज्यावै पण टाबरां रै मूडै जाणै बै बाता लाजै ही। उपदेस रौ औ फार्स (नाटक) घणौ ई बेडोळी अर बेहूदौ लागै हो। अकलौ हूं ई नई ई बात नै खुद डाइरेक्टर साब मैसूस करै हा। बै मूछ्यां मांय मुळकै हा। सिक्कक भाई थोड़ा अळगा हूय र जोवता तो बांनै ई इयांई लागतौ।

मेळावड़ौ पूरौ हुयौ। डाइरेक्टर सगळां नै स्याबासी देतां थकां आप रो हरख जतायौ। इनाम बैचीज्या। हैडमास्टरजी, बड़ा साय अर दूजा सै खुस दीसै हा। डाइरेक्टर साब सिस्टाचार रै नातै बोल्या: 'थारी पाठसाळा रौ काम देख र म्हारौ जी सौरो होयग्यौ।'

इतै में ई म्हारा बडा साय डाइरेक्टर साब सूं अरदास करी: 'म्हारी चौथी किलास रा अै मास्टरजी आपनै कीं काम बतानौ चावै। यीं पड़दा लारै अै कीं दिखावण जोग कार्यक्रम जमायौ है।

साय जोवण रौ उछाव दरसायौ। बै झट देणी-सी राजी हूयग्या। हूं पड़दै लारै गयौ। तीजौ टंकोरौ बाज्यौ र पड़दौ खुल्यौ। छोरां विचाळै हूं। सगळा रळ-मिळ र अेक गीत नै प्राथना री तरयां गायौ, जिकै नै म्हे रोजीना बियांई गावता हा। आखौ कमरौ स्यांत। सै सोचबा लाग्या कै अेकाअेक औ नाटक कठैऊं आयग्यौ।

प्राथना पछै नैनो नाटक सरू हुयौ- 'कचेड़ी में जाऊंला।' अेक छोरो



ऊंदरौ यण्यौ। कड़्यां में डोरड़ी यांध'र पूछड़ी यणाई ही। माथे काळो कपड़ो औढ्यां हो अर घ्यार पगां चालतौ चूं-चूं करे हो। अक छोरो दरजी, दूजो कसीदा आळो, तीजो मोत्यां आळो, चौथो मिरदंग आळो, पांचवों राजा अर छटौ सिपाई यण्यौ हो। हूं छटो हो, राजा रौ सिपाई।

सगळा पात्र रोजीना आळा गायां में ई हा। राजा टेयल माथे रौय सूं वैठौ हो। माथे याकी टोपी ही। सिपाई री ठोड़ हूं मूछ्यां रै वंट देतौ यांनै ताण ली ही। फेंटो तिरछौ यांध्यो हो अर हाथ में ही छुरी। मिरदंग आळा रै खंनै मिरदंग ही अर दूजा सै खाली हात हा।

रंगमंच सादौ हो। पड़दै लारै योड माथे सगळो कार्यक्रम लिख राख्यो हो। कमरौ साफ हो, झड़कायोड़ौ। आंगणै में अक दरी विछायोड़ौ ही, जिकी अक छोरा रै घरां सूं मंगाई ही। साळा में इसी कोई चीज-बस्त कोनी ही, जिकै सूं रंगमंच नै सजायौ जावै। तोई पीपळ अर नीमड़े री डाळ्यां काट'र भीतां माथे लगायोड़ौ ही। आंगणै में छोरां चाक सूं आपरी परसन रा चित्र यणाया हा।

ऊंदरै रौ नाटक रमीज्यो। नाना-मोटा सै स्यांति सूं जोवै हा। छोरा घणौ मजौ ले'र जोवै हा, तो मोटोड़ा अचरज सूं जोवै हा: 'वा भई, औ किसौक नुवों नाटक। आ तो नुंवी चीज है।'

म्हारै हिसाय सूं छोरां बोत यदिया नाटक खेल्यो। वै कठैई कोनी भूल्या। लारै सूं बोलण सारु प्रोम्पटर री जरुत ई कोनी ही। कठैई गळती रौ अनेसौ हूतौ कै हूं सामोसाम बीनै सई कर देतौ।

दूजौ नाटक हो 'डीकरी रै घरां जाबा दै' अर तीजौ हो 'सुसिया भाई सांकळिया।'

अक ई पड़दौ हो। सीन-सिनेरी कीं नई। छोरा कदेई माथे कपड़ौ नाख लेता तो कदेई हात में कामड़ी अपड़ लेता। याकी री बातां तो बारै हाव-भाव अर अभिनय माथे ई टिकैड़ी ही।

छेड़ै जातां प्राथना सूं कार्यक्रम पूरौ हुयो। हूं पड़दै आगे आयौ। नाटक रा मैनेजर री जियां हूं बोल्यो: 'मैरबान भाई-बेन! आप अबार म्हारा नुंवां नाट्य-प्रयोग स्यांति सूं जोया, ईरै खातर आपरौ घणौ उपकार मानां। ई बारै में हूं आप सूं दो-अक बातां अरज करणी चावूं। आप सुणबा री मैर कराओ।

अै चौथी किलास रा बिद्यार्थी है। जद हूं आंनै पूछ्यो कै ई टाणै आपां

दोय-च्यार नाटक कयूं नई रम्मां, तो अै घणौ उछाव अर हरख दरसायौ। तुरतो तुरत नाटक परसन करया। जिकी काणयां अै बांची-सुणी ही, बांनै नाटक रै रूप में अबार पेस करयौ हो। हूँ आंनै कैयौ हो कै जीं तरै हर अठवाड़ियै आपां बिना तयारी रै नाटक रम्मां हां, बीं तरै ई आज-अबार करणौ है। म्हारी किलास मे नाटक घोकाइजै कोनी। छोरां नै काणी री सगळी बातां बरौबर याद रैवै। सगळा पात्र जाणै कै काणी में बांरौ किताँ रोल है अर कांई कैणौ है। पछै तो रंगमंच माथै बै आपसरी में अेक-दूजा सू संबंध बणा र हियै सू मतै ई घड़ र संवाद बोल लैवै। कोई बाळक कदैई आपरौ संवाद घोक्कौ कोनी। सीन-सीनरी अर भेष बणाणौ नाटक रौ गौण अंग है, मैताऊ अंग है अभिनय अर भावां रौ दरसाव। म्है ईरै माथै घणौ बळ देवां हां। भेष अर गावां माथै म्है घणौ जोर कोनी देवां, जिकै सू अभिनय नै बिगसया रौ पूरौ-पूरौ मौकौ मिल ज्यावै। अबार आप अठै जो-कयूंई जोयौ है, बीसूं आपनै खातरी हुई हूसी। आंनै औ काम घणौ ई दाय आवै, कयूंकै ई काम नै अै काळजै सू चावै। आंनै कदैई स्याबासी देवा री ई जरूत कोनी रैवै कयूंकै अै चोखी तरयां काम करै अर बीसूं आंनै आपौआप संतोष मिलै।

आप पूरौ चित-मन लगा र अै छोरां रो नाटक स्यांति सू जोयौ, ई सारु भळै आप रौ उपकार मानूं।'

डाइरेक्टर साब रै चैरा माथै री खुसी हूँ कदरौ ई जोवतौ हो। बै झट देणी खड़या हुया अर बोल्या:

'आज दुपैरी में अै बिद्यार्थी अर सिक्कक दोनूं रळ-मिळ र जीं ढंग सूं म्हारौ मन मोयौ है, बीरै वास्तै आंरौ अभिनन्दन करूं हूँ। आंरौ काम बोल ई सौणौ हो। मनै इयां लागै हो, जाणै हूँ म्हारी मायड़भौम इंग्लैंड में होऊं। अै नाना छोरां आपौ आप मायली फुरती सू ऊंदरौ, दरजी, अर राजा रौ खेलौ रमता हा, नाटक रौ बी दरसाव तौ सांचाणी अजब-गजब हो। आ ई तौ सांची सिक्क्या है। रेसीटेशन अर संवाद घोक्का रौ जुग लदग्यौ। अै वातां हकीकत में क्रूर, बेहूदी अर काळजी चूंटवा आळी है।'

इतौ कैय र बै थोड़ा थम्या अर भळै कैवा लाग्या:

\* "I can not but congratulate both the teacher and the taught for the real treat they gave us this afternoon. It was splendid! I felt I was in a new school in my own country-England. It was really charming to see little kiddies playing mouse and tailor and king and so forth and so on, all spontaneous and free. This is true education. All recitation and cramming is a thing of the past. Oh it's terrible demon! It's ugly, soulkilling."

‘हूँ भल्ले कैणी चावूँ के आज री थांरी काम देख र म्हारी घणौ जी सौरौ हुयौ है। हूँ आनै इनाम कोनी देणी चावूँ क्यूँके नाटक रमती येळं अँनै जिकौ अलूणौ आणंद आंवतौ हो, खरौ इनाम तो यौई है। सांचाणी आज हूँ घोट खुस हूँ।’\*

मेळावड़ौ पूरौ हुयौ। सै आप-आप रै ठिकाणै जाय रैया हा।

बडा साब रै हरख री कोई पार नई हो। वै मनै डाइरेक्टर साब खँनै युलायौ अर म्हारी ओळखाण कराई। वै यानै यतायौ के हूँ भणार्ई रा नुवा अखतरा कर रैयौ हूँ। साब म्हारै सूँ हात मिलाया अर बोल्या: ‘स्याबास! वै थारै काम में सफल रैया हो। थांरा इसा अखतरा करथां राखौ। सांची भणार्ई आ ई है, और सै तो ढोंग है, गैरजरूरी है।’\*\*

डाइरेक्टर साब रा औ बोल सुण र बडा साब रै मन में कांई भाव उमड़ै हा, आ कुण जाण सकै।

हूँ घरै गयौ। सांचाणी आज हूँ आणंद मगन हो। साब म्हारै सूँ हात मिलायौ अर स्याबासी दी ही, म्हारी खुशी री अेक वजै तो आ ही, पण ई सूँ ई सयाई वजै आ ही के आज म्हारा प्रयोग अर अखतरा री कीं कदर हुई ही। हूँ सोचै हो. साब ठैर्या पोलिटिकल अमलदार, आनै ई नुंवी साळा अर ईरै बाबत सै बातां री कांई खबर? पण मनै पछै जा र ठा पड़ी के बै तो आपरा टाबरां नै यूरोप री अेक नुंवी साळा में भणवानै भेज्यौ हो, जिकै सूँ ई बानै नुंवी तरै री भणार्ई सूँ इत्तौ लगाव हो।

\* रात रा दोय- च्यार सिक्क साथी मिलवानै आया हा। वै जाणणौ चावै हा के डाइरेक्टर साब मनै कांई कैयौ र कांई नई। अत्यारनै बडा साब री कागद आयौ र हूँ बारै घरै चलेयग्यौ।

साब बोत राजी हा, क्यूँके डाइरेक्टर साब साळा रै काम सूँ घणा खुस होय र गया हा। घरै जाताई साब मनै कुड़सी दी और खुद आराम कुड़सी माथै आडा हूँवतां बोल्या: ‘पैली मनै आ बताऔ के छेरां नाटक घोत्र्या हा कै नई?’

\* "I again say, I am very happy to see this. I won't give them prizes. The genuine pleasure they felt while acting, is a greater and better reward than anything else. I am very glad indeed, very very glad."

\*\* "Bravo! You are success. Go on with your experiments. This is some-thing! Rest is sham and bosh."

हूँ पूछ्यौ : 'थाने काई लाग्यौ?'

साब कैयौ : 'नई! पण इत्तौ सगळौ बाने याद कियां रैयौ? छोरा तौ बोत ही बढ़िया ढंग सूं बोलै हा।'

हूँ बोल्यौ : 'आ ई तौ बात है। हूँ बाने काण्यां सुणाई ही, जिकी बाने घणी दाय आई ही। काणी रै पात्रां सागै अर बांरा मन रा भावां सागै छोरा जाणै अकैतार मैसूस करवा लागग्या हा। सांचाणी बै काणी री बातां नै हाडूहाड अपणाय ली ही अर नाटक करता थकां बै बाने ई जाणै परगट करै हा।'

साय पूछ्यौ : 'पण हाव-भाव कैण सिखाया हा?'

हूँ बोल्यौ : 'हूँ तो कोई नै सिखायौ कोनी। म्हे तो हर अठवाडिये नाटक खेल्यां करां हां। हूँ ई बारै मांय सामल हुयां करूं हूँ अर छोरास्तौ हुवै ई है। हूँ म्हारै पात्र नै हाव-भाव रै सागै परगट करूं हूँ अर छोरा आप-आपरै पात्र ने आपरै हियै सूं निकळ्योड़ा हाव-भावां सूं सेंजीवण करै है।'

साय पूछ्यौ : 'पण औ सै हुवै कियां है? आ तो म्हारै समज सूं धारै है!'

हूँ पडूतर देतो कैयौ : 'पण छोरां री आंख्यां तौ खुल्ली रैवै है नी! बै दरजी, खाती, कुमार, ऊंदरा सै जोवै अर बांरी बातां सुणै। काणी में बांरी जठै-जठै बातां आवै बाने भींट मांड र सुणै। फैर सांवरौ आनै सोचण री अर कल्पना करणै री सगती ई तूठी है, जिकै सूं अनभव अर कल्पना रौ सैळ-भेळ कर र बै नाटक में हाव-भाव, लटका अर अभिनय करै। बाने सूजै जियाई बै करै। बै मत्तै ई आपरी परीक्ख्या लैणिया है। बै मत्तै ई जोय लैवै कै अनभव अर कल्पना नै रळा र रंगमंच माथै उतारीज सकै।'

साब बोल्यौ : 'अ तो भाइड़ा, बोत ऊंची र दौरी बातां है।'

हूँ कैयौ : 'पण छोरा इत्ती बातां कठै समजै। औ तो हूँ थाने जियां-जियां बै करै है बीनै न्यारौ-न्यारौ बता रैयौ हूँ।'

साय बोल्यौ : 'ठीक है, समज्यौ। सांचाणी थें तो आज कमाल कर दियौ। डाइरेक्टर साब बोत खुस हा।'

हूँ बोल्यौ : 'बै खुस नई हुंता तो ई नाटक रौ म्हारौ काम तो इयांई चालतौ रैसी।'

साब भळै बोल्यौ : 'पण ई तरै रा प्रयोग री थें मनै जाणकारी तो कदैई कोनी दी। हैडमास्टर अर दूजा मास्टरां नै सायत ईरी ठा कोनी।'

हूँ कैयौ: 'सांची यूजो तो हूँई कोई र सांमी आ यात करी कोनी, क्यूँके याँरे हिसाय सूं तो अे सै फिजूल री चीजां है। वै आपरै छमाई इमत्यान री त्तारी में लाग्योड़ा है।'

साय इचरज सूं पूछ्यौ: 'पण यांनै ठाई कोनी पड़ी, आ किसीक यात?'

अयै हूँ साय नै मांड र यात यताई: 'जी, म्हे सगळा हर अठवाड़ियै घूमया-फिरया जायां रां हां। यठै रम्मत आळी जियां सै काम करां हां। हूँ म्हारै साथै अेक चादर लैय ज्याऊं। घीरौ पड़दौ वण ज्यावै। दोय छोरा घीनै अपड़ लैवै। अेकानी नाटक रम्मणियां रैवै र सामै जोवणियां।'

साय ने भळै इचरज हुयौ: 'सांच्याणी?'

हूँ योल्यौ: 'या ई तौ आपनै यताऊं हूँ।'

साय कैयौ: 'वा जणां! अयै हूँ आपणी साळा रा सै वरगां मे नाटक रौ कार्यक्रम दाखल करस्यूं। डाइरेक्टर साय नै तो आ यियां ई घणी दाय है। वाकई नाटक योत उम्दा हो। आपां रेसीटेशंस री माथाफोड़ी नई राखां तौ?'

हूँ कैयौ: 'हूँ तो पोतौई फेर नाख्यौ। थै जियां ठीक समजौ।'

साय योल्या: 'इयांई करस्यां। डाइरेक्टर साव ई कैता हा नी: 'खोज जावै ई घोक्णपट्टी रो। मनै म्हारा बै दिन अजै याद है जद हूँ घोक्यां करतौ हो।' पण हूँ तो नानपणै में थोड़ौ दिमागदार हो जिकै सूं मनै अयखाई कोनी आई। पण दूजा छोरा घोक्-घोक् र मर पूरा होवता। सत्यानास जावै ई घोकाई रौ।'

हूँ मन में हँसै हो। सोवै हो कै आज डाइरेक्टर साब कांई पधास्या, म्हारै अखतरा रौ औ तरजबौ घणौई भैताऊ निवड़्यौ।

हूँ घरै गयौ अर सूयग्यौ।

(२)

छमाई इमत्यान माथै हा। दूजा वरगां मे लारली पढ़ाई दुराइजै ही। इतियास, भूगोळ, गणित अर भासा री घोकाई पाछी सरु होयगी ही। अेकर तो बारौ छमाई रौ पाठ्यक्रम पूरौ होयग्यौ हो। पण म्हारौ गाडौ तो अजै घणौ

ई लारै हो, अर इम्त्यान री दीठ सूं जोवां तो कोसां लारै हो। तो ई मनै म्हारा वरग री परीकष्या तो दिराणी ई ही।

मनै दुरावा में बगत कोनी गाळनो हो। बौ बगत तो म्हारौ पोतै बाकी ई बंचबाळौ हो। म्हारी किलास में ठेठ आखिर ताई भणाई रौ काम चालबाळौ हो, क्यूँकै छोरा दुरावा रौ काम मतै ई कर लेंवता। हूँ इसी योजना ई बणाई ही, जिकी सूं दुरावा रौ काम मतैई हूंवतौ रैवै। जियां कै अंतावषरी री-रम्मत में कवित्यावां पाछी-पाछी दुरावा रौ काम मतै ई होतो रेंवतौ।

पण हालघड़ी हूँ भूगोळ, पदार्थ पाठ अर ब्याकरण रै हात ई कोनी लगायौ हो। हूँ सोच्यौ, अबै ब्याकरण उपाड़णौ चईजै, क्यूँकै औ दौरौ विषय गिणीजै। छोरां नै ईमें दिलचस्पी ई कोनी आवै। चौथी किलास रा छोरा नै भासा रा पदच्छेद रै मांय रस कियां आवै? ई में रस रौ ततब किसौ है? ई में या किसी चीज-यस्त है जिकी बानै मजौ तो अणावै ई, पण सागै ही बानै इसौ उपयोगी ग्यांन ई अणावै, जिकौ बांरी जिनगी सारु काम रौ निवडै? इसी या किसी ठौड़ है जठै विद्यार्थ्यां नै लागै के वा, आ तो घणी ई मजेदार चीज है, अणूंती काम री चीज है? इयां सोचतां-सोचतां ई हूँ ई फैसला माथै पूगौ कै ब्याकरण री भणाई थोड़ी बड़ी उमर-रा टाबरां नै ई दिरीजणी जोइजै, जिकां नै भासा ई पढ़ाई में दिलचस्पी पैदा हूयगी हुवै। ई विषय नै तो प्राथमिक पाठसाळा ताई राखणौई नई चईजै। ई उमर रा टाबरां सारु जिकौ दौरौ विषय है, अर जिकै सूं बानै भणाई में अमूजौ आवै, इसौ विषय भणावां ई क्यूँ? ग्यांन रा दूजा विषयां रौ कोई तौड़ी आयग्यौ जिकौ इसा लूखा अर दौरा विषय भणावां?

पण मनै तो नुंवौ अखतरौ करणौ हो। कीं नई तो म्हारी सरत मुजब इम्त्यान ताई मनै ब्याकरण विषय सौरी रीत-भांत सूं भणा'र दिखाणौ हो। तात्विक सौच री वजै सूं ई विषय नै बैवार में म्हारा प्रयोग मेंसूं टाळ'र अळगौ कर नाखणौ चोखौ कोनी लागतौ। मनै तो आ बात साबत कर'र बताणी ही कै चौथी किलास रा टाबरां नैई चोखी तरयां ओ विषय भणायौ जा सकै।

हूँ अेकर भळे ब्याकरण रौ पाठ्यक्रम यांच्यौ अर तै कर्यौ कै पाठ्यक्रम में छाप्पोड़ी लीक-लीक तो हूँ कोनी चाल सकूं। संग्या, सरयनांव अर क्रियापदां री परिभासावां छोरा बेगासीक घोक तो लैसी पण समज्यां यिना येगासीक भूल ई ज्यासी। जद मनै टाबर पणै में व्याकरण भणाता हा,

हूँ ई समज्यां बिना घोकतौ ई तो हो। सिक्पकां नै औ भरम हो कै छोरां नै याद है जणां तो अै समजिग्या। ई तरै री चालती रीत नै तो हूँ लांबा हात जोड़्या। अबै सवाल औ हो कै ब्याकरण भणाबा री नुंवी रीत कोई हुवै! हूँ सोच 'र अेक योजना घड़ी, अर बीनै वरग में लागू करी। सांचाणी छोरा नै जबरौ मजौ आयौ। दोय भईनां रै मांय-मांय बै संग्या, सरबनांव, क्रिया अर अव्यय सबदां नै ओळखबा लाग्या। बांनै पूछां तो वाक्यां रै मांय सूं टाळ-टाळ 'र यताबाई लाग्या। अेक बचन, बहुवचन, स्त्रीलिंग अर पुल्लिंग रौ ई आंटौ बांनै ढाळै पड़्यौ। हूँ कर्ता, कर्म नै ओळखबा री इसी कोई नुंवी जुगत मिढ़ाबा मे लाग्यौड़ौ हो कै ई बिचाळै जद म्हारी किलास में छोरा ब्याकरण री रम्मत रमै हा, यीं टेम म्हारा बडा साब आय दूक्या। बै टावरां रौ काम जोय 'र बगना हूयग्या। बूज्यौ : 'क्यूं भई, छोरां नै तास क्यूं रमाऔ हो? छमाई इन्थान माथै आयग्यौ। झपाटौ मारौ। देख लैया, कठै ई नीची नीं देखणौ पड़ ज्यावै। थारौ अखतरौ पार पड़नौई चईजै।'

हूँ मुळक 'र कैयौ। 'ई बात री तो मनै ई अणूती चिन्त्या है। अै टींगर तो किलास में ब्याकरण री रम्मत रमै है। आप आंनै थोड़ा तपास 'र तो देखो!'

बडा साब च्यार-पांचेक सवाल पूछ्या। पछै मनै कैयौ: 'ओहौ, औ तो बोत ई बढ़िया काम हुयौ। थारी आ आखी योजना मनै ई बता दीज्यौ। थैं इती दिलचस्पी सूं ब्याकरण सिखा रैया हो तो ई तरीकानै दूजै वरगां में ई दाखल करणौ चईजै। म्हारै घरै आइज्यौ अर अै सगळी साधनां सूं जियां थै भणा रैया हो, बै सगळी बातां मनै समजाइज्यौ।'

दूजा दिन म्हारी ब्याकरण पढ़ाणै री सगळी सामगरी लेय 'र हूँ साब रै घरै गयौ अर बठै हूँ म्हारौ काम पैली सूं ई ई मुजब रज्जू कर्यौ:

'साब! औ है म्हारौ पैलौ साधन। ई पूठा रै अेक बाजू नर अर दूजी बाजू नारी जात रा सबद लिख्यौड़ा है। माथै लिख्यौड़ौ है: स्त्रीलिंग अर पुल्लिंग। थैं जोवौला कै आं पूठां माथै नियमित नारी जात रा अर बां पूठां माथै अनियमित नारी जात रा सबद है। म्हारौ पैलौ काम ओ हुवै कै अै पूठा छोरां नै बांचण सारु संपछूं हूं। बै आंनै बांचे, खूब बांचे, सैरासै पूठा बांचे। ई तरै यांनै जात-जात रा सबदां री ओळख हूय ज्यावै। सैंऊं ऊपर लिख्यौ है नर जात, नारी जात। आंनै पढ़तां ई वारै मन में सबदां रा लिंग रौ विचार सळबळीजवा लागै। पण सरुपोत में तो वांनै लिंगवाची सबदां री ई जाणकारी हुवै।

इतौ काम करयां पछै हूँ अेक दिन छोरां नै पूछ्यौ: 'बताओ देखाणी,

बळद री लुगाई कुण हुवै ?'

बै बोल्या: 'गाय ।' पछै बै मत्तै ई बताता गया: 'सिंह री सिंहणी, छोरा री छोरी, बूडा री डोकरी, कुत्ता री कुतड़ी, मोर री ढेलड़ी ।'

म्हारी आ योजना सफळ रैयी । ओळखांण कराबा सूं बारै मन में बिचार जागवा लाग्या हा, अवै सबदां री ओलखांण सूं वामें ग्यान जागण लाग्यौ ।

हूँ कैयौ: 'आओ अेक खेल रमां । हूँ नर जात लिखूं, थें नारी जात लिखौ । हूँ पुकिंग रा सबद लिख्या लाग्यौ अर बै उछाव सूं स्त्रीलिंग रा सबद लिखण लाग्या । जांच 'र देख्यौ तो गलत्यां वोत थोड़ी-सी निकळी । जरा-सा छोरां रै ई गलत्यां ही ।

हूँ योल्यौ: 'जोवौ, थानै अेक दूजी रमत रमाऊं । अै दोय पेट्यां पड़ी है । अेक पेटि में नर जात रा तो दूजी में नारी जात रा सबद है । करणौ ओ है कै नर री नारी जात सोधौ अर नारी री नर जात सोधौ ।'

कित्ती ई जेज ताई छोरा आ रमत रमता रैया ।

साब पूछ्यौ: 'पण पेटि तो अेक ही । सगळा बीरै मांय कियां रम्या?'

हूँ कैयौ: 'ईरै यास्तै मनै अेक तरकीब काडणी पड़ी । किलास में दस अेकानी अर दस दूजै कोनी कुंडाळा बणाया । ई बाजू रा दस रै मांय नर सबद अर सामली बाजू रा दस कुंडालां में नारी जात रा सबद रख दिया हा । अेक-अेक कुंडाळा रै खनै अेक-अेक छोरा वैठ्यौ हो । आपरा कुंडाळा रौ सबद लेय 'र बौ बीरी नारी के नर जात सोधया नै जांवतौ अर जठै बीनै सई-सई मिल ज्यातौ बौ यानै अेकै सागे रख देतौ । ई तरै सगळा कुंडाळा खनै न्यारा-न्यारा नर-नारी रा जोड़ा भेळा हूय ज्याता । सगळा सबद खलास होतां ई रमत पाछी सरु हूय ज्याती । खेलणियां दोय जणां हूवता तौ बै अेक-अेक पेटि लेय 'र नर री नारी जात अर नारी री नर जात सोध्यां करता ।'

साब योल्या: 'समज्यौ! आ तो मजेदार तरकीब है भई । पण नपुंसक लिंग सारु थै काई कस्यौ?'

'जी, स्त्रीलिंग-पुकिंग सबदां री आछी भली ओळखांण हुयां पछै हूँ बोड माथै 'नपुंसक लिंग रा सबद' सिरैनांवौ मांड्यौ अर नीचे कीं सबद लिख्या: होल्डर, टेबल, दवात, डस्टर, बोड बगैरा । छोरा बांनै बांच लिया अर



सोचया लाग्या कै आंरी कै जात हूय सकै? जिती यांरी जाणकारी ही, दीरे मुजय वै लिंग तै कोनी कर सक्या। जणां हूँ यांनै दतायौ कै अै सगळा नपुंसकलिंग रा सयद है।

अेक छोरो पूछ्यौ: 'पण नपुंसक रौ मुतलय?'

'जिका नर नई हुवै अर नारी ई नई हुवै, वै!' हूँ बोल्थौ।

छोरां रा चैरां माथै समज देखण में आई। हूँ झट देणी-सी बोल्थौ: 'सयद लिखौ। तीन खाना पाड़ौ-अेक नर रौ, दूजौ नारी रौ, अर तीजौ नपुंसक रौ।'

हूँ साठ सयद लिखाया अर मनै अचूंथौ आवै कै घणकरा छोरां इक्की-दुक्की भूलां टाळ र सई लिख्यौ हो। मनै लाग्यौ कै व्याकरण भणायो में जूनी रीत सूं व्याख्या अर परिभासा रै चक्कर में नई पड़्यौ जिकौ ठीक ई रैयौ। ई तरीकै सूं छोरां री दिलचस्पी यिसी री यिसी यणी रैई है। मनै समज में आई कै इसी दौरि यातां रमत री रीत सूं सरू कराणी चईजै अर होळै-होळै यांनै सास्त्रीय भासा री योळखाण कराई जा सकै।

साय पूछ्यौ: 'पण जे थै 'किसौ', 'किसी' जियांकला सवाल पूछ र समजाता तो?

हूँ कैयौ: 'जी, यौ तो "पछै रूल ओफ द थंग" ई हूँयतौ, खाली घोकाई! छोरां नै समज्यां यिना याद करणौ पड़तौ। अबै इत्तौ समजायां पछै तो मनोरंजन रै खातर 'किसौ', 'किसी' री रीत-भांत ई आपां बतां सकां हां।'

साब कैयौ: 'अछ्या, आगै चालौ।'

हूँ बोल्थौ: 'ई रै पछै हूँ वरग रै मांय 'वचन' समजाया। अेक वचन अर बहुवचन ऊपर आळी रीत सूं ई समजाया।'

साब पूछ्यौ: 'अछ्या। ई में रम्मतां रमाई?

हूँ बोल्थौ: 'हाँ जी, अेक वचन आळौ बहुवचन नै सोध र लावै अर जोडा थणावै।'

साब पूछ्यौ: 'औ तो ठीक, अबै आ बताओ कै थैं संग्या अर क्रिया वगैरा कियां भणायो?'

हूँ बोल्थौ: 'जोवौ, पैली हूँ क्रियापद सांभ्या। छोरां नै बांचणौ तो आवै ई है। हूँ बांनै कैयौ कै बोड माथै लिखू बियां ई थानै करणौ है। लिख्या मुजब

क्रिया करणी है। हूँ क्रिया सयद लिखूँला अर थाने क्रिया करणी है। जिका छोरा नै हूँ आंगळी दिखाऊँ यौई क्रिया करैला।

हूँ योड माथे लिख्यौ: 'उठौ, वैठौ, भागौ, सूवौ, रमौ, चालौ, नाचौ, बांचौ, बोलौ, हालौ, दौड़ौ, कूदौ, पड़ौ, हँसौ, गाओ, वगैरा।'

आ सादी क्रिया करया में छोरां नै घणौई मजौ आयौ। वै कैयौ: 'भळै लिखौ।' हूँ ई तरे रा सयद सोचतौ गयौ अर वै वारै मुजब क्रिया करता गया। दूजै दिन हूँ अेक कारड माथे लिख्यौ: 'कीं क्रियापद'— उठौ, वैठौ वगैरा। सै यांच्या—'कीं क्रियापद।' तीजै दिन हूँ अेक डब्ब्यी ल्यायौ। वीरै माथे लिख्यौ हो—'क्रियापदां री डब्ब्यी।' छोरा यीनै उठा र वीरै मांय सूं नाचौ, कूदौ, भागौ, पड़ौ, हँसौ, सयद बांघता अर क्रिया करता। पछै हूँ यानै कैयौ कै क्रियापद लिख र ल्याओ। वै लिख ल्याया।

हूँ भळै अेक रमत काडी। हूँ यानै कैयौ: 'जोबां। हूँ थारै मांय सूं कोई नै कीं करया सारु कैस्यूं, पछै यौ कांई करै जिकौ थाने योड माथे लिखणौ है। जगजीवण नै हूँ कैयौ: 'दौड़ौ।' यौ दौड़्यौ। हूँ छोरां नै पूछ्यौ: 'यौ कांई करै है?' अेक जणौ यतायौ, 'यौ दौड़ै है।' दूजां नै पूछ्यौ: 'यौ कांई क्रिया करै है?' यौ कैयौ: 'दौड़ै है।' पछै हूँ छोरां नै 'नाचौ, कूदौ, बांचौ, लिखौ' रा हुकम दिया अर दूजां नै वै कांई करै है जिकौ योड माथे लिखबा नै कैयौ। तपास कस्यौ तो वै सई लिख्यौ हो। अलबत्ता, कोई-कोई समज्यौ कोनी हो। इक्की-दुक्की भूलां और ई ही।

ई तरयां ई हूँ यानै आगै कैयौ: 'अबै थामे सूं जिकौ जिसी क्रिया करै, यौ कांई कर्यौ है, या थाने योड माथे लिखणौ है।

हूँ जगजीवण नै कैयौ: 'दौड़ौ।' यौ दौड़्यौ अर छोरा बियां ई लिख्यौ: 'दौड़ौ।' औ खेल चालतौ रैयौ। हूँ छोरां नै आपसरी में रम्मत री छूट दी। घणै ई उछाव सूं वै रमया लाग्या। सागै-सागै ई लिखबा लाग्या।

ईरै पछै हूँ अेक दिन वानै बैठायौ अर पूछ्यौ: 'जद राम भाजै है, जणां यौ भाजबा री क्रिया करै है नी?' वै कैयौ: 'हाँ।' 'जद स्याम सुंदर लिखै है, जणां या किसी क्रिया है?' छोरा बोल्या: 'लिखणै री।' ई तरे हूँ वानै पूछतौ रैयौ। हूँ वानै पूछ्यौ कै जद स्याम सुंदर भाजै है, जणां यौ किसी क्रिया करै है? छोरा यरौबर सई जवाब दियौ। ई रै पछै हूँ बोड माथे लिख्यौ: 'भाजै है, बोलै है, जावै है वगैरा सै क्रियापद है, अर क्रियापदां रै मांय आपां नै कीं

न कीं करणौ पड़े है।'

छोरा बांच्या अर हों भरी।

साय पूछ्यौ : 'पछै?'

'पछै हूँ अक दूजी रमत ली कै थे जिता क्रियापद थानै याद हुवै, बै लिख 'र' ल्याऔ।' छोरास्तौ पिल पड़्या। जिकां नै जठै-जठै क्रियावाचक सयद लाद्या, वै यठै सूं उठा लिया। आखी पाटी भर नाखी।

साय बोल्या : 'जणां?'

'हूँ भळै अक रम्मत काढ़ी। योड माथै वाक्य लिख्यौ: रामजी भाजै है, चम्पक बांचै है। अर छोरां नै कैयौ कै औ वाक्यां रै मांय सूं क्रियापद तो राख्यौ अर दूजा सै भिजाण्यौ। सै छोरा बरौबर सई काम कर्यौ। यस थीं बगत हूँ क्रियापद भणाया रौ काम रोक दियौ।'

साय बोल्या: 'मनै लागै है कै थारी ई रीत-भांत सूं छोरां नै याद तो बरौबर रैवै पण ई मे बगत घणौ जावै अर रमत रमाणी पड़े।'

हूँ कैयौ: 'रमत रमया में तो छोरां ने घणौ ई मजौ आवै। आपां थोड़ा बगत बिगाड़ा अर बीरै मांय फळ सांतरौ आवै, पुख्या आवै तौ हरज ई कांई है।'

साय बोल्या: 'औ तो समजग्यौ, पण संग्या रौ कांई कर्यौ?'

हूँ कैयौ: 'संग्या रौ काम इयांन सरू कर्यौ। पैली तो हूँ म्हारी रीत रै मुजब कीं संग्या सबद लिख 'र' पूठा माथै टांग दिया। तरै-तरै रा नांव। छोरा मजा ले लेय 'र' बांच्या, बार-बार बाच्या। नांवां री पानड़ी में तरै-तरै रा रंग हा अर बांनै खास-खास फांटां में फांट दिया हा। बांनै बांचणौ सगळां सारू आणंददायी होयग्यौ हो। मनै सगळां नै ई तरै सिखाणी हो कै बांनै ठाई नई पड़े। अथै वै क्रियापदां रा अर संग्यावां रा पूठां मांयसूं संग्यावां टाळवा लाग्या। ई तरै दोय धड़ां नै अळगा करणै री औळखांण बधै ही। अकर हूँ बांनै भैळै बैठा 'र' कैयौ: 'जोवौ, अबै हूँ मंगास्यू। कांई मंगास्युं जिकी बात कोनी कैवूं। बस जिकौ नांव आळौ हुवै, जिकै रौ कीं नांव हुवै, बीनै थे लियावौ। जाय 'र' पूछौ-थारौ कांई नांव? जे बीरौ नांव हुवै तो लियावौ।'

छोरा झट दैणी-सी समजग्या। बै भाज्या। बोड नै पूछ्यौ-थारौ नांव? पछै खुद ई पड़ूतर दियौ- 'बोड', 'तो चालौ। अर बोड आयग्यौ। ई तरै ई मेज आयगी। भाटा, धूळ, लकड़ी, कागद, पोथी, कलम, डब्बी बगैरा जिका

ई मिल्या, सै भैळा होया लाग्या। अक टींगर तो खंनली किलास में सूं अक छोरा नै उठा र लियायौ। हूँ पूछ्यौ: 'औ काई है, भई?' ल्याणियौ बोल्यौ: 'ई रौ नांव है।' कोई पूछ्यौ: 'सूरज नै कियां ल्यावां?' कोई बोल्यौ: 'लीमड़ौ आइजै कोनी।' मनै खातरी हूयगी कै अबै आंनै संग्या रौ मुतलब समज मे आयग्यौ लागै।

वरग में आ रमत चालै ही, ई बिचाळै हूँ संग्यावा री कतरणां पेटी भर र लियायौ। माथै लिख्यौ हो— संग्या री पेटी। मांय नै सौ नांव हा। नाव ई नांव। छोरां री तौ अबै आदत पड़गी ही। पेटी खोल र बै मुट्ठी-मुट्ठी कतरणां उठा र लेयग्या। अक जणौ पूछ्यौ: 'औ रातौ की चीज रौ नांव है?' हूँ बीनै सामौ पूछ्यौ: 'तो, ई ललास नै थूँ काई कैयसी?' टींगर मुळक र चलैयग्यौ। पछै हूँ संग्यावां अर क्रियापदां री पेट्यां रळायी दी अर बांनै न्यारा-न्यारा टाळणै रौ काम सूप्यौ। आ रमत बोट सांतरी रीत सूं चाली। बीं बगत संग्या अर क्रियापदां रौ आपरै मन में बैठेड़ौ ख्याल बै बोट ई आछी तरचां बता सकै हा।

पछै हूँ बांनै अक दूजी रमत बताई—क्रियापद रै लायक संग्या औळखबा री अर संग्या रै लायक क्रियापद पिछणबा री। जियांन 'घोड़ौ' सबद लैय र बै 'भाजै है,' कै 'नाट्यौ' सोध सकै हा, 'खावै है' लेय र रामचन्दर कै स्याम कंवार सबद सोध सकै हा। हूँ बांनै औ सै बाता समजाय दी, भळै सोधैड़ा सबदा रा जोड़ा बणा र धरणौ ई बता दियौ। बांनै ई काम में घणौ ई सवाद आयौ।

ईरै पछै हूँ बोड माथै की वाक्य लिख्या अर छोरां नै कैयौ: 'आमे सू संग्यावां अर क्रियापद छांटौ अर पाटी माथै लिखौ। औ वाक्यां में संग्यावां दिखाऔ। संग्यावां नै भिजाण द्यौ अर क्रियापदां नै ई मिटा द्यौ।

हूँ भळै पूछ्यौ: 'औ काई है? ई नै काई कैवै?' अर बै सै सई बता दिया।

ई तरचां बांनै संग्या अर क्रियापद रौ पदच्छेद करणौ आयग्यौ।

साय बोल्या: 'आ तौ सातरी रीत है भणाणै री। छोरां नै दर में ई दौराई कोनी लागी हूसी। पण ई काम रै मांय साधनां रौ कीं खरचौ पड़सी अर थारै जिसी हियै री सूजना ई जोईजै।'

हूँ कैयौ: 'साब! छोरां नै घोकण पट्टी रा घरट में सूं बचाया नै इतौ

खरचौ तो करणौ ई पड़े, ई में कांई यडी यात है।' औ खरचौ तो हूँ म्हारै गूँज्या सूं करचौ है, पण जूना-पुराणा पूठा सोध र पेटी यणाली।

भळै घर र मांय कागदिया आडा-अंवळा इयां ई पड़्या लादग्या हा, जिकां सूं परच्यां कै कतरणां यणाली।'

साय योल्या: 'हूँ औ खरचौ थानै दिराया री जुगत भिड़ास्यूं।'

हूँ कैयौ: 'खरचौ दिराया री ठौड़ जे थैं ई रीत-भांत नै कबूल कर र चौफेरी लागू कर द्यौ तो म्हारै खरचौ भरपायौ।'

साय योल्या: 'अछ्या भाई! देखस्यूं। ईरै पछै थैं आगै कांई करचौ?'

हूँ कैयौ: 'ईरै पछै साय, हूँ विशेषण सरू करथा। पण थैं उकताया तो कोनीक। क्यूँकै अेक तो व्याकरण जिसौ लूखौ विषय, भळै यात नै घोखी तत्थां मांड र कैया री म्हारी आदत!'

साय योल्या: 'नई थैं थारै कैयां राखी। हूँ पूरी बिगत जाणणी चावूं। बिगत जाण्यां बिनास्तौ सारी बात समज में ई कियां वैठै? अछ्या, थोड़ा द्यौ भाई, आ चाय आयगी। चा पी र आगै चालस्यां।'

साय सौकीन तवीयत रा हा। उम्दा चा पीता हा अर म्हारौ ई निजू सौख जाणै हा। मस्ती सूं बीस मिनट चा पीणै में लाग्या पछै जोस रा लैरका सागै आगै दुत्था।

हूँ कैयौ: 'हूँ म्हारै रिवाज परवाण छोरां रै सांमी विशेषणा री परच्यां राखी। परच्यां माथै विशेषण ई विशेषण हा। अबै बानै सवाद आयौ जिकौ बांचबा लाग्या। अेक छोरो पूछ्यौ- 'माइसाब! विशेषण भळै कांई हुवै? ' हूँ बोल्थौ: 'जोवौ नी भाई! अै सै विशेषण है।' वै मन ई मन में समजता जावै हा। कैरुं पाछौ खेल सरू करचौ। वै संग्या, क्रियापद अर विशेषण री परच्या न्यारी-न्यारी टाळबा लाग्या।

पछै थानै अेक नुंवी रमत बताई: 'जोवौ छोरां! हूँ थांसूं मंगास्यूं जिकौ थानै लै र आणौ है!'

हूँ बोल्थौ: 'पेन्सल ल्याओ।' अेक छोरो पेन्सल लियायौ।

'राती पेन्सल ल्याओ।' बौ राती पेन्सल लियायौ।

'पीळी पेन्सल ल्याओ!' दूजौ छोरो पीळी पेन्सल लियायौ।

हूँ बोल्थौ: 'पेन्सल ल्याओ।'

छोरा पूछ्यौ: 'किसी?'

‘राती।’ हूँ घकै बोलतौ ई रैयौ: ‘पीळी, लीली, गुलायी, मोटी,  
नैनी.....’ बै आप रै सुणता रैया अर ल्याता रैया।

हूँ नुवौ पाठ सरु कर्यौ-‘कोई अक पेन्सल उठाओ।’

अक पेन्सल उठाई।

‘अवै खास लीली पेन्सल उठाओ।’

लीली पेसल उठाई।

‘अवै खास पीळी उठाओ।’

पीळी उठाई।

‘अवै खास लांयी उठाओ।’

लाम्बी उठाई।

हूँ बोड माथै लिख्यौ : अै खास सयद- अै विशेषण कीं बतावै है,  
कीं विशेषता बतावै है।’

छोरां याच्यौ अर बोरै कीं समज में आई हुवैला।

हूँ नांव अर विशेषणां री पेट्यां काढ़ी अर छोरां नै रमत बतायी: ‘नांव  
रौ विशेषण सौधौ अर विशेषण रौ नांव सौधौ।’ अक छोरौ ‘रातौ’ सयद उठायौ  
अर नाव आळी पेट्टी में सूं ‘घोड़ौ’ सबद काढ्यौ। दोयांनै ‘रातौ घोड़ौ’ जोड़ ‘र  
रख दीनो। पछैस्तौ विशेषण अर नांव रा ढिगलां में सूं जोड़यां बणबा लागी।  
हूँस्तो बांनै जोवतौ हौ अर फिरतौ हौ। कोई-कोई जोड़ी गलत बणज्याती।

पछै हूँ म्हारी अळगी-अळगी रीतसर छोरां नै तपास लीना। बै  
विशेषण रौ अरथ मन में समजेड़ा हा, जिकौ झटदेणी सई नांव अर विशेषण  
काढ़ै हा।

साब बोल्या: ‘थैं तो मजा कर दीना। नांव, विशेषण अर क्रियापदां  
नै बढ़िया तरै सूं ओळखा दीना। अच्छ्या, ब्याख्या कराओला कै नई?’

हूँ कैयो: ‘ब्याख्या करवाय दी। पण ब्याकरण रै मांय दियोड़ी ब्याख्या  
हूँ नई कराऊंला। भळै थाने परीकष्या रै मांय ई ब्याख्या नई पूछणी जोइजै।  
थै पदच्छेद भलै ई पूछौ।’

साब बोल्या: ‘मनै ई विषै रौ इन्त्यान कोनी लेणौ। मनै तो पढ़ाणै रीआ  
रीत साळा में दाखल करणी है। छोरा ब्याकरण घोख-घोख ‘र गरगा।’

हूँ बोल्यौ: ‘साब! ब्याकरण सीखतां तो म्हारी कगार मोलही मोलही  
ही। म्हानै नई आतौ तो मास्टरजी गदीड़ धरता।’

साय बोल्यो: 'अयारई किसा मारै कोनी?'

हूँ कैयो: 'जणां पछै थें ईनै यंद कयूनी करौ?'

साय बोल्यो: 'आ तो म्हारै हात में कोनी, वियां है यी! पण अयार म्हारौ मत.....जे आपां आछी तरयां भणावां तो मारणौ मत्तेई रुक सकै। जोओ नी, थानै व्याकरण सिखातां कोई नै मारणौ पड़्यौ? पण बत्ताओ देखाणी, सरबनांव रौ थें कांई करयौ?'

हूँ बोल्यो: 'ईमें करणौ के हो! एक नानौ सो खेल करवायौ। हूँ वानै समजायौ के 'हूँ कुण?' तो वै बोल्यो: 'लिछमी शंकर।'

'अच्छ्या, तू कुण?' श्याम बोल्यो: 'हूँ श्याम।' हूँ बूज्यो: 'यो कुण?'

अै सवाल हूँ बोड माथै लिख्यो:

हूँ - लिछमी शंकर

तू - श्याम

यो - धनसुख

म्है - लिछमी शंकर, श्याम, धनसुख

थें - राम, लवकुश, विक्रम, देवराज

वै - भंवर, मूळचंद, बुलाकी, रूपसिंग

छोरा बांघबा लाग्यो। हूँ कैयो: 'हूँ, तू, वै, अै-सगळा नै सरबनांव

कैईजै।'

अेक जणौ बूज्यो: 'साब, सरबनांव कीनै कैवां?'

हूँ बोल्यो: 'थैई सोचो।'

दूजौ बोल्यो: 'साब, म्हारौ मुतलब लवकुश, इयांई नी? लिछमी शंकर रौ मुतलब थें, इयांई नी?'

तीजौ बोल्यो: 'जणां म्हारौ, थारौ - अै सगळा सरबनांव हुया कै नई?'

हूँ बोल्यो: 'विल्कुल।'

पांचवौं बोल्यो: 'पण सरबनांव कीनै कैवां?'

हूँ बोड माथै लिख्यो:

-राम रै हाथ मे पाटी है।

-राम रै हाथ मे पेन्सल है।

-राम वामण है।

-राम पढ़े है।

-राम रोजीना बेगौ आवे है।

-लिछमीशंकर थांरा मास्टर है।

-लिछमीशंकर थांनै पढावै है।

-लिछमीशंकर थांनै घुमाबा लेज्यावै है।

सगळा छोरां बांच लीना। हूँ तीजा बाबय में 'राम' री ठौर 'मो' अर  
लिछमीशंकर री ठौर 'बै' लिख दीनौ। बाचताई छोरां रौ मगज पालवा लागी।  
हूँ पूछ्यौ : 'बोलौ, सरबनांव की ठिकाणै राखणौ?' कोई बोल्यौ 'राम' तो कोई  
बोल्यौ 'लिछमीशंकर'।

हूँ भळै पूछ्यौ : 'राम, लिछमीशंकर - ओ नांव है कै प्रिमाणत है?'  
'नांव।'

'जणां राम अर लिछमीशंकर जिरा नांवां री ठौर जिका आवै यावै  
काई केवोला?'

'सरबनांव।'

साय हँस्या: 'थै मास्टर तो पढ़ा छे। पूरी यात विगतवार मोड़'र  
समजावो हो।'

हूँ दोल्यौ : 'आ आदत तो अथै कियां मिटै? बरगल होतौ तो दूँज  
में ई सलज देतौ।'



भांत सू ई। हूँ अरज कर दीनी ही कै आखी साळा री परीक्ष्या हुयां पछै म्हारा वरग री हूणी चईजै। बीं यगत म्हारा वरग में सगळा सिक्षक अर हैडमास्टर साय हाजर रैवै। म्हारी आ अरज ई ही, कै म्हारा वरग की परीक्ष्या रै टाणै अेक-अेक वरग सू पांच-पांच छोरा बठै बठै।

परीक्ष्या रै दिन म्हारै मन में स्यांति ही। काळजौ घड़कै कोनी हो। मन में पास-नापास रौ ई सवाल कोनी हो। म्हारै अनभव रै परवांण चिंत्या री कोई बजै कोनी ही। बिद्यार्थ्या नै कैयोड़ौ ई हो कै, 'आपां रोजीना जिकौ काम करां हां, योई आज करणौ है। परीक्ष्या में तो से पास ई है। आज तो आपारौ काम जोवण सारू सगळां नै नूंतौ दियौ है।'

म्हारी नाटकी रीत मुजब हूँ पड़दै रै लारै सौक्युई सजा राख्यौ हो। आगै आळा भाग में सगळां नै बैठायां पछै हूँ पड़दौ खोल्यौ। बठै हाजर राख्यौड़ा बिद्यार्थ्या री मंडळ्यां ही। हरेक मंडळी नै म्हारा वरग रौ अेक-अेक बिद्यार्थी काणी कैवै हो। काणी रौ काम बारी-बारी सर चाल्यौ। हरेक बिद्यार्थी आपरी काणी खुद ई छांटी ही। काणी भूल नई ज्यावे ई सारू जोवण नै पोथी खनै राखी ही। बो आपरै ढंग सू मनपसंद काणी बिद्यार्थ्या नै कैवै हो अर सुणणियां रै सागै खुद ई कैणै रौ मजौ लूटै हो। बींनै काणी कैणौ आवै हो। ठस्कै-ठावकै सू भाव-अरथ समज र बौ काणी कैवै हो। सुणबाळा बरौबर सुण रैया हा। काणी पूरी हुई। सगळा सिक्षक अेक-दूजै कानी जोवै हा। हूँ बोल्यौ : 'आ म्हारी अेक परीक्ष्या है।'

अेक सिक्षक दूजा रै कान में कैयौ: 'क्यांरी?'

हूँ सुण लीनौ र बोल्यौ: 'भासा माथै कायू री, काणी कैणै री कला री, याददास्त रै बिकास री, अभिनय री।'

सगळा सिक्षक दूजी परीक्ष्या नै अडीकै हा।

पड़दौ पाछौ खुल्यौ। सगळा बिद्यार्थी गोळाकार बैठा हा। बोड माथै लिख्यौड़ौ हो: 'अंतकड़ी री रमत।'

अेक बिद्यार्थी अेक कवित्या बोली। आगै आळौ बींरा छेड़ला आखर सू दूजी कवित्या गाई। ई तरै आखौ वरतुळ पूरौ हुयौ। अेकर भळै अंतकड़ी चाली।

बडा साब पूछ्यौ : 'सांमैसांमी क्यूं नई बिठाया? ई सारू तो दोय मंडळ्यां होणी चईजै नी?'

हूँ बोल्यौ: 'नई, धीं चीज नै हूँ बांडे काढ़ी परी। बीमें हारजीत आज्यावै। बीसूं होडाहोडी अर ईष्या जळमै। ई तरीका रै मांय अेक जणां नै नई आवै तो दूजौ मतैई कवित्या बोलबा लागै अर काम बरौबर आगे बधतौ रैवै। अेकर कोई नै याद नई आवै तो बौ दूजै आपरी बारी आयां बोल सकै।'

बडा साब डाडी खुजाई र आंख्यां मिचमिचाई।

छोरां नै बिठाया तो हा थोड़ीवार रमबा नै, पण बांनै इतौ मजौ आयौ कै घंटड़ी यजायां ई ऊठणौ कोनी चावै हा। बांनै थोड़ी देर भळै देय र हूँ पड़दौ नाख्यौ। पड़दौ सूं बारै आय र हूँ कैयौ: 'आप जोयौ हुवौला कै आंरी पोथ्यां री किती सारी कवितावां आंनै बरौबर याद है। कवित्या रा वरग में आ रमत रोजीना चालै है।'

साब बोल्यो: "Hear, Hear! योत अच्छ्या, योत अच्छ्या!"

पाछौ पड़दौ उघड़्यौ। गोळाकार बैठ्या वै आपसरी में आड्यां र पाळ्यां पूछै हा। जबरौ उछाव हौ।

बडा साब: 'ओहो, अै तो आड्यां र पाळ्यां है। नैनपणा में सुणी ही, पण अभ्यासक्रम में अै कठै है?'

हूँ बोल्यौ: 'जी अभ्यासक्रम रै मांय भासा री भणाई है नी? बीरै मांय छोरां री जिग्यास, विकास अर ग्यांन रो बधापौ तो रैवै ई है। भळै ई रमत रै लारै तो छोरा बावळा है। किती सारी आड्यां आवै है आंनै! अेक-अेक आडी किती मैताऊ है! आज अै अभ्यासक्रम रै मांय नई है, पण हूँ आंनै सामल करी है। हूँ धारूं हूँ कै आंवतै बरस आप आंनै अभ्यासक्रम रै मांय ई सामल करौला।'

बीरै पछै म्हें सबदां री रमत चलाई। अेक सबद बोलै बीरै छेड़लै आखर माथे दूजौ सबद बोलीजै; बीरै छोड़लै आखर माथे तीजौ सबद बोलीजै। बियां तो आ रमत सौरी ही, पण जद ठा पड़ी कै कोई बिद्यार्थी गांवां रा, कोई नदयां रा, कोई खूंगरा रा, कोई मुसलमानां रा, कोई हिन्दुआं रा, कोई जात्यां रा, कोई बामणां रा तो कोई बाण्यां रा नांव बोलण रौ आपसरी में तै कर राख्यौ हो, जणांस्तौ सगळां नै भारी मजौ आयौ।

हूँ म्हारा सिक्क क मायां नै कैयौ: 'ई रमत सारु घणां घणां सबद भेळा करै, ई वास्तै छोरां नै कैयौ हौ कै थे नक्सा अर सबदकोष जिस्सी पोथ्यां

आंखियां बारै काढता रैईज्यौ जिकै सूं थारै हाथां में घणां सारा सयद रैसी।  
घणीवार छोरा रमत रमणै री ठौड़ जात-जात रा सयद-जुदा-जुदा वरग रा  
सयद भेळा करणै में घणौ वगत लगा देवै। वै अेक दूजां नै सयद सुणावै, अर  
केई-केई तो सयद लिख लैवै।'

बडा साब बोल्या: ई रमत में घणौ तंत लखावै। ई तरै री रमतां सूं  
बुद्धि री सगती अर हर तरै रौ ग्यांन बघै, ई वास्तै आंनै हरेक वरग में जरूर  
सामल कर लेणौ चईजै।'

अेक सिक्खक साब नै नई सुणीजै ई तरै सूं दूजा सिक्खक नै कैयौ:  
'अै सिरीमानजी ई तरै रा धंधा करबानै ई तो अठै आया है। आंनै भणाणौ  
थोडौ ई है। अै तो भजा करबा आया है। आपांरी तो पढ़ातां-पढ़ातां खोपरी  
पक ज्यावै अर अठिनै खेल रै सिवा और है काई?'

दूजौ बोल्या: 'अबै जूनी भणाई री ठौड़ औ नुवी भणाई रौ जमानौ  
आयी है। वै दिनड़ा गया कै जद फटाफट मुंडै याद रैवतौ - 'ग्रन्थ गांठे अर  
बिद्या पाठे'। अबै तो भणाई रै नांव माथै अै रमतां-गमतांई रैयगी। आगै कै  
ठा कै होसी। अबै पढाई में तो कोई रो ई मन कोनी। खेल खेलाओ तो सगळा  
नै चोखौ लागै।'

म्हारौ ध्यान म्हारा बिद्यार्थ्यां रौ काम दिखाबा में हो, जिकै सूं ऊपर  
आळी बाताचीतां कोनी सुण सक्यौ। आ तो लारै सूं मनै कोई बताई ही।

हूँ सीटी बजाई अर सगळा छोरा हाथ में बुवारी लेय'र लेणबंघ  
खड़्या हूयग्या। बांनै हूँ बुवारी सागै कसरत करवाई। पछै हूँ बांनै च्यारुंमेर  
बुवारबा रौ हुकम दियौ। वै आखी साळा में घूम्याया। जठैई कचरौ दीस्यौ कै  
झाडू मार दी, अर कचरौ भेळौ कर'र तगारी म्हारै सांमी हाजर कर दी।

बडा साब अर सिक्खक भाई आ धांधळ जोवै हा। आ म्हारा वरग  
रा बिद्यार्थ्यां री परीक्खा ही। बडा साब पूछ्यौ: 'बुवारी साथै झिल क्यूं कराई?  
कीं समज में कोनी आई?'

हूँ बोल्या: 'आजकालै तो देस में गंदगी री ई बोलबाला है। जठै तांई  
ईरौ राज रैवेला बठै तांई देस री दुरदसा ई दीसै। ई वास्तै हूँ तो पैली लड़त  
ईसूं ई मांडी है। गंदगी दूर करबा रै वास्तै रीतसर लड़ाई मांडणी जोईजै।  
बुवारी री झिल तो फगत संकेत-रूपी है। आं छोरां रौ पैलौ सबक आ बुवारी-  
झिल है। जठै तांई ओरड़ौ पूरौ साफ नई हुवै बठै तांई म्हें कीं काम नीं करां।

अब तो छोरां नै ई गंदगी को सुवावे नी।

बात चालै ही, जित्ता में ई छोरा हात, पग, मूंडो धोयाया, अर हूँ दूजी सीटी बजाई।

बडा साब: 'औ थांरी अखतरौ तो अजब-गजब है। चौथी री पढ़ाई कराया री अखतरौ करतां-करतां भळै कितीक बातां दाखल करी है?'

हूँ बोल्यो: 'म्हारा अखतरां मे आं बातां री गुंजास है। चौथी री पढ़ाई कराणै सूं पैली मनै आंनै पैली री पढ़ाई कराणी जोड़ै नी।'

छोरा भाजर बांडे गया हा अर साळा री आजू बाजू पेड़ां माथे चढ़ग्या हा। हूँ दूजी सीटी बजाई अर बै घमाघम नीचै कूदग्या। तीजी सीटी में पाछा ऊपर चढ़्या अर चौथी में नीचै कूदग्या।

हैडमास्टर: 'आ जयरी भणाई है? आ तो बिना सिखायां ई आज्यावै। ई में साब! भणाणै रौ कांई है?'

हूँ बोल्यो: 'आजकाले पढ़ायां बिना अै बातां आवै कोनी। आपां अै बातां छोरां नै सीखण ई कठै देवां हां?'

हैडमास्टर: 'थांरी आ बात संई कोनी?'

हूँ बोल्यो: 'सई नई हुवै तो अै आपणी साळा रा छोरा खड़्या है, पूछ 'र देखल्यो, कित्ताक जणा ई तरै चढ़-उतर सकै?'

तुरतौतुरत बडा साब सगळा छोरां नै चढ़बा रौ हुकम दियौ, पण दो-तीन जणां घणी दोराई सूं चढ़्या।

हूँ बोल्यो: 'साब! ई तरै री हूँ आंनै कितीई तालीम दी है। बै सगळी बाबतां म्हारी भणाई अर अखतरा रा विषय है।' पछे थोड़ौ हंस 'र हूँ कैयो: 'साब! परीक्षा-पतरी में आं सगळां रा नांव है। आंरा लंबर देणा है।'

बडा साब मजाक में ई पड़ूतर दियो: 'अच्छ्या, थैई म्हारे सूं लंबर मांगोला कई?

तीजी सीटी बजातां ई छोरा अलमारी सूं लट्टू-डोल्यां निकाल लाया अर रमया लाग्या। गळी रा टींगरां री जियां नई। रोळा-रप्पा अर होडा-होडी कर्यां बिना बै रमै हा अर रमया में रूंगटी ई कोनी करै हा। रमया री ठोड़ ठावी ही अर यांरौ अेक मुखियौ हौ।

म्है सै टावरपणां में लट्टू रम्या हा, जिकै सूं सगळां नै मजौ आयौ।

बडा साब बोल्यो: 'आं छोरां नै लट्टू रमणौ कुण सिखायौ। अै तो

यरौबर ब्यौस्ता अर नेम सूं रमै है।'

हूँ बात रौ खुलासौ करतां कैयौ: 'साब, म्हारी सीखण री ठौड़ है नदी कांठौ। बटै भै धूमबा-फिरबा जावां हां, किती ई बातां करां हां अर खेल ई खेल में किती ई चीजां सीखां हां।'

बडा साब अंगरेजी में कैयौ: 'थैं सई कैय रैया हो। अबार-अबार हूँ बांध्यौ है कै बाळक खेल ई खेल में सौक्युई सीख ज्यावै।' हैडमास्टर खानी जोय 'र बै बोल्या: 'अबै साळा में ऐ सै बातां कद दाखल कर सौ।'

हैडमास्टर बोल्या: 'पण साब! ऐ सै बातां करबा लाग ज्यावां जणां अभ्यासक्रम पूरौ कियां करांला? ऐ सिरीमानजी रै माथै तो भार ई किसौ है? बरस भर जिसौ-किसौई भणासी बिसौ भणा देसी अर पछै कैय देसी, 'ओ तो म्हारौ अखतरौ हौ। हुयौ बित्तौ कर दियौ। बाकी ताबै कोनी आयौ। हुयौ कोनी, छोरा कर कोनी सक्या।' अर थैई कैबोला कै अखतरा मे तो जितौ कीं हो सकै, बौ कबूल है। पण भै तो अभ्यासक्रम री सांकळ सूं बध्यौड़ा हां। आप ई साय, ऊपर सूं लिख 'र भेजौ हौ कै 'काम किया पूरौ कोनी हुयौ? नतीजा मोळा कियां रैया? अभ्यासक्रम पूरौ क्यूं नई करयौ?'

बडा साब हँस्या। मन में खीजै ई हा, पण बोला-बोला रैयग्या।

अेक सीटी बाजी अर छोरा आपरा गाबा उतार लीना अर लेणसर खड़्या होयग्या। सै तण 'र ऊभा हा, ठीकठाक ब्यौस्ता रै साथ। सै साफ-सुथरा हा। बामण री जनेऊ मैली कोनी हा। हात, मूंडा, बाळ यरौबर धोखा हा। नखां में मैल हो न कोई बाळ बध्यौड़ा हा। आंख्यां में गीड पण कोनी हो। टोप्यां धोयोड़ी ही।

बडा साय थोडा हंस 'र बोल्या: 'कित्ता दिनां सूं त्यारी कर राखी ही? साफ-सफाई री त्यारी में तो घणी ई ताण आई हुवेली?'

हूँ बोल्यौ: 'साब, छऊ मईनां सूं त्यारी चालै है। छऊ मईनां सू मेनत करूं हूं। थै सै किसा जाणौ कोनी?'

दूजी सीटी बाजी अर छोरा आप-आपरा गाया पैर 'र हंसतां-मुळकतां लेण में ऊभा-ऊभा नमसकार कर 'र चलैग्या।

हैडमास्टर थोड़ो डोड में पूछ्यौ: 'परीकष्या पूरी होयगी?'

हूँ कैयौ: 'अजै वार लागसी। आप सगळा कमरा में पधारौला?'

हैडमास्टर: 'हां, हां। कमरौ अयार थोड़ा दिनां सूं थैं यापरयाने मांग

राख्यौ हौ, अर म्हानै बड़बा ई कोनी देता हा। कीं भेलौ कराता हा नी?’

हूँ बोल्यौ : ‘चालौ तो सरी।’

मै सै कमरा में आया।

बड़ा साब बोल्यो : ‘औ तो अेक नानौ सरखौ संग्रहालै लागै।’

हैडमास्टर : ‘हूँ इयां ई धारै हौ। छोरा लागै-रखणै री भागमभाग

में हा।’

हूँ बोल्यौ : ‘छोरां घणै ई उमाव सूं काम कर्यौ है। हूँ कैयौ हौ कै

धै जियां सजाणौ चावौ, बियां भतैई सजावौ। हूँ बतारुंला नई।’

बड़ा साब : ‘आ सगळी सजावट अर रचना बिद्यार्थ्यां री है?’

‘जी हाँ।’ हूँ कैयौ।

बड़ा साब : ‘पण आ कियां हौ सकै? It is so very tastefully arranged. आ तो बोत ई कलाकारी सूं सजावौड़ी है।’

हूँ बोलौ बोलौ रैयौ। म्हारा काम रौ नतीजौ अबै सैमूंडे बोलै हौ।

बड़ा साब : ‘औ सै कठै सूं भेलौ कर्यौ? कुदरत रौ पाठ भणावानै अै सै बोत काम आवै।’

हूँ बोल्यौ : ‘साब, कुदरत रै आंगणै सूं ई भेलौ कर्यौ। बठै सूं पाठ पढ़तां-पढ़तां अै भेळा कर लीना।’

हैडमास्टरजी सुर मिलाया : ‘छोरां नै घुमावा लेय ज्यावै है, बठै सूं ई लाया हुवैला, साब!’

बड़ा साब : ‘औ तो जयरौ काम होयग्यौ। ई संग्रै नै अयै खिंडाइज्यौ मती। आखी साळा रै यास्तै औ आपां रै काम आवैला। आपां सिक्ककां नै कैय रै ई संग्रै नै मोटी-टणकौ बणास्यां।’

हैडमास्टरजी मन में गणगणायो : ‘पछे सिक्कक भणासी कणां?’

छोरां संग्रै री अेक पानड़ी तयार कर राखी ही। बड़ा साब यीनै यांच र घणाई राजी हुया। बोल्यो : ‘अै छोरा तो इनाम रै लायक है।’

हूँ कैयौ : ‘साब, ई संग्रै नै तयार करया रौ आणंद ई आंरौ इनाम है, औ आखौ संग्रै ई आंरौ इनाम है।’

बड़ा साब : ‘तो ई.....’

हूँ बोल्यौ कोनी।

अेक खुणां में गारा रा रमेकड़ा हा।

बडा साय : 'अै कुण यणाया?'

हूँ योल्थौ: 'अै छोरा। ई आखा कमरा में म्हारौ कीं हाथ कोनी।'

बडा साय : 'पण इत्ता सारा रमेकड़ा कद तो यणाया अर कद पकाया?'

हूँ कैयौ: 'अै तो नदी कांठे हर अठवाड़ियै त्यार कर 'र यठैई न्याव यणा 'र पकाया है।'

बडा साय: 'थारौ दिमाग कीं अजय लागै है। थारा अखतरा कीं उदयुदा लागै है! कीं साधन नई मिलै तो नदी कांठे न्हाट ज्यावौ हौ। खेत री माटी रौ गारौ यणाऔ हो.....स्यायास.....''

हूँ यानै आगै योलया ई कोनी दियौ। बीच में ई योल्थौ: 'अयै आप ई कमरा में स्यांति सूं यिराजौ, हूँ आपनै आंरौ कीं काम मळै दिखाऊं।'

सगळं नै बिठाया।

हैडमास्टर सोचतां-सोचतां योल्थौ: 'साय, औ सै म्हेई कर तो सकां, पण पछे छोरां नै भणावां कद?'

इत्ता में ई हूँ कीं गतां रा पुट्टा लायौ। अेक माथे छोरां रौ वरग सरु कस्थौ हौ बीं यगत रा आखरां रा नमूना हा। पुट्टां माथे लिख्यौ हौ-अक्खर-प्रगति सूचक पानड़ी।

अक्खरां री प्रगति सगळं नै आछी लागी।

अेक सिक्क दूजोड़ा रै कान में कैयौ: 'अै तो खासकर घोखा-घोखा छोरां सूं होळै-होळै लिखाया होसी।'

मनै सिक्क री बात खुचगी; पण हूँ बींरौ ग्यांन कस्थौ कोनी। मनै बींरा विचार साव फोरा लाग्या।

बडा साब: 'भई, थैं अै फैरफार कियां करल्यौ हो?'

हूँ योल्थौ: 'जुदा-जुदा उपाव कर 'र।'

बडा साब: 'यां उपावां नै साळा में दाखल करां तो?'

हूँ योल्थौ: 'तो होय सकै, जरूर होय सकै, हूँ आपनै बता सकूं हूँ।'

हूँ अेक दूजी चोपड़ी लायौ। बींरै मांय विद्यार्थ्यां लारला छऊ मईनां में जिती कितावां बांची ही, बांरी पानड़ी ही। हरेक पाना माथे छोरां रौ नांव हौ। आपरै हाथां ई बै आपरी बांच्योड़ी पोथी रा नांव टूंक देता हा।

हूँ धीरे हिसाब सूं छेड़ला पानां माथै थोड़ा अेक आंकड़ा काढ्या हा।  
 किता बिद्यार्थी कुल किती पोथ्यां पढ़ी, बिद्यार्थी दीठ किती पोथ्यां बंचीजी,  
 सैसूं बत्थी अर सैसूं ओछी कुण बांची, इत्याद। पोथीवार ई हिसाब काढ्यौ  
 हौ; किसी पोथी घणी बंचीजी अर किसी दर में ई कोनी बंचीजी ही। बांच्योड़ी  
 पोथ्यां री छंटाई पण करी ही कै किसा वरग में छोरां किसा विषय बांचवा  
 मे खास रुचि लीनी ही।

बडा साब देख्या। यै अचूंबी करता बोल्या: 'इत्ती सारी किताबां  
 बचीजी है! भळै इत्ता सारा विषयां पर। कद बांची हूसी?'

'जी हाँ। बांची है, म्हारी निजरां सामै।'

बडा साब पूछ्यौ: 'हैडमास्टर साहेब। थांरी सातवीं किलास में लारला  
 छऊ मईनां में बिद्यार्थ्यां किती किताबां बांची हूसी?'

हैडमास्टर : 'साब, बांचै कठै सूं? बांचबा जावै जणां इतियास,  
 भूगोल, भूमिति अर दूजा विषय किया पढ़ै?'

बडा साब बोल्या कोनी, पण कीं न कीं सोचै हा। म्हारै खांनी जोय 'र  
 बोल्या 'थांरा छोरा भासा में बिना परीक्ष्या ई पास है। बोलो, अबै कांई बाकी  
 बच्यौ।'

हूँ छोरां रौ हाथां लिख्यौड़ौ मासिक ले 'र आयौ।

बडा साब बोल्या : 'अै सै लेख छोरां रा लिख्यौड़ा है?'

'जी हाँ।'

'अै अेक-दोय कवितावां है, जिकी पण?'

'जी हाँ। अबार-अबार कीं छोरा कवितावां लिखबा लाग्या है।'

'पण आंमें थै की सुधारौ हौ कै नई?'

'नई, अजै ताई सुधार कोनी कर्यौ। जिसी लिखी है, यिसी ई सामल  
 करी है।'

अै सगळा छोरा मत्तेई लिखै है, नकलां करै है, कै थें आंनै यताओ  
 हो?'

'नकल सूं कांई मुतलब? साब, हूँ आंनै कैवूं हूँ कै 'थानै दाय आवै  
 जिकौ लिखौ, सूजै जियां लिखौ, सै तरै सूं लिखीजै। जो क्युंई थें लिखौ बीनै  
 मासिक में सामल करौ' आंनै सगळां रा लेख दाय आवै अर हूँ सगळां नै  
 मासिक में सामल करूं हूँ।'



बडा साब: 'औ मासिक तो खासकर र छमाई परीक्ष्या सारु त्यार करायौ हुवैलौ?'

हूँ बोल्यौ: 'जी नई! लारला तीन मईनां सूं हर मईनै आ प्रवृत्ति चालै है। हाँ, ई मासिक नै छमाई में राख्यौ जरूर है, पर परीक्ष्या सारु त्यार कोनी कर्यौ।'

बडा साब खुशी सूं गरदन हिलाता - हिलातां कैयौ: 'कितौ दौरौ काम है।' मनै बतळा र बोल्यो: 'भारी जबरौ काम कर बतायौ। छऊ मईनां मे कठै सूं कठै पूग्या!'

हैडमास्टर होळै-सी बोल्यो: 'अबै गणित, भूगोल अर इतियास री परीक्ष्या कद है? दोफारां म्हे सै हाजर रैवां?'

स्यात इयां बोल र हैडमास्टर ब्यंग-बाण मारणौ चावै हा। बांनै ठा होसीला कै हूँ अजैतांणी भूगोल अर गणित में कीं कोनी कर्यौ हौ। हूँ कैयौ: 'जी, भूगोल अर गणित मे म्हारै सूं अबारतांणी कीं कोनी हुयौ, पण बारवां मईनां ताई औ काम ई हूँ कर नै दिखाद्यूंलौ। इतियास में थोड़ौ-सा काम जरूर हुयौ है।'

हैडमास्टर: 'ओहो! इयां बोलौ नी कै मोटा-मोटा विषय तो अजै रैईग्या।'

बडा साब: 'हैडमास्टर साब, बै तौ थांरी निजरां सूं रैया है, आरी निजरां सूं कोनी रैया। थारै सारु तो इतियास, भूगोल, गणित अर पावडां में ई सारी पढ़ाई धरी है।'

साब ने लैर मे देख र हैडमास्टर पढ़ूतर दियौ: 'पण साब! आप री निजर ई तो इसी है। आं विषया में ई तो आप चोखौ नतीजौ मांगौ हौ।'

हँसी ठहा करता सै उठ्यो। म्हारी किलास री छमाई परीक्ष्या पूरी हुई। जाता-जातां साब पूछ्यौ: 'थांरौ परीक्ष्या पत्रक कठै है?'

हूँ कैयौ: 'बौ तो त्यार ई कोनी कर्यौ।'

बडा साब: 'जणां परीक्ष्या सूं थांरी किलास नै आजादी देऊं हूँ।'



## चौथी खण्ड छेड़लौ मेळावड़ौ

(१)

छमाई परीक्ष्या हुआं पछे अेक दिन हूँ साळा रा सिक्षकां साथै बैठौ हौ। चंदर शंकर बोल्यौ: 'सांचाणी, थे मनै अेक अजय आदमी लागौ हौ। थांरौ अखतरौ सफळ रैयौ है। म्हांनै बिसवास ई कोनी हौ कै प्राथमिक री पढ़ाई में ई तरै रा उम्दा फैरफार हूय सकै।'

भद्रशंकर कैयौ: 'भई, अै तो अंगरेजी भण्यौड़ा है जिकौ अंगरेजी किताबां बांच-बांच र नुवां-नुवां अखतरा करै है।'

चम्पकलाल बोल्यौ: 'बिल्कुल ठीक है, पण अै आनै ई पोसावै। न तो आनै रिपियां-पइसां री चिन्त्या, न नतीजै री परवा। अखतरौ अळ्यौ जावै तो आनै किसौ डंड भोगणौ पड़ै।'

बैणीलाल बोल्यौ: 'भई, म्हँ अखतरा-बखतरा कियां करां। फुरसत तो मिलणी चईजै! अै बातां सोचण-करण रौ यगत कीरै खनै है? आपां नै ट्यूशन करणी पड़ै, स्याम रा यडा साब रै घरां हाजरी भरणी पड़ै, घर रा टाबर-टीकरां नै संभाळना पड़ै, कै जात-विरादरी में सामल होणौ पड़ै। जदकै अै ठैर्या फक्कड़राम, अै आनै ई पोसावै।'

आखिर में हूँ बोल्यौ: 'जोवौ भायां! प्राथमिक री पढ़ाई में थे ईसूँ ई बेसी कर सकौ हौ। इत्तौसारौ काम कर सकौ, कै आज री प्राथमिक सिक्ष्या रौ रूप ई फुर ज्यावै, काया ई पलट ज्यावै। पण खरी बात आ है कै ईरै खातर काम करबाळां मिनख जोइजै। दुनिया रौ अर धरती रौ सरूप आज पैली सूँ जुदौ है अर ईरा सरूप नै पलटबा रौ काम मिनख ई कर्यौ है। आदमी में लगन, आतम बिसवास अर अखंड निस्था जोइजै। बाकी अंगरेजी भणबा सूँ

अखतरा कीं चोखा हुवै, अ तंत-यायरी यातां है, थोथी। जद कीं करवा री हूस नई हुवै, जणाई इस्तक रा भाना यणाईजै। खरी चीज है हियै री उपज अर बा कोई चीज-यस्त सारु आपणी कळवळती आतमा सूं निसर र बांडे आवै है।

भळै चम्पकलालजी! नतीजा री चिन्त्या अखतरा करवाळा ने जिती हुवै, यिती कोई दूजा नै कोनी हुवै। थै तो तनखा-वधणै री आमना सूं चोखा नतीजा री चेस्टा राखौ हौ, पण मनैस्तौ म्हारा अखतरा री सफळता रौ ई ध्यान राखणौ पड़ै, क्यूँकै सफळता नई मिलै तो दूजौ अखतरौ करवा री ठौड़ कठै लादै? म्हारी निस्फळता दूजा अखतरा करणियां रै आडी आ ज्यावै।

बैणी भाई नै हूं कैणौ चावूं कै म्हारा भाई! जात-विरादरी में घूमबा-फिरबा अर गप्पां हाकयानै किसी ओछी फुरसत मिलै है। रैयी यात बडा साब रै घरै खूसड़ा घसबा री, तो थानै नूतौ कुण दैवै है। बडा अफसर नै चोखौ काम कर र दिखास्यौ तो खुसामद री कांई जरुत? अर साळा में, आछी तरायां भणाओला तो ट्यूशन री जरुत ई कोनी पड़ै। अ तो आपां साळा में पढ़ावांई कोनी, जणा ट्यूशन री गरज ऊभी हुवै।

सिवसंकर बोल्यौ: 'पण भाई, पगार ओछी मिलै जिका कांई करां? थानै तो मूडै-मांगी पगार मिलज्यावै पण म्है कठै जावां?'

हूं बोल्यौ: 'थैं बेसी पगार री मांग करौला, तो थानै ई मिल ज्यावैला।'

विस्वनाथ बोल्यौ: 'थानै कांई ठा? साची यात तो आ है कै मांगणी करवां पगार री ठौड़ नौकरी सूं धक्का मिलै।'

हूं कैयौ: 'सगळा सिक्ककां नै बत्थी पगार री मांग करणी जोड़जै, देखांणी कितांक नै धक्का मिलैला! भळै हूं तो कैवूं कै धक्का मिल्या सूं पैली थैं ई क्यूं नी बारै निसर ज्यावौ? थोड़ा बेपरवा होणौ सीखौ। हूं बेपरवा हूं जणाईस्तौ म्हारी पावली चालै है।'

भद्रशंकर बोल्यौ: 'भाई! पेट पूजा कियां होसी?'

हूं बोल्यौ: 'पेट पूजा? हिम्मत मर्दा, मददे खुदा! धंधा किसा ओछा है? हूं तो झाड़ू-बुवारी कर र पेट भरल्यूंला, पण थारी जियां अधभूखौ कोनी रैवू! थारी तनखा कोई तनखा है?'

विस्वनाथ: 'अजी साब! अक री ठौड अठारा जणां जग्या भरवानै

त्यार ऊभा रैवै। थानै कांई ठा!’

हूँ बोल्यौ: आपां बरै आडा खड़्या होज्यासां । आपां बानै आपणौ ‘चारज’ देस्यां जणाई तो बै काम करसी नी! भळै आपां नुंवां लोगानै ‘चारज’ लेबाई क्यूं देस्यां! आपां साळा रै च्यारुंमेर दिनरात चौकीदारी करस्यां, पण जिका खाडा में आपां पड्यां हां बीमें कोई दूजा नै कियां पड़बा देवां! आपां बरै पगा पड़र समजास्यां: ‘भाई लोगां! अठै सूं पाछा जावौ परा, कोई दूजौ धंधौ सोधौ। आं भुखमरां मे मती आऔ, ई खुशामद खाना खांनी मत जोवौ, ई अदीखाना सूं अलग रैवौ।’

पछै तो केई तरै री बातां चाली। हूँ सगळा सिक्पकां में नुंवौ उछाव जोयौ। मनै लाग्यौ जाणै जूना ढरड़ा री गुलामी री जड़ां में चूंचाड़ी लागगी।’

## (२)

अबै हूँ भूगोल पढ़ावा रौ बिचार करबा लाग्यौ। भूगोल री पोथी जोई अर निरास होय र धीनै अकानी मेल दी। अभ्यासक्रम बांच्यौ अर मननै माठौ लाग्यौ। छोरां नै नधां-पाड़ा रा नांव क्यूं रटाया जावै। खुद मनै कठै याद है! काल डिप्टी डाइरेक्टर साब ई नक्सा में जोय र आस्ट्रेलिया रौ मारग सोधै हा। नानपणा में रट्योड़ी भूगोल कीनै याद रैवौ ही? हूँ सोच्यौ, ई तरै री भूगोल हूँ नई पढाऊँ तो? खुद मनै सच्चौ भूगोल अफ्रीका गयौ जद समज में आयौ। यी पछै ई म्हारी भूगोल आळी आंख उघड़ी। आज मनै भूगोल में घणोई मजौ आवै अर ई री भणाई बोट काम री लागै। पण आं छोरां नै अै सै अबार सूं ई क्यूं समजाऊँ अर क्यूं भणाऊँ? ई अभ्यासक्रम रै परवांण तो म्हारै सूं चालीजै कोनी। ई पोथी नै जोय र तो हंसणौ आवै। तो कांई डाइरेक्टर साब सूं मिलूँ? बांसूं म्हारी निजू रीतभांत सूं विद्यार्थ्यां में भूगोल री वृत्ति अर दीठ उपजाणै री मंजूरी लेवूँ?’

हूँ डिप्टी डाइरेक्टर साब रै खनै गयौ।

साबू पूछ्यौ : ‘कियां?’

हूँ कैयौ: ‘भूगोल रौ विषय अभ्यासक्रम सूं बांडै काढ्यौ तो?’

‘आ कोनी हूय सकै। अभ्यासक्रम रै मांय भूगोल बोट मैताऊ विषय

है। इतियास सूं भूगोल री आज घणी जरूत है। आपां रा अखतरा में कोई विषय नै छोड़बा री बात कोनी। विषय नै चोखी तरै भणावै री बात है। थे चावौ जियां भलैई भणावौ पण दूजा सिक्कां नै खातरी अणावौ कै भूगोल मजेदार विषय है अर आछी तरै भणावौ जा सकै। ई बात में ई म्हारै सारु थारै अखतरां रौ मोल है।'

डाइरेक्टर साब अटकल सूं म्हारौ मूंडौ बंद कर दियौ। पण हूं कैयौ: 'थारौ औ अभ्यासक्रम अर आ पोथी मनै कोनी जोईजै। हूं म्हारी रीति सूं ई भूगोल भणास्यूं। उमेद है थानै निराशा कोनी हुवै।'

'हूं आ ई चावूं हूं।' साब बोल्यो।

थोड़ी ताळ पछे बै मनै अेक दूजौ सवाल पूछ्यौ: 'परीक्खा रै बायत थारा कै बिचार है, लिछमीशंकरजी! नुंवी जात री पढ़ाई रा हिमायती तो परीक्खा नै बरौबर भूंडे है, अर सांचाणी ईरा अेब ई घणां भयंकर है! पण आपानै तो सिक्खा रौ विभाग चलाणौ है जिकौ ईनै हटा कियां सकां हां? आपानै तो नतीजौ चईजै। परीक्खा नई लेवां तो कदाच सिक्क चित-मन लगा'र भणाणौ ई छोड देवै। जे अच्छ्यौ सिक्क पढ़ायां राखै तो परीक्खा रै बिना आपानै ठा कियां पढ़ै कै बीनै पढ़ाणौ आवै है कै नई। भळै बिद्यार्थी रै मांय पढ़ाई बिगसी है कै नई आ जाणबा रौ कीं साधन तो होणौ ई चईजै। ई मुसकला रै बारै में थारी काई राय है?'

हूं बोल्यौ: 'थारी मुस्कल सई है। जठै ताई चावै जिका बिद्यार्थी पढ़ै है, अर जठै ताई चावै जिका सिक्क पढ़ावै है, बठै ताई परीक्खा री तो जरूत रैवेला ई। परीक्खा तो जणां ई हटा सका कै जद बिद्यार्थी भणबा री मांयली हूंस सूं भणबा आवै, अर बारै सामै भणाबा री कळा वालौ सिक्क भणाबा री हूंससूं भणाबा बैठै। पण अबार आळी भाड़ेती हालत में परीक्खा बणी रैसी, हट कोनी सकै।' डिप्टी डाइरेक्टर साब कैयौ: 'अलबत्ता, हूं ई बायत में कीं सुधार करणी चावूं हूं।'

हूं बोल्यौ: 'आज थैं फगत छमाई और सालाना परीक्खा लेवौ हौ, बीरी जग्यां मईनै री मईनै परीक्खा दाखल करौ। जे बिद्यार्थी नै परीक्खा री कसौटी माथै ई खरौ उतरणौ है, तो परीक्खा रै साथै बांरी जिती गैरी जाणचीण बधैला बित्तौ ई बांरी भौ घटेला। क्यूंके गैरा परिचय सूं डर सैयौ जा सकै। दूजै, परीक्खा हुंश्यार बिद्यार्थी री हुंश्यारी मापबा सारु नई, पण

कच्चा 'र कमजोर बिद्यार्थी नै जगाया नै है, बांरी कमजोरी कितीक हैं, आ ठा पाड़बा नै है। निजर रौ औ बदळाव मैताऊं है। तीजै, जिका बिद्यार्थी आ माने है कै बांने विषय रौ पूरौ ग्यांन है, बांने परीक्षा सूं माफी दे देणी चईजै। खुद री इच्छा सूं ई बिद्यार्थी आपरी कच्चाई मपावण सारु परीक्षा देवै। जिका बिद्यार्थी आपरी कच्चाई नई मपावै बांने कच्चाई निकाळबा रौ मौकौ कोनी मिलै, ई तरै री समझ बिद्यार्थी नै देणी चईजै। जिका विषय परीक्षा सूं माफ्या जा सकै, बांरी ई परीक्षा राखणी चईजै, बाकी विषयां नै परीक्षा सूं बाद कर देणौ चईजै। भळै परीक्षा री बगत बिद्यार्थी नै पोथ्यां देख 'र जवाब लिखबा री छूट देणी चईजै। कैणौ चईजै कै उत्तर नई आवै तो देख 'र लिखद्यौ। जिका जयानी नई बता सकै बै किताब जोय 'र समजा देवै। बिद्यार्थी पोथी नै कीं तरै सूं बापरै, बीरै मांय बांरी मतैई परीक्षा होज्यासी। ईरै अलावा बिद्यार्थी री तीन ई स्त्रेण्यां होणी चईजै- ऊंचली किलास में चढ़बा जोगा, नाजोगा, अर कमजोर, जिका पक्का हुयां पछै चढ़बा जोगा होज्यासी। पैला लंबर पास, अर दूजा लंबर पास आळी घड़ाबाजी रद कर देणी चईजै।'

साब बीच में ई बात काट 'र बोल्या: 'आगलै बरस मनै थानै म्हारौ डिप्टी थरप लेणौ चईजै।'

हूँ थोड़ा मुळक्यौ 'र आगै बोल्थौ: 'भणाणियां सिक्ककां नै ई परीक्षा लेणी चईजै। बैई आपरा बिद्यार्थी री सगती अर कमजोरी रा कारणां नै आछी तरयां जाण सकै, अर बैई बता सकै के बिद्यार्थी ऊंचली किलास में चाल सकै कै नई। हां, थारै खनै डिप्टी री जरूरत तो है, पण बिद्यार्थी री परीक्षा लेया सारु नई, परीक्ककां री परीक्षा लेबा सारु। आ देखबा सारु कै परीक्ककां नै परीक्षा लेणौ बरौबर आवै है कै नई।'

डिप्टी डाइरेक्टर: 'औई भळै नुंवौ बिचार है।'

परीक्षा रै याबत मनै घणोई कैणौ हो, पण साब रै जीमबा रौ बगत होयग्यौ हौ, जिकौ बै ऊठग्या हा। हंसता-हंसता बै बोल्या: 'अच्छा, ई वारै में आपां अकर भळै विचार करांला। अक दफा सगळा सिक्ककां रै सामै थैं ई विषे में भाषण देवौ।'

हूँ ऊठ्यौ। मन ई मन गणगण्यौ : 'इयां भाषण सूं सुधरबा आळा सिक्कक है कठै? बांने परीक्षा री गराड़ी में सूं काढणौ घणौ मुस्कल है। फेरुं जे इयां हुय सकै तो फगत यडा साय रै हुकम सूं हुय सकै, पण ये.तो

(३)

चौथी किलास रा छोरा भूगोळ रा नांव अर विपै सूं की परिचितह।  
हूँ नक्सा मंगाया अर काठियावाड़, गुजरात, यंयई इलाकां रा नक्सा भीत पर  
टांग्या। छोरां नै अचूंयौ हुयौ। अजै ताई हूँ यानै भूगोळ पढ़ाई कोनी ही। वै  
आपरी कोप्यां में सूं पाना फाड़या अर भूगळ्यां यणा र चिटली आंगळ्यां में  
चढ़ाया लाग्या।

हूँ पूछ्यौ : 'अै भूगाळ्यां क्यूं यणाओ हौ?'

छोरा योल्या: 'साय नक्सा धोकया।'

हूँ हयकग्यौ : 'नक्सा धोकया? जयरौ ठाळौ है भई भूगोळ भणाणै  
रौ?' कीं रमूजायां जोया री नीत सूं हूँ छोरां ने कैयौ: 'अच्छ्या, भावनगर  
यताओ?'

छोरां बम्बई इलाका रा नक्सा माथे च्यारुंमेर निजर नाखी। मुंबई  
बांच्यौ, अहमदाबाद बांच्यौ, हैदराबाद बांच्यौ अर नीचै उतरपरा पूना बांच्यौ;  
पछै ई पासी आय र पोरयन्दर बांच्यौ, लारै ऊभा कीं छोरा भावनगर सोध  
लीनौ हौ। बांरी भूगळ्यां यतायानै चंतावळी हो रैयी ही। आखिर अेक जणौ  
पूछ्यां बिना ई भावनगर यता दियौ।

हूँ पूछ्यौ: 'भावनगर किसी दिसा में है?'

छोरां ऊपर नीचै डावै-जीवणै पासी जोय र मन मे कीं हिसाब  
लगायौ, पछै की कायदौ सोच र बोल्या: 'साब, उत्तरादी दिसा में।'

दूजौ छोरौ बोल्या: 'उत्तरादी दिसा तो ऊपर है, वा बाजू तो अगूणी  
कैवावै।'

मनै हँस आयगी। हूँ बोल्या: 'ऊपर तो आकास है, बठै कठै उत्तराद?'

छोरा योल्या: 'नई साब, ऊपर उत्तराद अर नीचै दिखणाद।'

अेक छोरौ बोल्या: 'उत्तराद-दिखणाद तो लांबौ है अर अगूण-आंथूण  
चौडौ है।'

भळै अेक छोरौ बोल्या: 'सूरज ऊगै बठीनै अगूण।'

हूँ पूछ्यौ : 'नक्सा में बताओ देखाणी सूरज कठै?'

सै सोच मे पड़ग्या। हूँ पूछ्यौ : 'शेत्रुंजी नदी कठै है?'

छोरा भूगळ्यां सूं शेत्रुंजी नदी बताई।

हूँ बूझ्यौ : 'आ कीरि मांय जाय'र मिलै है?'

नक्सा मे बांच'र छोरा बतायौ : 'खंभात री खाड़ी में।'

हूँ बूझ्यौ : 'आ अठीनै अरबसागर में क्यूं कोनी मिलै?'

छोरा कैयौ : 'आ ईरी मरजी! ईनै खंभात री खाड़ी में ई मिलणौ

हूसी।'

हूँ बूझ्यौ : 'आ नदी इयां नीचाण में क्यूं गई?'

छोरा बोल्या : 'साब! इयांई तो जासी। जोवौ नी, दिखणाद नीचै तो

है।'

मनै अचूंयौ हुयौ। लारली साल भण्यौड़ी भूगळ बै अजै तांई भूल्या कोनी हा। घोकणपट्टी पक्की ही। ई बरस हूँ आनै इयां ई भणा सकूं, पण ईनै भूगळ री भणाई कुण कैसी? हूँ छोरां नै कैयौ : 'नक्सां नै बंद करद्यौ। अक मईना पछै आपां भूगळ पढ़स्यां। अबार कीं दिन तांई आपां चित्र बणास्यां।'

छोरा म्हारै सांमी जोया लाग्या। चित्र विषय साळा में नुंवौ हौ, ईनै अभ्यासक्रम रै मांय ठौड़ कोनी ही। साळा में ई तरै री सिरजण आळी अक ई प्रवृत्ति नै ठौड़ कोनी ही। पण मनै इस्तक री अकाद प्रवृत्ति नै दाखल करणी ही।

दूजै दिन हूँ छोरां नै कैयौ : 'चीतरौ, चायै जो चीतरौ। जिसौ आवै जिसौ चीतरौ। देख-देख'र चीतरौ, नीचै राख'र चीतरौ, सोच'र चीतरौ, भावै जियां ई चीतरौ। मिनख चीतरौ, ढोर चीतरौ, पंखीड़ा चीतरौ, पतंगिया चीतरौ, झाड़ चीतरौ, फूल चीतरौ, आकास चीतरौ, घर चीतरौ, पदारथ चीतरौ, नक्सा चीतरौ, चायै जो चीतरौ।'

पाटी में बरतां सूं चित्र चितरीजबा लाग्या। आंका-बांका, इसा-यिसा कितीई तरै रा चित्र बणवा लाग्या। आखी संवार चित्र मे चलेयगी। घंटी बाजी जणा आंख खुली। बगत पूरौ होयग्यौ हौ।

हूँ छोरां नै कैयौ : 'जिकां रा माईत कोपी-पेंसल देवै, बै कोपी में बणाओ अर बाकी रा पाटी माथै।'

दोय-च्यार दिन निसरग्या। किताई चित्र बणीज्या-ई तरै रा कै



जिकां नै चित्रकार देखणौ ई कोनी चावै, पण वै विद्यार्थी री कल्पना रा, बांसी सगती रा चित्र हा। मनै लाग्यौ : 'चित्रां री हिसाव अर संग्रै राखणौ चईजै। थोड़ी मुस्कल उठा 'र बडा साव सूं मिल्यौ, अक पासी खाली रद्दी पानां कढ़ाया अर साव सूं दोय दरजन रंगील पेन्सलां कयाड़ी। साव हंसतां-हंसतां योल्या: 'भणाणौ ऊंचौ टांग 'र चित्र बणावा रौ नुंवों विषय सामल कर्यौ दीसै।'

हरेक विद्यार्थी सूं चित्रकला री अक-अक कोपी बणवाई अर धीं परवाण हूँ बांनै चित्र बणावा रौ कैयो। चित्रां रा वातावरण सारू हूँ लीमड़ा री डाळ्यां, पीपळ रा पानड़ा, तुळसी री मंजरी, यारामासी अर आकड़ा रा फूल राख्या, अर बाँपारी री दुकान सूं भांत-भांत री छप्पौड़ी किनारां रा नमूना लाय 'र टांग्या। दो-अक भायां रै घरां सूं कीं चोखा-चोखा चित्र लाय 'र जोवण सारू राख्या। रोजीना काम आबाळी चीजां दवात, कलम, डखी, दियासलाई री पेटी इत्याद भेली कर 'र राखी। योड माथै लिख्यौ: 'चीतरौ, चीतरौ, चीतरौ। आपरै मतैई चीतरौ। थानै चित्र बणाणौ आवै है। रोजीना चोखा-चोखा चित्र बणीजै है, चित्र बणाऔ।'

छोरा तो चित्र बणावा रै लारै ई पड़ग्या। केई जणां तो छपाई अर वेलबूटा नै हूबहू चीतर दिया। केई जणां फूलां रा रंग जिसा ई रंग फूलां में भस्या। कोई चीतरतौ ई कोनी हौ तो केई जणां बैठा-बैठा जोवै हा कै दूजा कियां चीतरै है।

अक पखवाडा पछे हूँ हाई इस्कूल रा चित्रकला-सिक्क नै तेड़ ल्यायौ। हूँ कैयौ: 'थानै चित्र बणाणौ कोनी सिखाणौ, थेंतो थारै योड माथै चायै जिसा चित्र बणाया राखौ। पण होळै-होळै बणाइज्यौ अर सफाई सूं बणाइज्यौ। झाड़ देख 'र झाड़ बणाऔ, कुड़सी देख 'र कुड़सी।' चित्रकला सिक्क बियां ई कर्यौ अर छोरा बांनै टोर बांध 'र जोवै हा। दूजै दिन चित्र बणावा रौ काम औरू जम्यौ, इयां लाग्यौ जाणै विद्यार्थी में चित्र बणावा रा कायदां री समज बापरी हुवै। पछे हूँ चित्रां रा पानां नीचे बणाणियां रा नांव अर तारीख लिखाणी सरू कर दीनी।

थोडा दिन टाळ 'र चित्रकार सिक्क नै हूँ भळै बुलायौ अर वै रेखाचित्रां में कै आलेखन चित्रां मे रंग भरबा लाग्या। चित्रकार चार-पांच चित्रां में सफाई सूं रंगां रा बरता सूं रंग भरै हा। विद्यार्थी नै रंग भरबा री नुंवीं तरकीब जाणवा नै मिली।

भल्ले थोड़ाक दिनां पछै हूँ अेक सर्वेयर मायला नै बुलायौ अर बीनै आखी साळा नाप 'र साळा रौ नक्सो बणाबा नै कैयौ । म्हाे दोनू साळा रौ "प्लैन" नापै हा अर छोरा लारै फिरै हा । छोरां री निजरां सामै म्हाे मकान रौ नक्सो कागद माथै खींच 'र बतायौ । दो-पांच दिनां ताई हूँ छोरां नै सर्वेयर रा ओफिस में ई भेज्या, जठै यानै ड्राफ्ट्समैन गळ्यां, गांवां अर सींव में साथै लेयग्यौ अर सांपड़तै पैमायस रौ काम बतायौ । साळा में बैठ्या-बैठ्या छोरा साळा नै, कमरा, घर, गळी, कूवा अर तळाव नै चीतरवा लाग्या । बांरी चित्रकला नै बधाबानै हूँ यानै कुदरत में घुमाया लेय ज्यातौ । बठै कोई चीज नै कियां देखणी चइजै, ई रै अम्यास सारू यानै रमत रमातौ: जियां कै कोई झाड़ माथै निजर नाखतां पांण बीरा थड़-डाळखा कीं तरै रा है, यानै देख 'र आंख्यां बंद करयां पछै कागद माथै चीतर लेणौ; सूरज-उगाळी री येळां बीरा रंग नै जोय 'र बांरी ध्यान करणौ अर सिंझ्या रा बदळता रंगां री खासियतां नै देखणौ । दूर सूं झाड़ किसौक दीसै अर खनै गयां किसौक लागै; पेड़, पदारथ, भाखर, मिनख अर बांरां पड़छाया किसाक पड़ै— आं यातां माथै छोरां ध्यान करयौ ।

ई तरै थोड़ाई दिनां में म्हाेरी किलास में चित्रकला रौ काम आछी तरयां चालया लाग्यौ ।

### (४)

अेक दिन हाई इस्कूल सूं हूँ अेक दूरबीन ल्यायौ अर छोरां नै बतायौ कै दूर री चीजां कीं तरै नैड़ी दीसै । बानै भारी अचूबौ हुयौ । आखौ दिन बारी-बारीसर बै आंख्यां पर दूरबीन टांग्यां ई रैया । रात रा हूँ गिरै-नखतरां-तारां नै जोबा नै टेलिस्कोप लेय 'र आयौ । म्हाेरा भायला बोल्या: 'थूं ई जबरौ धमालियौ है ।'

म्हाेरा सिक्क अबै घणखरा इसा मौकां पर म्हाेरै सागै ई रैता । बै मनै भूंडणौ टाळ 'र म्हाेरै सूं कीं सीखवा नै त्यार होयग्या हा । बडा साथ आपरी इंचा मुजब तै कर दीनौ हौ कैहर अठवाड़ियै बै सगळा अेक कलाक म्हाेरी किलास में आय 'र बैठै अर देखै कै हूँ कियां काम करूं हूँ ।

रात नै म्हाेरा बिद्यार्थ्या नै चंदरमा और तारा दिखाया तो बै 'आ हा हा' करबा लाग्यौ ।

चंदरमा दिखाता-दिखाता हूँ यात मांडी : 'बीं चंदरमा रै मांय चरखौ कातती डोकरी अर यकरी दीसै है, पण यठै छंडी खायां अर भाखर है, अर यठै इत्ती ठंडक है कै कोई मिनख कोनी रैवै।' छोरा म्हारै खांनी ताकया लाग्या। हूँ योल्याः 'आपणी आ घरती अर चंदरमा दोनू वैंनां है अर सूरज आंरौ बाप है।'

विद्यार्थी घणा ई अचरज सूं म्हारै खांनी जोवै हा।

अक जणौ योल्याः 'इस्तक री काणी किसी किताय में है।'

हूँ कैयौ : 'आ काणी कोनी, सांची यात है।'

छोरा योल्या : 'हो ई कोनी सकै।'

हूँ कैयौः 'आ सांची यात है।'

तुरत हूँ सूरज में सूं घरती कियां छिटकी, जिकी यात सरु करी, अर बीं यात रौ रंग आछै जम्यौ। दिन पर दिन यीतता गया अर जितै हूँ बांनै घरती री पुड़त ठंडी कियां हुई; खाडा टेकड़यां कियां हुई; नदी-तळाव कियां हुया; सैवाळ, जळजीव, मछल्यां, मींडका, जळ-थळरा जीव, जंगळ अर जंगळी मिनख, अर पछै धीरै-धीरै आज रौ मिनख कियां हुयौ आ सगळी बात कैयी। ऐ बातां घणी उद्बुदी ही। छोरा चित्त-मन लगा र सुणै हा। हैडमास्टरजी सातवी रा छोरां नै ई सुणया नै खिनाता हा।

अक दिन हूँ घरती रौ गोळौ लायौ अर कैयौः 'जोवौ, हूँ थानै बतायौ ई हो कै ऐ सगळी चीजां घरती भाथै कियां बणी?'

पछै हूँ पाणी अर जमीं कठै है, काळा अर गोरा लोग कठै है, पीळा अर राता मिनख कठै है, ठींगणा अर डीगा मिनख कठै है, ऐ सै यातां बताई। ई रै पछै बांनै घरती रा कुदरती बिभाग अर बांरा नांव यताया। पछै आपां असिया में हां, असिया मे औ दीसै हिन्दुस्तान, हिन्दुस्तान में औ दीसै है काठी लोगा रौ मुलक काठियावाड़ अर काठियावाड में औ भावनगर है, सै यताया।

हूँ छोरां नै कैयौः 'औ ल्यौ गोळौ अर बीं पेटी सू नक्सा काढल्यौ। पछै सोधौ कै ई गोळा भाथै कठै-कठै बै नक्सा सई-सई मिलै है।'

हूँ छोरां नै नित-हमेशा कीं नुवौ-नुवौ सोधबा नै कैबा लाग्यौ। हूँ योल्याः 'थै आज तई जिका-जिका गांव जोया हुवै, बांनै सोध काढौ। आ जोवौ कै बठै किसा किसा रास्ताऊ हूय र जा सकौ हौ। मारग में किसी नद्यां आवै है, किसा-किसा गांव आवै है, बांनै ई सोधल्यौ।'

अक तरीकौ तो औ हुयौ। दूजै खांनी, हूँ अफ्रीका जोय लीनौ हौ जिकौ अफ्रीका रौ नक्सौ सांभी राख'र बठै री बातां बतावा लाग्यौ। हूँ बानै बिकटोरिया, नियाग्रा, टांगानिका, जांबेसी, नील अर अफ्रीका रा सिंघा-हाथ्यां अर बठै रा लोगां-मस्साई अर कोवोरंडौ री बातां बताई। पछै अक दिन हूँ बानै कैयौ: 'अ आपणी आजू-बाजू रैबाळा कोळी, कुंबार, रैबारी, घांची है नी, बानै देखबा नै जाओ।' इयां कैय'र हूँ बारै साथै गांवां, सरहदां, नदी कांठे अर भाखरां में भमबा नै जात्रा करी। बीसू बारै मांय लारली पढ़ाई खांनी रुचि पैदा हुई।

पछै हूँ बारै सारु भूगोल रौ अक वाचनालै थरपया रौ बिचार करयौ, पण बी तरै री आछी जात्रा-पोथ्यां आपणी भासा में लादी कोनी। जित्ती मिळी, बानै दे दी अर कैयौ: 'पोथी वांचता जाओ अर नक्सो जोवता जाओ, आदमी कठै सूं कठै जावै है, आ देखौ अर बारै साथै घूमौ।'

विद्यार्थ्यां नै जात्रा-पोथ्यां बांचणी दाय आवै। दो अक जणां नै काठियावाड़ सर्व संग्रह में घणौ मजौ आयौ। नक्सा में सूं अक गांवडौ छांट'र वै बीरै बारै में सर्व संग्रह सूं पूरी जाणकारी हासल करबा लाग्या। ई तरै किताई अजाण्यां गांवां री जाणकारी भेळी करबा लाग्या। रविशंकर रायळ रा चित्र बानै अम्दाबाद री आखी जाणकारी कराई। जे हरेक खास-खास जग्यां रा चित्र-एल्बम होता तो अच्छ्यौ होतौ। अक दिन रवि भाई आया अर बारै खंनै मदरास री अक फिलम ही, जिकी हूँ विद्यार्थ्यां ने दिखाई। सलेमा नुकसाण करै है पण दूजै पासी यौ भणाई रौ अणमोल साधन ई है। दूर री हूयहू झांकी दिखाबा सूं विद्यार्थ्यां रौ भूगोल री दिलचस्पी बधबा लागी। अकर 'सीजर्स सिगरेट' री तास म्हारै हाथ आयगी। बीमें देस-देस रा लोगां रा चित्र हा, जिका हूँ विद्यार्थ्यां नै दिखाया। म्हारौ मकसद बानै आखी दुनिया रौ ग्यांन करया रौ कोनी हौ। बानै की याद रैवै, औ ई कोनी हौ। फगत इतौ ई मकसद हौ कै पै आछी तरै समज लैवै कै आ दुनिया कित्ती बडी है। ई रै मांय किसी सारी चीजां अर जग्यां जाणया-जोया लायक है अर बानै जोया सारु किसान-किसा साधन है। वस, म्हारै सारु इतौ ई घणौ हौ।

हूँ अक दूजी रमत काढी, बीरौ नांव है 'चालौ आपां मुसाफरी पर चालां।' विद्यार्थी भावनगर सूं अम्दाबाद, दुवारका, मुंबई, हिवाळे, इत्याद जग्यां सारु बईर होता। पछै कियां बईर होणौ, किसी-किसी

में बैठणौ, कठै-कठै गाड़्या पलटणी, कठै-कठै जोवण जोगी जग्यां है, वठै देखण री किसी-किसी ठौड़ है, किता दिनां में जात्रा पूरी हुवै, कुण-कुण मिलसी, अर कोई कोई चीजां खरीदबा जोगी है इत्याद यातां पर विचार करता; सांचकला खरचा रौ अंदाजौ लगाता, सैरां री गाइडां जोय र जात्रा में देखण जोगी जग्यां रा नांव टूंकता अर भूगोळ सूं बखाणबा-जोगी चीजां सारु बांच-बांच र आ पक्की करता कै कोई-काई चीजां मोलावणी चईजै। बै ई तरे सूं सै यातां रौ अभ्यास करता जाणै सांचाणी जात्रा माथै निकळ्या हुवै। औ अभ्यास हूँ भूगोळ नै समज्या री रीत रा अेक नमूना यतौर करतौ। बाकी रौ काम विद्यार्थ्यां माथै छोड देतौ। कदेई बै नक्सा में आ टंटोळता कै दियासलाई री पेटि कठै सूं आई। कदेई बै अठै री रूई बिलायत किसान-किसा मारग हूय र जावै, आ जाणबा सारु कलपना में रूई री गांठा माथै बैठ र बईर हो ज्याता। कदेई बै यजार घूमबा जाता अर निगै करता कै अेक दुकान में किसान-किसा देस अर किसान-किसा गांव जम र बैठ्या है। कदेई ये नद्यां रा नांवां री, तो कदेई पाड़ा रा नांवां री, कदेई देसां रा नांवां री तो कदेई सैरा री नांवां री, ई तरे भूगोळ री चीजां अर भूगोळ रा नांवां री अंतकड़ी रौ खेल खेलता। चित्रकला में जित्ता चित्त-मन सूं बै झाड़ रौ चित्र यणाता, यीं तरे बांनै देस-देस रा नक्सा बणाबा में ई आणद आतौ। यै आपरा चीतरयौडा नक्सां में आपरी आंख्यां सूं जोयोड़ा, खुद बांच्यौड़ा, खुदौखुद सुण्यौडा गावां, नद्यां अर डूंगरा नै दरसावता अर वधारै दरसाव सारु भूगोळ बांच र जोवता कै नुवां गांव किसान है, किसी ठौड है। ई तरे म्हारी भूगोळ री पढाई चालती।

म्हारा सिक्क साइनां मनै अेक दिन कैयौ: 'भाइडा! औ काम तो थारै ई ताबै रौ है। इत्ती सारी बातां म्है कठै सूं जाणां? ई रीत-भांत सूं म्हानै भूगोळ री बातां करणी कोनी आवै!'

हूँ कैयौ: 'भायां! सौक्युई आ सकै। आपां नै थोड़ी मैनत करणी चईजै। आपारै मांय कीं उछाव होणौ चईज।'

(५)

सालीणी परीक्ष्या रौ बगत नैड़ौ आवै हो। हूँ म्हारा काम रौ तखमीनौ

लेबा नै बैठौ हौ। बैठों-बैठों गणित री बिचार करबा लाग्यौ। बात आ कोनी कै आज ताई हूँ गणित रै हात ई नई लगायौ हुवै, पण आज ईरी चरचा करबा रौ म्हारौ मन है। जद हूँ म्हारा वरग रा बिद्यार्थ्या नै, बै गणित में किता-काई जाणै है, आ ठा करबा सारु अभ्यास-पोथी सूँ सवाल लिखाया तो बै सै बांनै सई कर बताया। पैली तो हूँ सोच्यौ कै अै सै गणित में पक्का है अर आ चोखी ई बात है कै जिका विषय में हूँ की खास नुंवौ काम कर र दिखाबा-जोगौ कोनी, बी विषय में अै बिद्यार्थी ठीक ठाक हा। पण जद हूँ बांनै होळै-सी हिसाबां रै मूळ में मौजूद तरक पूछ्यौ, रीत रौ कारण पूछ्यौ तो मनै अंधारौ देखण नै मिल्यौ। मनै लाग्यौ कै बिद्यार्थ्या नै जोड़-बाकी करणी आवै है, पण बांरौ ग्यांन तोतां आळौ है, मशीनी। हूँ सोचबा लाग्यौ: 'ईरौ काई उपाव करा?' हूँ अमूजबा लाग्यौ। अेक तौ गणित म्हारौ बालौ विषय कोनी हौ। दूजौ, गणित री भणाई रा दोसां नै हूँ समजै हो, पण बांनै दूर कियां कर सकां हां, ई बात री खोज हूँ कदेई करी कोनी ही। ई हालत में म्हारै सांमी औ अेक आकरौ सवाल हौ कै हूँ कियां-काई करूं? हूँ बडा साब खंनै गयौ अर साफ-साफ कैय दियौ: 'साब। गणित विषय में हूँ की नुंवौ कोनी कर दिखा सकूला। हाँ, छेरां नै आछी तरयां समजा र पढ़ाछूला अर अभ्यासक्रम पूरौ कराछूला।' साब बोल्या: 'इयां कियां? गणित री पढ़ाई में सुधार री गुंजास कोनी कई?'

हूँ बोल्या: 'जी हाँ, है। पण बै फैरफार मूळ सूँ ई होणा चईजै। छेरां नै गिणती सिखाय री बेळां सूँ ई सई पद्धति बताणी चईजै। गणित इस्तक रौ विषय है कै जे अेकर तरक सूँ मन रै मांय नई ठसै तो पछै हमेसां रै दास्तै पांगळौ रैय ज्यावै।'

साब कैयौ: 'तो थैं सरु सूँ ई यांनै क्यूँ नई सिखाओ?'

हूँ उत्तर दियौ: 'पण बीं सारु बगत कठे है? अर जे बगत हुवै तो ई आं बिद्यार्थ्या नै, जिका यंत्र री जियां काम करबा रा हेवा होय चुक्या, जिका गणित में कारण पूछै ई कोनी, तरक करयां बिना ई आपरी गणतरी करयां राखै, बांनै सई रास्ता माथे लाणौ बोट दौरौ है— बोट मुस्कल है।'

साब बोल्या: 'जणां आं छेरां री गणित.....'

हूँ कैयौ: 'दियां तो हूँ म्हारै सूँ बणसी जितौ आच्छ्यौ ई करूला, पण म्हारौ इतौ ई कैणौ है ई विषय में जिका-जिका नुंवां अखतरा हूय सकै, यांनै

हूँ कर नई सकूँला।'

साय पूछ्यो : 'मानल्यो कै थाने पैली सूं ई अक किलास संपछां तो थें दीरे माथे नुंवां अखतरा करोला कै नई?'

हूँ कैयो : 'मने ई यात री उमेद तो है ई कै गणित री अखतरा अक-दोय री गिणती सूं ई सरु करुं, जिकौ पछै हूँ सगळां नै कैय सकूं कै म्हारी आ रीत सई है। म्हारा सिक्क भायों नै गणित मे कीं न कीं नुंवी पद्धति दाखल करदा री सौख है, आ यात हूँ जाणूं हूँ। जे आंवतै यरस मने अखतरा करदा री मोको मिलेला तो चन्दर शंकर अर हूँ ई विषय में अखतरा करांला। हूँ जाणूं कै मोटेसरी री गणित पद्धति दोत घोखी है। या सैज है। हूँ दीने बांधी-गुणी है, पर पूरी अनभव कोनी कर्यो।'

साय बोल्या : 'जे आंवतै यरस थे अठे डिप्टी री, सिक्कण गिन्दर रा सिक्कण री अर गणित रा प्रयोगकर्ता री पद सांभो तो?'

हूँ बोल्या : 'दा तो हरिइंछा! पण ई यगत आपनै इतौ ई कैणी घावूं कै गणित रा विषय में हूँ कीं नुंवी यात कर 'र नई यता सकूँला।'

### (६)

सालीणी परीवध्या नजीक आई। हूँ म्हारी रीत सूं दिवाध्या नै तयारी करावा लाग्यो। ये दोत उछाय-उमाय सूं तयारी करै हा। मने भरोसो हो के म्हारा दिवाध्या परीवध्या मे सकळ निवटती।

परीवध्या री से दिन आयो। बडा साय रागज्यां री परीवध्या लिवाली। आज म्हारा घरग री दारी ही। म्हारी सरस मुजब बडा साय नै खुद परीवध्या लेजी ही। ये मने हंस 'र कैयो, 'अध्या भई लिछनी राकर जी। हूँ म्हारे घरग री परीवध्या कोनी लेऊं, बांरा घरग रा से दिवाध्या नै हूँ ऊपरली किलास मे घड़ाऊं हूँ।'

हूँ बोल्या : 'जी नई, इया ना करो। इयां करकारसूं येई दिवाध्या नै न्याय कोनी मिले।'

साय कैयो : 'कानी उज्जो दा माये अन्धार हूतो? शिको?'

हूँ बोल्या : 'जिना मोरा घड़ाया जोगा नई है, काने हूँ ऊपर कोनी घड़ा सकूं।'

बड़ा साव: 'पण मनै विसवास है कै थै सगळां नै बरौबट तयार करचा है। थारी पढ़ाई मनै मंजूर है।'

हूँ बोल्यौ: 'आ तो सई है, पण काई म्हारी पढ़ाई सगळां में अक सरीखी ऊगी है? कोई-कोई रै तो बा अड़ी ई कोनी। बै तो साव कोरा अबोट रैयग्या।'

बड़ा साव: 'जणां बां रौ काई करणौ चईजै, थैं ई बताऔ।'

हूँ बोल्यौ: 'जी बां में सूं कोई-कोई नै तो साळा छोड़ ई देणी चईजै। रुघा नाई रौ बेटौ इतियास, भूगोल अर गणित रौ जीव कोनी। वौ ई साळा में अमूजै। पण बौ आपरै धंधा में इत्तौ हुंस्यार है कै सौ नायां रौ सेठ बण र बडौ सारौ सैलून खोल सकै। ईनै हज्जामगीरी में और हुंस्यारी सीखबा नै अर सैलून रौ इन्तजाम करया री अटकळां सीखब नै मुंयई भेजणौ चईजै।'

बड़ा साव: 'ठीक, दूजा कुण-कुण है जिका साळा सारु नाजोगा लागै है?'

हूँ बोल्यौ: 'साळा सारु नाजोगा तो कोनी कैय सकां, पण साळा बारै जोगी कोनी। जिकां कामां रै वास्तै बै लायक है, बै काम साळा बांनै कोनी देय सकै।'

बड़ा साव: 'अच्छा, आ बात है। पण इसा कुण-कुण है?'

हूँ बोल्यौ: 'जीवन सेठ रौ बेटौ नेमी पुलिस बिभाग रै लायक है। बीं नै अखाड़ा में भरती करणै री जरूत है। सेठजी बीरै सारु मुसाफरी रौ परबंघ कर देवै अर बौ कोई चोखा थांगादार खंनै रैय र थोड़ा कानून-कायदा बांघ लेवै, तो पांच बरसां मे जोरदार थांगैदार बणज्यासी। अबार सूं ई औ आधी साळा माथै थांगैदारी कर रैयौ है।'

बड़ा साव: 'अच्छा, भळै कुण-कुण है?'

हूँ बोल्यौ: 'जी ई तरै तीन जणां भळौ काचा है। बांनै हूँ आं छुट्यां में म्हारै खंनै राख र ऊपरली किलास वास्तै तयार करुंला। पण साव, आपणी साळा री किलासां अर अभ्यासक्रम री करड़ाई रौ कीं उपाव नई करौला?'

बड़ा साव: 'ई बात नै जाबाद्यौ। ईमें म्हारा हात-पग बन्ध्योड़ा है, आ बात हूँ पैली ई थानै कैई बार कैय चुक्यौ हूँ। जणां ठीक है, थारी परीक्ष्या निवड़गी।'



हूँ बोल्यौ: 'नई साब।'

बड़ा साब: 'छमाई आळी जियां कीं दिखाब रौ सरंजाम कर राख्यौ हैं काई? थांरी तरकीब अबै हूँ जाणग्यौ हूँ।'

(७)

आज म्हारी साळा रौ मेळावड़ी हो। परीक्षा रै पछै हर साल ई तरै रौ जलसौ हुयां करै। ऊंचा लंबरां सू पास होणियां बिद्यार्थ्यां नै आज इनाम दिरीजवाळा हा। गांव रा सेठ, सिरीमंत अर अलकार हाजर हा। ई मौकै रौ कार्यक्रम बणाबा सारू बड़ा साब मनै कैयौ हो। ओ काम हूँ म्हारा बिद्यार्थ्यां नै सूप्यौ हो। बै जोक्युई कर्यौ हो, म्हारी सला सू ई कर्यौ हो।

सैऊं पैली डांडिया रास सरू हुयौ। आधा घंटा ताई बै झुकझुकाटी मचा दी। पछै सरतां आळी रमतां चाली-दौड़ री, छलांग री, तीन टांग री, कुड़सी री इत्याद। रमतां निवड़ी र भूक अभिनय सरू हुयौ। बिद्यार्थ्यां में सू कोई सेठ रौ, कोई सिक्खा अधिकारी रौ, कोई थाणैदार रौ तो कोई नेतावां रौ अभिनय दिखायौ। बीरै पछै बिद्यार्थी आपरा बणायोड़ा चित्र ले र आया अर लुळ-लुळ र सगळां गिरस्थ्यां नै दिखाया। कमरा मे बैठ्या सै जणां चित्र देखण में लामीजग्या हा।

अबै इनाम देगै रौ काम हो। हर साल सवा सौ रिपियां रा इनाम दिरीजै हा, जिका हुंस्पार बिद्यार्थ्यां रै बिचाले यंटीजता हा।

बड़ा साब ऊभा हुया। हमेस रै रिवाज मुजब बै दो बोल कैया लाग्या: 'आज रौ इनाम रौ मेळावड़ी हूँ जुदी जात रौ लेखूं हूँ। ओ म्हारै पागती बैठ्या भाई लिछमी शंकर इनाम री बाबत में मनै नुंवां पाठ सिखायौ है। ई साल रा सवा सौ रिपियां रा हूँ जुदा-जुदा इनाम कोनी यादूं, पण ओ सू नुंवां पाठ भणायाळा ओ भाई रै नांव माथै साळा में अेक वाचनालै थरपूं हूँ। मनै आ यात कैता थकां घणौ हरख होय रैयौ है कै हर साल इनाम रा रिपिया वाचनालै में जावे, ई तरै रौ हुकम मनै ऊपर सू मिळ्यौ है। इनाम न्यारा-न्यारा बिद्यार्थ्यां नै निजू हैसियत सू मिलै तो वामें गरब अर निरासा आय ज्यावे। ई यास्ते जा नुंवी ब्यौस्ता करीजी है कै इनाम रौ फायदौ सगळां नै मिलै। मनै इनाम री फिजूलगी यतायाळा अर ई अखतरा रौ तजरवौ करायाळा भाई

रौ हूँ सगळां रै सामी घणौ-घणौ अेसान मानूं हूँ।

ई मौके बताणौ जरूरी है कै अै भाई म्हारे खंनै चौथी किलास नै नुर्वी रीत सूं पढ़ाणै रौ अखतरौ करबा बास्तै अेक साल पैलां आया हा। वीं बगत हूँ आंनै बैवार-बायरौ पोथी पिंडत ई धारै हौ। 'इसा खपती घणाई है, जद कसौटी माथै परीक्षा होसी, मतै ई न्हाट ज्यासी' इयां मान र हूँ आने मंजूरी दे दी कै थांरौ अखतरौ लागू करौ। हूँ कैणी चारुं कै मनै आं में दर में ई बिसवास कोनी हौ, पर मनै कबूल करणौ चईजै कै आंरौ प्रयोग- आं रौ अखतरौ सफल निवड्यौ है। अै म्हारे बिचारां में फैरफार कस्यौ है अर म्हारा हिवड़ा में अयै मनै संभळायौ है कै प्राथमिक सिक्षण रा जूना ढरड़ा रौ छैड़ौ आणौ चईजै। म्हारे जिसा सिक्षकां अर सिक्षा अधिकारियां नै अबै राजी-खुशी छुट्टी लेय र नुर्वी पीढ़ी रा कलपनासील सोचणियां अर, सैक्षिक बिचारकां नै ठैड़ देणी चईजै।

हूँ म्हारौ हरख कियां पेस करूं? आंरा वरग रा आं बिद्यार्थ्यां पासो जोवौ। अै कित्ता ब्यौस्ताळु, तंदरुस्त अर मौजीला है। आंरी सगती कित्ती बधी है, ई री हूँ साखी भरूं हूँ। आंनै लेय र आंरा माँ-बापां रौ सन्तोष हूँ बारबार सांभळ्यौ है।

बडा साव रौ भासण पूरौ हुयौ। सै गया, हूँ ई घरै आयौ।



## पोथी में बापरीज्योड़ा कीं नुंवां सबद

अखतरौ	=	प्रयोग
सांपड़तै	=	प्रत्यक्ष
अघरौ	=	कठिन
खातरी	=	विश्वास
भणतर	=	शिक्षण
निसाळिया	=	विद्यार्थी
केळवीजी	=	विकसित हुई
नोंधपोथी	=	नोटबुक
मेळावडौ	=	जलसा
बेनामून	=	बेमिसाल
उपाड़णौ	=	हाथ में लेना
पानड़ी	=	सूची
सांभळौ	=	सुनो
सांभ्यौ	=	संभाला
आदरी	=	शुरू की
गम्मत	=	मनोविनोद
वरग	=	कक्षा
झीणवट	=	बारीकी से
अभिमुख	=	तैयार
यधारै	=	अधिक
कसौटी	=	जाँच
ओरड़ौ	=	कमरा
जोइजै	=	चाहिए
भळै	=	फिर, पुनः
तेड़ौ	=	बूलावा
भण्णई	=	पढ़ाई
मेमा	=	महिमा
अळ्यौ	=	दयेकरा





